

საქართველო.

ათონები საშაულები.

დ. გარემოს მეცნიერებას მიერ.

—

სურათებით.

—♦—

ფილისი.

თბილისი. სტამბა შ. გ. ქართ. ამ. მ. ელექტრონებ. ერთობლივ. გამო

1902.

საქართველო

მთოლემონი საუკუნეები.

დ. გარეჯიშვილის მიერ.

სურათებით.

ტფილისი.

სლექტი. სტამბა ქართ. წ. გ. იმპ. მეცნიერ. გრანის. მადატას. თ-ებ.

1902.

Дозволено цензурою. 16 октября 1902 года. Гор. Тифлисъ.

К 64 ч 40

საქართველო მთორებელი საუკუნეები.

მ ე ს ა გ ა დ ი .

I.

საქართველოს პოლიტიკური მდგრადი მიზანი საზღვრები.— მისი საზღვრები.— ქართველები და მათი მეშობლები.

მეთორმეტე საუკუნეში საქართველომ მიაწია უმაღლესს წერტილს თავის ძლიერებისას და დაიკავა იმოდენა არე-მარე, რაოდენიც არა სკერია სხვა დროს. მთელი ეს ხანი წარმოადგენს დიდებულს ძლევა-მოსილს პრძოლას მოსაზღვრე მუსულმანს სახელმწიფოებთან. ქართველები არამც თუ იცავდენ თავის თავს მტერთაგან, პირ-იქით თითონვე ესხმოდენ თავს მტრებსა, ძლევა - მოსილნი შედიოდენ მათ ქვეყნებში და იპყრობდენ იმისთანა ადგილებს, რომელიც მტერთა სამკვიდრო საკუთრებას შეადგენდენ.

მა საუკუნის საქართველოს საშეფოს წრეში შედიოდა მთელი ქართველთა სამკვიდრო ტერიტორია, ე. ი. ბასეინები მტკვრისა მის მარჯვენა და მარცხენა ჩასართავებით ეკლეციამდე და ალაზნამდე, ჭოროხისა, რიონისა და ენგურისა. ქართველთა სამკვიდრებელის მიწა - წყლის გარეშე საქართველოს

ეკუთნოდა კიდევ აფხაზეთი და სასომხეთის ჩრდილოეთი ნაწილი ქალაქ ანითურთ. ამას გარდა საქართველოს მეფისგან დამოკიდებულნი იყვენ ჩრდილოეთით ისეთი და ოღმოსავლეთით შირვანი (მტკვრის მარცხნივ) და რანი (მტკვრის მარჯვნივ). ასე რომ პოლიტიკური გავლენა და უფლება საქართველოსი ამ საუკუნეში განისაზღვრებოდა—ოღმოსავლეთით თეთრის (კასპის) ზღვით, ჩრდილოეთით კავკასიის მთაგრეხილით, დასავლეთით შავის ზღვით და სამხრეთით არაქსით (არეზით) და მტკვრისა და ჭოროხის სათავეებით.

ამნაირად მეთორმეტე საუკუნის საქართველოში თავმოყრილნი იყვენ ყველა ქართველთა ტომნი, ერთის ენით მოსაუბრენი, ერთის სარწმუნოებით შეკავშირებულნი და ერთის ინტერესით გამსჭვალულნი. ქართველებთან ერთად იყვენ აგრეთვე აფხაზები, რომელნიც, იმის მიუხედავად რომ ჩამომავლობა და ენა ერთი არა ჰქონდათ ქართველებთან, დიდის ხნის ისტორიულად ერთად ცხოვრებაშ მჴიდროდ დაუკავშირა ქართველობას. დანარჩენი უცხო ელემენტები—ოსები, სომხები და მუსულმანები, თუმცა კი პოლიტიკურად დაკავშირებულნი, სამწუხაროდ, არ იყვენ შეთვისებულნი და შეხორცებულნი ქართველობასთან. ეს მოხერხდებოდა მხოლოდ დიდის ხნით მჴიდრო ცხოვრებით და ერთნაირის კულტურის გავრცელებით. სომხები და შირ-

ვანის და რანის მუსულმანობა ახლად ამ საუკუნე-ში იყვენ დაკავშირებულნი პოლიტიკურად საქართველოსთან და, მაშასადამე, ისტორიულს ხნოვანობას ვერ შეეძლო მათი ქართველებთან შეთვისება; ამას გარდა, ისინი ენით და სარწმუნოებით ძრიღლ განსხვავებულნი იყვენ ქართველთაგან, რაიცა აგრეთვე ხელს უშლიდა ქართველებთან შეთვისებას. რაიცა შეეხება ოსებს, თუმცა ისინი უფრო აღვილი შესათვისებელნი იყვენ, რადგან მათი პოლიტიკური კავშირი საქართველოსთან ახალი არ იყო, მაგრამ მათი გეოგრაფიული მდებარეობა და ველური კულტურა მუდამ აფერხებდა მათ შეთვისებას ქართველებთან. ამ მიზეზებთან ერთად, თუ სახეში მივიღებთ იმ გარემოებას, რომ ქართველები თავის დღეში არ ცდილიან განგებ, მოხერხებით და მით უფრო ძალ-დატანებით რომლისამე დამორჩილებულის ერის გაქართველებას ან თავიანთ სარწმუნოებაზე მოქცევას, აღვილად გასაგები ხდება, თუ რატომ მეთორმეტე საუკუნეში არ შეეხორცენ და არ შეეთვისენ უცხო ელემენტები ქართველებს. ამ გარემოებითვე აიხსნება, რომ მთელი მეთორმეტე საუკუნის ისტორიის ტვირთის მზიდველი და ჭაპანის მწეველი იყო ქართველობა, ხოლო სხვა უცხო ელემენტები მხოლოდ სარგებლობდენ ქართველების შრომით და სისხლით.

ქართველთა მოსაზღვრე ხალხნი ამ საუკუნეში

იყვენ ბერძნები, სპარსები, თურქები, რომელთაც
 დააარსეს ჩავდენიმე წვრილი სამფლობელო სასომ-
 ხეთისა და ბიზანტიის ნატამალზე, და მთიელები.
 ბერძნების გარდა, რომელთაც თავიანთ სისუსტის
 გამო ამ საუკუნეში არ შეეძლოთ არც მტრობა და.
 არც მოყვრობა ქართველებისა, და კავკასიის მთი-
 ელთა გარდა, რომელნიც ქართველებს მათ ძლიე-
 რებისა გამო მტრობას ვერ გაუბედავდენ, უკელა
 მოსაზღვრეები ქართველთა წინაამდეგნი იყვენ,
 ცდილობდენ საქართველოს დამხობას და შშვილბი-
 ანობას იცავდენ მხოლოდ იძულებით.

II.

საქართველოს სოციალი წეს-წყობილება.

საქართველოს სოციალი წეს-წყობილება მეთორ-
 მეტე საუკუნეში წარმოგვიდგენს შემდეგს სურათს.
 მთელის ერის თავში იდგა და ქვეყნის პატრონი იყო
 მეფე, რომელიც მართავდა სამეფოს. მას მოსდევდენ
 დიდებულები, რომელნიც მეფის შემდეგ უწარჩინე-
 ბულესნი პირნი იყვენ ქვეყანაში, მეფესთან ერთად
 იღებდენ მონაწილეობას სამეფოს საქმეთა მართვა-
 ში, მასთან ერთად ზრუნავდენ ქვეყნის სიკეთისა-
 თვის და ასრულებდენ უმაღლესის ხელისუფლების
 და ერისთავების თანამდებობას. დიდებულთ მოსდევ-
 დენ აზნაურები, რომელნიც, მართალია, პირდაპირ

მონაწილეობას არ იღებდენ სამეფოს მართვაში, მაგრამ დიდს სამსახურს უწევდენ თავიანთ პირადის შრომით და სისხლით. ისინი შეადგენდენ ცხენოსანს ჯარს, მეციხოვნობას სწევდენ დაპყრობილს ციხე-ქალაქებში და ასრულებდენ დაბალს ხელისუფლობას.

აზნაურებს მოსდევდენ გლეხები. ესენი იყვენ მიწის შემმუშავებლები და ყოველნაირის ხარჯისა და ბეგარის გადამხდელები და თან მეომრებიც, როდესაც სამშობლო გაჭირვებაში ჩავარდებოდა, ანუ საჭირო იქნებოდა სამშობლოს დიდებისათვის გალაშქრება.

ეს სამი წოდება—დიდებულთა, აზნაურთა და გლეხთა, თუმცა მემკვიდროებითი იყო, მაინც ერთითგან მეორეში გადასვლა ხშირად ხდებოდა. გლეხი აზნაურდებოდა და აზნაური დიდებულდებოდა რაიმე ღვაწლისათვის. აგრეთვე დიდებული უბრალო აზნაურის ხარისხზე იქვეითებდა და აზნაური გლეხად იქცეოდა რაიმე დანაშაულის გამო.

ამ სამს წოდებისთან სამეფოში იყო კიდევ მეოთხე წოდება—სასულიერო, რომელიც თითქმ ცალკე სამეფოს წამოადგენდა ისეთისავე იერარქიით, როგორიც იყო საერო უწყებაში. უმაღლესი მეფის მსგავსი ადგილი ეკავა კათოლიკოზეს, დიდებულებისა მთავარ-ეპისკოპოზებს და ეპისკოპოზებს, მათ შემდეგ აზნაურის მსგავსი ადგილი ეჭირათ მონასტრის

წინამდლვრებს და ქორ-ეპისკოპოზებს, ხოლო სულ
დაბალი აღგილი ეკავათ ხუცესებს, მლვდლებს და
დიაკონებს და აგრეთვე უბრალო ბერებს.

იყო კიდევ ერთი მცირე-რიცხვოვანი წოდება,
რომელსაც დიდი მნიშვნელობა არა ჰქონდა საქარ-
თველოში. ესენი იყვენ მოქალაქენი, შემდგარნი
ორის წყებისაგან: მდიდარის ვაჭრებისაგან და მე-
წვრილმანე-ხელოსანთაგან.

მეფე ითვლებოდა სამეფოს პატრინად და მთე-
ლი მიწა-წყალი მის საკუთრებად. ამ მიწას ამუშა-
ვებდენ გლეხები და მეფეს სამაგიეროდ უხდიდენ
ხარჯს და ბეგარას. მეფისგან აზნაურებს ჰქონდათ
მიცემული სასარგებლოდ და სარჩოდ მამული იმ
გლეხებით, რომელნიც ამ მამულზე ცხოვრებდენ.
მამულის მფლობელობასთან ერთად მეფისგან და-
თმობილი ჰქონდათ აზნაურებს მომეტებული ნაწი-
ლი გლეხის სამსახურისა. დიდებულებსაც აგრეთვე
ჰქონდათ მიცემული მეფისგან დიდი მამული მას-
ზედ მცხოვრების გლეხებით და აზნაურებით, რო-
მელნიც მეფის სამსახურის მომეტებულს ნაწილს დი-
დებულს უწევდენ.

ამნაირად ერთის მხრით მიწის მფლობელობა,
მეორე მხრით მეფის სამსახური ჰქონდა საქართვე-
ლოს მაშინდელს სოციალს წეს-წყობილებას. მეფე
იყო ბატონი, სხვები იყვენ მისი ყმები. უწარჩინე-
ბულესი მეფის ყმები იყვენ დიდებულები, რომელ-

თაც ექირათ მამული და დაქვემდებარებული ჰყავდათ ამ მამულის მოსარგებლე გლეხები და აზნაურები. უკანასკნელნი ან მეფეს ექვემდებარებოდენ პირდაპირ, ან რომელსამე დიდებულს. ერთსაც და მეორე შემთხვევაშიაც აზნაურებს ექვემდებარებოდენ გლეხები, რომელნიც მათ მამულზედ ცხოვრებდენ. ბოლოს იყვენ გლეხები, რომელნიც ცხოვრებდენ ან პირდაპირ მეფის მამულზე, ან პირდაპირ დიდებულისაზე, ან აზნაურისაზე, რომელიც თავის მხრით ან პირდაპირ მეფის ყმა იყო, ან დიდებულისა. ამიტომ გლეხი იყო ოთხნაირი: 1) პირდაპირ მეფის ყმა, 2) სამეფო აზნაურის ყმა, 3) დიდებულის ყმა და 4) დიდებულის აზნაურის ყმა. აზნაური ორნაირი იყო: 1) პირდაპირ მეფის ყმა და 2) დიდებულის ყმა. დიდებული პირდაპირ მეფის ყმად ითვლებოდა. ხოლო ყველანი საერთოდ მეფის ყმებად ითვლებოდენ.

დიდებულის ვალდებულება მეფის წინაშე მდგრადირეობდა იმაში, რომ მას მეფის ბძანებისამებრ უნდა მოეკრიფა თავის საყმოში ჯარი აზნაურთა და გლეხთაგან და გამოსულიყო სალაშეროდ. ასეთივე ვალდებულება აწვა მეფის აზნაურს. დიდებულის აზნაური კი დიდებულის მოთხოვნილებისამებრ უნდა გამოსულიყო თავის გლეხებით დიდებულის დროშის ქვეშ საბრძოლელად. მეფის ყმა გლეხები ვალდებულნი იყვენ, როგორც პირადის სალაშერო სამ-

სახურით, ისე ხარჯის ძლევით და ბეგარის გადახდით. დიდებულის გლეხი მოვალე იყო დიდებულისთვის ეძლია ხარჯი, ეწია ბეგარა და გასულიყო ხალაშქროდ მის მოთხოვნისამებრ. აზნაურის გლეხიც მოვალე იყო ეძლია მისთვის ხარჯი, ეწია ბეგარა და გაჰყოლოდა სალაშქროდ მას. დიდებულის გლეხები, ისე როგორც აზნაურისა, პირდაპირის ბატონის სამსახურის გარდა, მოვალენი იყვენ ზოგიერთი ხარჯი და ბეგარა ეხადათ მეფისთვისაც. ხოლო დებულის აზნაურის გლეხები, სამეფო სამსახურისა და ბეგრის გადახდის გარდა, სამსახურს უწევდენ იგრეთვე დიდებულსაც.

ასეთივე დამოკიდებულება არსებობდა სასულიერო უწყებაში. კათოლიკოზები და მცხეთის ეკკლესიას ჰქონდა დიდი მამულები, რომლებზედაც მოსახლეობდენ გლეხები და აზნაურები. პირველს შემთხვევაში გლეხები და აზნაურები ითვლებოდენ საკათოლიკოზო ან მცხეთის ყმებად, მეორე შემთხვევაში ისინი იწოდებოდენ სამონასტრო ყმებად. მათი დამოკიდებულება კათოლიკოზისა და მონასტრებისაგან ისეთივე იყო, როგორც დიდებულისა და აზნაურისაგან.

მეფეს შეეძლო, თუ საჭიროდ დაინახავდა, საერთო სარგებლობისათვის ან დასასჯელად, წაერთმია მამული დიდებულისთვის ან სამეფო აზნაურისთვის ზედ-მოსახლე გლეხებითურთ და მიეცა ან სხვა

დიდებულისა და აზნაურისათვის; ან ეკკლესიისათვის. თუ მეფე უდანაშაულოდ ართმევდა დიდებულს ან აზნაურს, ჩვეულებრივ სხვაფრივ აკმაყოფილებდა მას ახალის მამულის მიცემით სამაგიეროდ.

დიდებულებს და აზნაურებს შეეძლოთ თავიანთ მამულის გაყიდვა ან გაჩუქება, მაგრამ ყოველთვის მეფის თანხმობა უნდა აეღოთ.

მოქალაქეები ექვემდებარებოდენ ან პირდაპირ მეფეს ან რომელსამე გამოჩენილს დიდებულს, რომელსაც აძლევდენ ისინი ხარჯს და სალაშქრო სამსახურს უწევდენ.

III.

სამოქალაქო და სამხედრო წეს-წყობილება

მეფედ ხდებოდა ჩვეულებრივ მეფის უფროსი ვაჟი შვილი, რომელსაც მეფე თავისსავე სიცოცხლეში აცხადებდა მეფედ ანუ, უკეთ რომ ვთქვათ, მემკვიდრედ. ასე მოიქცა გიორგი II დავით აღმაშენებელის შესახებ, დავით აღმაშენებელი დიმიტრის შესახებ, გიორგი III თამარის შესახებ და თამარი გიორგი ლაშას შესახებ. მხოლოდ რაიმე გარემოება უნდა ყოფილიყო, რომ მამას ტახტი გამოეწირა თავის უფროსის ვაჟისთვის და მიეცა შემდეგისთვის. ასეთი შემთხვევა მოხდა დიმიტრის მეფობაში, როდესაც დიმიტრიმ უპირატესობა მიანიჭა უმცროსს

შვილს გიორგის და ამით უფროსი შვილი დავითი ძალიან გაანაწყენა, რამაც გამოიწვია რევოლუცია, რომლის შედეგი იყო დიმიტრის გადადგომა და დავითის გამეფება. თუ საკუთარი ვაჟი ან მახლობელი ნათესავი ვაჟი არ ეყოლებოდა მეფეს, მეფობა გადადიოდა ქალიშვილზე. თავის სიცოცხლეში მეფედ გამოცხადებულს შვილს მეფე აღგამდა გვირგვინს და ასრულებდა ცერემონიას დიდებულთა თანადასწრებით. ისიც მამასთან ერთად იწოდებოდა მეფედ, მაგრამ ნამდვილად კი არ მეფობდა. მხოლოდ ხანდახან მოხდებოდა, რომ მამა სიცოცხლეშივე სტოვებდა მეფობას და შვილი ხდებოდა სრულს მეფედ, როგორც მოიქცა გიორგი II, რომელმაც 1089 წ. მეფობაზე ხელი აიღო და დავითს ჩააბარა. მაგრამ საფიქრებელია, რომ ასეთი ხელის აღება მეფობაზე უფრო ძალდატანებითი უნდა ყოფილიყო, როგორც ცხადათა ჩანს დიმიტრის მაგალითითვან.

მეფედ შვილის გამოცხადება მამისავე სიცოცხლეში უდრიდა მემკვიდრის დანიშვნას, რომელიც ახლანდელს დროშია მიღებული. ამნაირად წინდაწინვე მეფედ დანიშნული აღვილად და დაუბრკოლებლად იკერდა მამის სიკვდილის შემდეგ. ტახტსა. ამ ნამდვილს გამეფებას მეფე იხდიდა დიდის ამბით და ცერემონიით. იკრიბებოდენ დიდებულები სამეფოს ყველა კ თხითვან, თავს იყრიდა ჯარი, შემდგარი აზნაურთა და გლეხთაგან და მათ წინ ხდე-

ბოდა დაგვირგვინება და ტახტზედ ასვლა. მთავარ-ეპისკოპოსი ადგამდა მეფეს თავზე გვირგვინს, დი-დებულები აცმევდენ პორფირს, ზეზს, ფესველს და ბისონს, არტყავდენ ხმალს, აძლევდენ ხელში სკიპტრას. ამის შემდეგ მეფე ადიოდა ტახტზე და ამბობდა სიტყვას. ამ შემთხვევისა გამო იმართებო-და ნადიმი და მეფის ხაზინითგან აძლევდენ საჩუ-ქრებს და მოწყალებას.

მეფე ხშირად იწოდებოდა შვიდის სამეფოს მე-ფედ და მისი სამეფო შვიდის სამეფოსაგან შემდგა-რად, რის გამოც მეფე იხსენიებოდა მეფეთა-მეფეთ. ეს ტიტული ნამდვილის გამომთქმელი არ იყო. ის იყო გადმოღებული არაბთაგან, რომელთა ხალი-ფის საბძანებელი ითვლებოდა შვიდის სამეფოსაგან შემდგარად და ხალიფის ტიტულიც იყო შვიდის სამეფოს მბძანებელი*).

მართალია, მეფე ითვლებოდა უმაღლესს გამგებ-ლად ქვეყნისა, მაგრამ ის არ იყო ერთად-ერთი გა-დამწყვეტი საქმისა და განუსაზღვრელის უფლების მექონი. დიდებულთა დაუკითხავად და მოუწონებ-ლად ნაბიჯს ვერ გადასდგამდა. რა საქმეც უნდა ყო-ფილიყო, თუ რამე სამეფოსათვის მნიშვნელობა ჰქონდა, დიდებულების ყრილობა უნდა გაემართა

*) Malcolm, t. I, p. 61.

და იმათთვის ეკითხა, მოქმინა მათი აზრი და შემ-
დეგ მიეღო უმეტესობის აზრი, თუმცა ხანდახან
უმცირესობის აზრსაც არჩევდა და თავის პასუხის
გების ქვეშ იქცეოდა. მაგრამ ეს ძალიან იშვიათად
მოხდებოდა ხოლმე. ხელისუფლებსაც კი მეტე დი-
დებულთა რჩევით წიშნავდა და თვით ლაშქრობის
დროსაც მეტეს, როგორც უმთავრესს ჯარის წინა-
მძლოლს, დიდებულები ჰყავდა მრჩევლებად.

სახელმწიფო საქმეების სამართავად მეტეს ჰყავ-
და ხელისუფლები. ყველაზე დიდი ხელისუფალი
იყო ამირ-სპასალარი, შემდეგ მსახურთუხუცესი, მას
მოსდევდენ მანდატურთუხუცესი, მეჭურჭლეთუხუ-
ცესი, მწიგნობართუხუცესი, მდივანი, მეჯინიბეთ-
უხუცესი და სხ. ამათ ებარათ მთელის სამეფოს სა-
ერთო საქმეები და მეტის მახლობელი და მუდამ
თანამხლებელი იყვენ. სამეფო გაყოფილი იყო სა-
ერისთავოებად და ყველა საერისთავოში თვითო
ერისთავი იჯდა, რომელიც მეტის მოალაგე იყო.
საერისთავოები იყო: ქართლისა, კახეთისა, ერეთი-
სა, რაჭა-თავკვერისა, სვანეთისა, გურიისა, ეგრისი-
სა, აფხაზეთისა, სამცხისა, კლარჯეთისა. ტფილისში
იყო განსაკუთრებული მოხელე ქალაქისა და მის
არე-მარის მმართველად, რომელსაც ერქვა ტფი-
ლისისა და ქართლის ამირა*).

*): ეს ტიტული იყო ნაშთ, არაბთა მფლობელობის დრო-
ისა, როდენაც ტფილის მართავდა ხალიფის სახელით ამირა.

სამხედრო წესიერება საქმაოდ განვითარებული იყო მეთორმეტე საუკუნეში. ყოველი ქართველი, რა წოდებისაც უნდა ყოფილიყო, მოვალე იყო სამრად გამოსულიყო და მეომრად გადაქცეულიყო. მეომრები შეიდგენდენ სპასა ანუ ლაშქარს. ლაშქარი გაყოფილი იყო რაზმებად, რომელთაც ჰყავდათ უფროსნი—სპასპეტები. ჯარის ნაწილის უფროსი იწოდებოდა სპასალარად, ხოლო მთავარუფროსი მთელის საქართველოს ჯარისა ამირ-სპასალარად.

ქართველთა გარდა ჯარი სდგებოდა უცხოთაგანაც, რომელნიც მოწვეულ იქნებოდენ ხოლმე ჯამაგირით, მაგალ., ოსები, ყიფჩიყები, ვარანგები, და ტყვეებად წამოყვანილთ და გაქრისტიანებულთ მუსულმანთაგან. უკანასკნელთაგან შემდგარი ჯარი იწოდებოდა მონასპად.

გალაშქრების დროს ჯარს თან მისდევდა სპასალარისა და სპასპეტის გარდა ეპისკოპოზი ჰუმბიდელი და ჯვარის-მტვირთველი. ის ჯარი, რომელიც მეფეს ახლდა და იცავდა მას, იწოდებოდა ტაძრეულთა ჯარად. ჯარი, რომელსაც აყენებდენ ციხეებში დასაცველად, იწოდებოდა ციხოვანად. ციხის უფროსს ერქვა ციხის პატრონი. ომის დაწყების წინად ჯარს აწყობდენ ამნაირად: წინამბრძოლად აყენებდენ სამხრეთის საქართველოს მკვიდრთ, მემარჯვენედ იმიერ-საქართველოს მკვიდრთ და მემარ-

ცხენედ ამიერ-საქართველოს მკვიდრთ. ჯარი ორნა-
ირი იყო: ცხენოსანი და ქვეითი.

იარაღი ჰქონდათ ქართველებს: ფარი, მახვილი,
წათი, ხმალი, ოროლი, შვილდ-ისარი, შუბი და
ლახვარი. სამხედრო ჩატულობა: ჯაჭვი და მუზა-
რადი. საომარი მოწყობილობა იყო ფილაკავანი,
მოსაგერებელი—სხარტი და ხანდაკი.

საომარი საკრავები იყო: სპილენძ-ქური, ბუკი,
ქოსი და წინწილა.

IV.

სამლეზელოება, საეკლესიო წეს-წყობილება, საეკლესიო
კრებანი.

საქართველოს ეკლესიის უფროსი იყო კათო-
ლიკოსი ანუ პატრიარქი, რომელსაც ირჩევდა მეფე
დიდებულების დაკითხვით მთავარ-ეპისკოპოზთაგან.
თუმცა ის ემორჩილებოდა მეფეს, მაგრამ პატივი კი
მეფისა ჰქონდა მინიჭებული და დიდი მონიშვილეო-
ბას იღებდა სამეფოს გამგეობაში დიდებულებთან
ერთად. კათოლიკოზის შემდეგ იყვენ მთავარ-ეპი-
სკოპოსები და ეპისკოპოზები, რომელნიც მართავდენ
ცალკე მაზრებს, საეპისკოპოზებად წოდებულებს.
კათოლიკოზად და ეპისკოპოზებად ჩვეულებრივ დი-
დებულთაგანნი ხდებოდენ. ეპისკოპოზებს მოსდევ-
დენ ქორეპისკოპოზები და წინაშძლვრები მონასტ-

რებისა. სულ ბოლოს იდგენ ხუცესნი, მღვდელნი და დიაკონნი. ბერობაში ამათ უღრიდენ მონაზონები და მეუდაბნოები. დიდი პატივი ჰქონდათ აგრეთვე ქორეპისკოპოზებს და წინამძღვრებს, რომელნიც აგრეთვე დიდებულთა და აზნაურთაგანნი იყვენ. მაგრამ არც ხუცესნი და დიაკონნი იყვენ დაჩაგრულნი, თუმცა ისინი მომეტებულად გლეხაცთაგანნი იყვენ. ისინი გათავისუფლებულნი იყვენ ყოველგვარის ხარჯისა და ბეგრისაგან.

ეპისკოპოზებს ეძლეოდათ სახელი იმ სოფლის-გან ან ქალაქისგან, სადაც იყო მათი კათედრა, მაგ. კუონდიდელი (კუონდიდში), ქუთათელი (ქუთაისში), აწყვერელი (აწყვერში), ალავერდელი (ალავერდში), ბედიელი (ბედიაში), იყალთოელი (იყალთოში), ურბნელი (ურბნისში), მროველი (რუისში).

სასულიერო სამსახურის გარდა ეპისკოპოზები საერო გამგეობაშიაც იღებდენ მონაწილეობას და ხან სამხედრო თანამდებობაც ეპურათ. დიდებულთა რჩევაში მონაწილეობას იღებდენ და ლაშქრობა-შიაც, თუ თითონ არ წინამძღვრობდენ, მეფეს თან დასდევდენ და რჩევას აძლევდნ. ხოლო კუონდი-დელი მუდამ მეფის მახლობელი იყო და მწიგნო-ბართუხუცესობას ასრულებდა.

სამიმო საეკლესიო საქმეების გადასაწყვეტად ხშირად მეფე და კათოლიკოზი მართავდენ საეკ-ლესიო კრებას, სადაც იღებდენ მონაწილეობას

K64.440
9

თოლიკოზი, ეპისტოლოზები, ქორეპისკომოზები, წი-
ნამძღვრები, მონაზონები, ხუცესები. და მეუღაბ-
ნოები.

V.

გონების გავითარება. — მწერლობა. — მონასტრების
ლვაწლი საქართველოში და უცხოეთში. — არაბების და
სპარსების განათლების გავლენა.

პოლიტიკურს გაფითარებასთან მეთორმეტე საუ-
კუნეში საქართველო გავითარდა გონებრივადაც. ეს
გავითარება მზადდებოდა და ფეხს იდგამდა ადრით-
განვე, როდესაც გამრავლდა ქართველთა მონასტ-
რები უცხოეთში, სადაც ბერები თარგმნიდენ
ბერძნულითვან, სირიულითვან და სომხურითვან,
როგორც საღვთო წერილის წიგნებს, ისე უკველ-
სავე საღვთისმეტყველო, საფილოსოფოსო და სამეც-
ნიერო ნაწერებს.

ამგვარს მწერლობასთან ერთად ქართველები
ბერძნულს ენაზედ ცნობილობდენ იგრეთვე ძველის
წარმართობის დროის მწერლობას და ეცნობოდენ
ბიზანტიის სამართალს, საზოგადო ცხოვრებას და
ხელოვნებას — მხატვრობას, ორქიტექტურას და ხვა-
თა. ხოლო მეთორმეტე საუკუნის გაძლიერებულის
სამეცნის მთავრობამ საგანგებო ყურადღება მიაქცია
საბერძნეთის განათლების შეთვისებას და გადმოღე-

ბას საქართველოში. ამ აზრით დავით ალმაშენებელ-მა გავზინა საბერძნეთში 40 ყმაწვილი კაცი, რო-მელთაც შეისწავლეს საბერძნეთის მწერლობა, მეც-ნიერება და გადმოიტანეს საქართველოში. დავითის კვალს, უეპველია, მისდევდენ ამ საქმეში სხვა მე-ფეებიც და საბერძნეთში ყმაწვილის კაცების გზავ-ნით ხელს უწყობდენ ბიზანტიის განათლების გად-მოტანას საქართველოში.

მეთორმეტე საუკუნეშიაც, როგორც წინადაც, მოღვაწეობდენ უცხოეთში ქართველთაგან დაარსებული მონასტრები, საღაც ბერები განაგრძობდენ თავიანთ შრომას და თარგმნიდენ თუ თავად აღგენდენ და გადაწერით ავტოელებდენ სხვა-და-სხვა შინაარსის წიგნებს. ამისთანა მოღვაწეობისათვის მეფები უხვად სწირიავდენ ამ მონასტრებს და გასავითარებლადაც სწორედ იქა პეზანიდენ ყმაწვილს კაცებს.

უცხოეთში ამ საუკუნეში იყვენ შემდეგი ქარველთ მონასტრები: ათონისა, კონსტანტინოპოლისა (რომისასი), კვიპრისა, შავიმთისა (ანტიოქიაში), იერუსალიმისა, სინასი და სხ.

უცხო ქვეყნებში აშენებულის ქართველთა მონასტრების მსგავსად საქართველოს მონასტრებიც ირჯებოდენ და მოღვაწეობდენ, სკოლებს მართავდენ და ზრდიდენ ყმაწვილებს. თვითონ დავით აღმაშენებელმა განვებ დაარსა გელათის მონასტერი

იმ აზრით, რომ გამხდარიყო, ათონის მონასტრის მსგავსად, განათლების გამავრცელებლად საქართველოში.

საბერძნეთისა და საქრისტიანო აზის გარდა საქართველოს გავითარებაზე დიდი გავლენა ჰქონდა, როგორც წინა საუკუნეში ისე მეთორმეტეში, მაპმადიანს აზისაც—არაბებსა და სპარსებს. საუკუნებრივი კულტურული კავშირი სპარსეთთან, კორტა ხნით შეწყვეტილი ქრისტიანობის მიღების პირველს ხანებში, არ შეიძლებოდა არ განახლებულიყო შემდეგში, თუმცა, რა თქმაა, მუდამ ეს კავშირი ქრისტიანობის კონტროლს ქვეშ იქნებოდა. მეთორმეტე საუკუნეში კი მუსულმანთა ერთა კულტურა, მათი მეცნიერება და მწერლობა ისე ძლიერი შეიქნა, რომ ქართველები, თუმცა სულით და გულით ქრისტიანები, მაინც არ ერიდებოდენ და ეწაფებოდენ მათაც. ამის მაგალითს გვაძლევს თვით გვირგვინოსანი მეფე დავით აღმაშენებელი, რომელიც არ ერიდებოდა და სწავლობდა ცნობის-მოყვარეობით მაპმადიანთა საღვთო სჯულს—ყორანს. ეჭვს გარეშეა, რომ ქართველები ამ საუკუნეშიაც და წინადაც სწავლობდენ არაბულს და სპარსულს ენებს, ცნობილობდენ მათ მწერლობას და მეცნიერებას და ეცნობოდენ მათ ისტორიას და ცხოვრებას. ამის საბუთად ჩვენ შეგვიძლიან დავასახელოთ როგორც ორგინალი ისე თარგმანი თხზულებანი

მეთორმეტე საუკუნისა: ვეფხის-ტყაოსანი რუსთაველისა, აბდულ-მესია შავთელისა, თამარიანი ჩატრუხისა, ვისრამიანი სარგის თმოვველისა, ამირან-დარეჯანიანი მოსე ხონელისა და სხვანი. პირველი სამი თხზულება, თუმცა ორიგინალი თხზულებანი არიან, მაინც წამოვიდგენენ დიდს გავლენას არაბ-სპარსთა მწერლებისას და მეცნიერებისას, ხოლო დანარჩენნი ან თარგმნილნი არიან სპარსულითვან ან გადმოკეთებულნი და ამნაირად მომასწავებელნი სპარსეთის მწერლობის გავლენისა.

ამნაირად ქართველთა განათლება და კულტურა მეთორმეტე საუკუნეში იყო ორის ერთ-ერთმანერთის წინაამდევის ელემენტის შეზავებულის გავლენის ქვეშ — ქრისტიანულისა და მუსულმანურისა.

VI

ეკონომიკური მდგომარეობა.

თუმცა ჩვენ ბევრი არაფერი ცნობები გვაძვს ქართველის ერის ეკონომიკურის მდგომარეობის შესახებ მეთორმეტე საუკუნეში, მაინც შეგვიძლიან გიქონიოთ საზოგადო წამოდგენა მის შესახებ. წინა საუკუნის დამლევს საქართველო ძალიან დავარდნილი იყო ნივთიერად. 1080 წლითვები მოკიდებულმა თურქთა გამუდმებულმა შემოსევამ რავდენისამე წლის გამავლობაში სულ ააფორიაქა ერის სიმდიდრე და

ცეცხლს მისკა სოფლები და ქალაქები, ტყეები, ვენახები და დათესილი ჭირნახული. თურქებმა და-ანგრიეს ციხეები, სიმაგრეები, მონასტრები და საყ-დრები და მოიტაცეს რაც კი რამ ოქრო-ვერცხლი, ძვირფასი ქვები და ჭურჭელ-იარაღი ნახეს. გაწყდა აუარებელი რიცხვი ქართველთა და, ვინც გადარჩა, დიდს სიღარიბეში ჩავარდა.

მეთორმეტე საუკუნეში-კი სრულებით სხვა სუ-
რათს წამოადგენს საქართველოს ეკონომიკური მდგო-
მარეობა. მთელის ამ საუკუნის გამავლობაში ქარ-
თველს ერს მტრის შიში არა ჰქონია და ამიტომ იგი
არხეინად და გულმოდგინედ შრომობდა. უმთავრე-
სი შრომა-კი მიწის შემუშავება იყო. საქართველოს
მადლიანი ნიადაგი კარგს ნაყოფს აძლევდა შრო-
მელს და ამიტომ ქართველს სარჩოც უხვად ჰქონ-
და. შშეიდობიანის შრომით ნაშოვნს სარჩოს ქარ-
თველობა უმატებდა ომიანობის დროის ნაშოვნს
სიმდიდრეს. ქართველთა ყოველს გამარჯვებას თან
დიდის ალათის შოვნა მოსდევდა. ხოლო, როგორც
შემდეგ დავინახავთ, მთელი ეს საუკუნე ქართველ-
თათვის ურიცხვთა გამარჯვებათა ხანა იყო. ნაშოვ-
ნი ალათი ამდიდრებდა ყველას: მეფის ხაზინას, დი-
დებულთ, აზნაურთ და გლეხთა. ეკონომიკურად მო-
ღონიერებულმა და სასოება-მიცემულმა ქართველო-
ბამ ააშენა სოფლები, ქალაქები, მონასტრები და
საყდრები, გაიყვანა გზები და არხები. ვინც-კი გა-

მრჯელი და მკლავ-მაგარი იყო, ყველას ჰქონდა
სარჩიო. ხოლო ვისაც რაიმე მიზეზით არ შეეძლო
შრომა ან ომით სარჩიოს შოვნა, უხვს მოწყვალებას
დებულობდა მეფისა და დიდებულთაგან.

სიმდიდრის დატრიალების გამო აღებ-მიცემო-
ბაც გავითარდა. ეკონომიკურად მოლონიერებამ გაა-
მრავლა ქართველთა რიცხვი ისე, რომ მეცამეტე
საუკუნის ნახევარში, მონგოლთა შემოსევის შემდეგ
საქართველოში, მატიანის მოწმობით, 4.000,000
მკვიდრზე ნაკლები არ უნდა ყაფილიყო. თუ მაშინ
ამდენი იყო, მეთორმეტე საუკუნის საქართველოს
სამეფოში 8 ან 6 მილიონი მაინც იქნებოდა. მა-
გრამ სიმდიდრის გაერცელებას კარგს მხარესთან
ცუდი მხარეცა ჰქონდა მაშინდელის ქართველების-
თვის. წარჩინებული წოდება, ომიანობისაგან მოკ-
ლილი, მიეცა ფუფუნებას და განცხრომას, რომ-
ლის დამღუპველმა გავლენამ იჩინა თავი მეცამეტე
საუკუნის დამდეგს, როდესაც საქართველოს დაესხნ
მონგოლები.



დავით აღმაშენებელი

I

საქართველოს მდგომარეობა დავით აღმაშენებელის გამო-
ფების წინ.

მეთერთმეტე საუკუნის მეორე ნახევარში სელ-
ჯუკების სულთნებმა, ჯერ თოლრულ ბეგმა, შემდეგ
მისმა ძმისწულმა ალპ-არსლანმა და მას უკან უკა-
ნასკნელის შეილმა მელიქ-შაჰი დაიმორჩილეს სპარ-
სეთი და მთელი დასავლეთის აზიის მუსულმანობა.
მუსულმანთა ქვეყნების შემდეგ თურქები შეუდეგნ
ქრისტიანთა ქვეყნების დამორჩილებას. სასომხეთი
სრულიად დაიპყრეს. ბიზანტიის თანდათანობით აკ-
ლიდენ პროვინციებს და საქართველოსაც ხეირს
არ აყრიდენ გამუდმებულის შემოსევით. ალპ-არს-
ლანის დიდს სახელმწიფოსთან მეზობლად დაარსდა
ბიზანტიის ნატამალზე საქართველოს საზღვრად სელ-
ჯუკების მეორე სამეფო, იკონის სამეფოდ წოდე-
ბული. მძლავრმა სულთანმა არპ-არსლანმა მისუა-
ნება თავის ნათესავს სულეიმანს დაეარსებია საკუ-
თარი სამეფო იმ ქვეყანათაგან, რომლებსაც ქრის-
ტიანებს წაართმევდა. სწორედ ამ სულეიმანმა დაა-

არსა იკონიის სამეფო და ბიზანტიის წაართვა თით-ქმის მთელი ანატოლია ჰელესპონტიამდე და შავს ზღვამდე. ამავე სულთანის ჯარებმა გაიხადეს თა-ვიანთ სათარეშოდ საქართველო, რომელსაც პირ-ველად შემოესიენ ისინი 1080 წ.

ამ წელს თურქებმა ამირა აჭმადის წინამძღო-ლობით ისე აიღეს საქართველოს ციხე ყარსი, რომ გიორგი მეფემ, რომელიც იმ დროს ჯავახეთში იყო ყველის ციხესთან, ვერ შეიტყო. ყარსის აღების შემდეგ აჭმადი ყველის ციხისკენ გაემართა და მოუ-ლოდნელად დაეცა მეფე გიორგის, რომელიც ამის გაგებაზე გაიქცა აქარისაკენ და თურქებს დაუტოვა დიდი დავლა. მეფე აქარითგან გადავიდა აფხაზეთს, ხოლო თურქები აივსენ დავლით და უკანვე და-ბრუნდენ.

უკან დაბრუნებულს აჭმადის რაზმს გზად შეხვ-და. თურქების უფრო დიდი ლაშქარი, რომელიც ორის ამირას იასის და ბუელობის წინამძღოლობით მიღიოდა ბიზანტიის სამფლობელოსკენ სალაშქროდ. აჭმადისაგან შეიტყო ამ ორმა ამირამ, რომ საქარ-თველო კარგი სადავლო ადგილი იყო და მეცეც შორს იყო წასული აფხაზეთში. ამის გამგონე თურ-ქებმა სწრაფად გადმოიარეს საქართველოს საზღ-რები და მოედვენ ჩვენის ქვეყნის სხვა-და-სხვა კუთ-ხეებს: ასისფორნს, კლარჯეთს, შავშეთს, აქარას, ქართლს, არგვეთს, შუა-იმერეთს და ეგრისს. ეს

იყო 1080 წლის თიბათვეში. თურქებმა დაწვეს არტანუჯი, ქუთაისი და კლარჯეთის მონასტრები, საღაც-კი წინაამდეგობა შეხვდათ. რაც-კი ნახეს, ყველაფერი ააფორიაქს და ინავარდეს სანამ თოვ-ლი არ მოვიდა. შეშინებული მცხოვრებლები, ვინც გაელეტას გადურჩა, გაიხიზნენ ციხე-სიმაგრეებში, მთებში და ტყეებში და შეეფარენ კლდეებში და გამოქვაბულებში. ზამთრის დადგომისათანავე თურ-ქები წავიდენ, მაგრამ ქართველებს მაინც ხერი არ დაადგათ სიცივის გამო, რადგან მათი საცხოვრე-ბელი ბინები აოხრებული იყო მტერთაგან. მტრებ-მა არ აქმარეს ქართველებს ერთი შემოსევა. დადგა თუ არა გაზაფხული 1081 წლისა, კიდევ შემოვ-დენ და მოედვენ იმავე ადგილებს. ხალხი ხელ-ახლა გაიხიზნა. თურქებმა ამ წელს დაჰყვეს საქართვე-ლოს არე-მარებში ზამთრის დადგომამდე და ზამთ-რის პირს ისევ უკან წავიდენ. გახიზნულმა ქართვე-ლობამ ველარ გამობედა თავის ბინაზე დაბრუნებუ-ლიყო, რადგან მომავალის გაზაფხულისთვის კიდევ ელოდა მტრის შემოსევას. მართლაც 1082 წელსაც თურქები კიდევ შემოვიდენ საქართველოში და დარჩენ ზამთრის დამდევიამდე. აგრეთვე მოიქცენ 1083 წ. ხალხი შეწუხდა და ბევრიც გაწყდა, ქვე-ყანა გაოხრდა და მხეცების სადგურად გადაიქცა. გიორგი მეფემ ვერ მოახერხა თავის ლონით თურქე-ბის განდევნა და ალაგმვა. მათმა მოულოდნელმა

და გაბედულმა შემოსევამ თავზარი დასცა მეფესაც
და ერსაც. დიდებულთა რჩევით მეფემ გადაწყვიტა
წასულიყო სპარსეთს სულთან მელიქ-შაჰთან, გამო-
ეცხადებინა მისთვის მორჩილება და ეთხოვნა, რომ
დაეცვა მისი სამეფო იკონის თურქთა თავ-დასხმი-
საგან.

1084 წ: გიორგი მეფე წავიდა ისპაანს და სოხო-
ვა მელიქ-შაჰს მფარველობა, რის სამაგიეროდაც
დაპირდა ერთგულებას და ხარჯის ძლევას. მელიქ-
შაჰმა კარგად მიიღო გიორგი მეფე, დაპირდა მფარ-
ველობას და დაავალა შემწეობა აღმოეჩინა მის ჯა-
რისათვის კახეთის მეფის აღსართანის წინაამდეგ.
კახეთის დასაკერად მელიქ-შაჰმა გამოგზანა ჯარი
და მასვე გამოაყოლა გიორგი მეფეც. თურქთა ჯა-
რი და გიორგი მეფე შევიდენ კახეთში ლვინობის-
თვეში და მიადგენ ვეჯანის ციხეს, სადაც გამაგრდა
მეფე აღსართანი. თურქნი დიდხანს ადგენ ციხეს,
მაგრამ ვერ მოახერხეს მის აღება. თოვლიც მოვიდა.
გიორგი მეფეს მოსწყინდა თურქთა ბანაკში ყოფნა,
თავი დაანება მათ და წამოვიდა თავის სამეფოში.
თურქებმა დაიკირეს სუჯეთი, მთელი ივრის პირი
და კუნეთი.

ამავე წელს გიორგი მეფემ მეფედ გამოაცხადა
თავისი შვილი დავითი და უწოდა სევასტოსი. ხო-
ლო თითონ მიიღო ტიტული მეფეთ-მეფისა და კე-

საროსისა *). მაშინ დავითი იქნებოდა თერთმეტის წლისა და, ცხადია, ქვეყნის გამგერბაში არ შეეძლო რამე მონაწილეობის მიღება. გიორგისგან თურქთა ჯარის მიტოვება კახეთში ამ ქვეყნის დაპყრობამდე სასიამოვნოდ არ უნდა დარჩენოდა მელიქ-შაჰს და ამის გამო არც ძალიან თავს გაიცელებდა გიორგის მფარველობისათვის. მით უფრო რომ კახეთის მეფემ აღსართანშა უფრო საგრძნობლად დაუმტკიცა მას თავისი ერთგულება და მორჩილება. როდესაც დაინახა, რომ კახეთის დიდი ნაწილი თურქებმა დაიკირქს, აღსართან მეფე წავიდა ისპაანს, გამოუცხადა მორჩილება მელიქ-შაჰს და ნიშნად ერთგულებისა მაჰმადიანობა მიიღო. მელიქ-შაჰმა კახეთი ისევ აღსართანს მისცა და თავის სამეფოში გამოისტუმრა დიდის წყალობით.

ამნაირად არაფერი სარგებლობა მოუტანია ქართველებისთვის გიორგი მეფისაგან სულთან მე-

*) იხ. ქრონიკები თ. ეროდანიასი, ტ. I, გვ. 282.

რომ დავითი მეფედ გამოცხადიბულ იქმნა მამისგან სწორედ 1084 წ., ამას ემოშმება ვახუშტიც, რომელიც დავითის მეფობას სთვლის 41 წელს. ეს რიცხვი რომ მივუმატოთ 1084 წ., გამოვა 1125 წ., რომელიც არის დავითის სიკვდილის წელი. ვახეშტის საითვანდაც სცოდნია მეფობის ზანა და რაკი გამეფების წლად მიუღია 1089 წ., როდესაც ის მარტოდ-მარტო შეიქნა მეფედ, ამიტომ მის სიკვდილის წლად უჩვენებია 1130 წ.

ლიქ-შაჰის ნახვას. იქმნის თურქები თავისას არ იშლიდენ და ესხმოდენ საქართველოს საზღვრებს. გაზაფხულით იწყებოდა მათი შემოსევა და შემოდგომით თავდებოდა.

თუნქებთან ერთად ხეირს არ იყრიდა საქართველოს გამუსულმანებული კახეთის მეფე აღსართანიც. თურქთა მძლავრობით გალალებულმა და მათ შემწეობით გაძლიერებულმა დაიჭირა ქართლის მომეტებული ნაწილი.


საქართველოს პოლიტიკურს გაჭირებას დაერთო სტიქიონური უბედურება. 1088 წ. მოხდა საშინელი მიწის ძერა, რომელმაც დიდი ზიანი მისცა საქართველოს სოფლებს და ქალაქებს, სადაც დაირღვა სახლები, საყდრები, ციხის კედლები და სხვა შენობანი და ნანგრევებში მოჰყვა მრავალი ხალხი. არამც თუ მარტო კაცის ხელით აგებული შენობანი დაირღვენ, არამედ დაიგალენ მთებიც და კლდეებიც. საშინელი ის იყო, რომ მიწის ძერთხელ-კი არ მოხდა, არამედ რავდენჯერმე დროგამოშვებით და გასტანა ერთს წელიწადს, ასე რომ 1089 წელშიაც მოხდა რავდენჯერმე მიწის ძერა.

ჯერ თურქების მძლავრობამ, შემდეგ საშინელმა მიწის ძერამ დიდი ზედმოქმედება იქმნის გიორგი მეფეზედ და ამიტომ მან გადასწყვიტა ქვეყნის მართვაზე ხელი აელო და გადაეცა მეფობის ტვირთი თავის შეილის დავითისთვის, რომელიც, როგორც

ზევით იყო ნათქვამი, უკვე გამოცხადებული იყო
მისგან მეფედ. 1089 წ. გიორგი მეფემ დააგვირგვი-
ნა დავითი. თითონ გიორგი-კი მხოლოდ სახელით
იყო მეფედ და მარტო რჩევას თუ აძლევდა თავისს
შვილს.

II.

საქართველო დავითის გამეფების წამს.—ზრუნვა მის
მოშენებისათვის.—შეპყრობა და განდევნა ლიპარიტ
ორბელიანისა.—პოლიტიკური ცვლილება აზიაში და
მისი შედევი.



დავით
ოდიშიშენებელი.

როგორც ვნახეთ, საქართველო
სამწუხარო მდგომარეობაში იყო
1089 წ., როდესაც გიორგი II-მ
ტახტი გადასცა თავის თექვსმეტის
წლის შვილს დავითს. კახეთი შეად-
გენდა ცალკე სამეფოს, რომელსაც
ეჭირა ქართლის დიდი ნაწილიც.
ტფილისი, რუსთავი, სამშვილდე, აგა-
რანი და მთელი სომხეთი თურქების
ხელთ იყო. თრიალეთი და კლდე-
კარნი ეჭირა ლიპარიტ ორბელიანს,
რომელიც თუმცა გარეგნობით მეფის
ხელთ იყო. თრიალეთი და კლდე-
კარნი ეჭირა ლიპარიტ ორბელიანს,

და მტკვრის პირად. ხალხი მხოლოდ სიმაგრეებში და მიუღვომელს ადგილებში იმყოფებოდა. სოფლები და ქალაქები ოხრად იყვენ დარჩენილნი. ხვნა-თესვა და სხვა მრეწველობა შეჩერებული იყო.

ამიტომ დავით მეფის პირველი საზრუნავი საქ-
მე იყო მკვიდრთა დასახლება გაოხრებულს და და-
ცარიელებულს ადგილებში და მიწის შემუშავებისა-
თვის ხელის მოკიდება. ამ აზრით მან მოიწვია დი-
დებულნი და აზნაურნი, რომელნიც ციხე-სიმაგრე-
ბში იყვენ გახიზნულნი, შეაგონა მათ თავიანთ აღ-
გილებზედ დაბრუნებულიყვენ და თავიანთ მაგა-
ლითით დაებრუნებინათ დაბალი ხალხიც თავის ბი-
ნაზედ. ახალგაზდა, მხნე და მამაცის მეფის შეგონე-
ბამ გასკრა. ხალხს მიეცა იმედი, მიატანა მიტოვე-
ბულს ადგილებს და ამნაირად გაოხრებულმა სოფ-
ლებმა და ქალაქებმა იწყეს მოშენება. თურქები
უწინდებულად ჰქედავდენ თარეშობას მათგან შეყვა-
ბულს ადგილებში, მაგრამ ისე თავისუფლად და
მოურიდებლად ვეღარ ახერხებდენ. ქართველი ხალ-
ხი, ახლა ცოტად გამხნევებული და იმედ-მიცემული,
წინაამდევობას უწევდა თურქებს და უკან აბრუნებ-
და შემოსეულებს. თვით დავით მეფე, საცა შეხვ-
დებოდა თურქთა ლაშქარს, აგრძნობინებდა, რომ
ახლა-კი ისე ადვილი არ იყო საქართველოს აკლე-
ბა-ოხრება. ამიტომაც თურქები უფრო ფრთხილად

ოქციურენ და, თუ არ მოპარეოთ ან დიდის ჯარით,
ვეღარ ჰქონდავდენ შემოსევას.

გარეშე მტრების ალაგმვისთან ერთად დავითი
მოწადინებული იყო აელაგმა და დაეთრგუნა წინა-
ური მტრებიც. ასეთი მტრები იყვენ უმთავრესად
მძლავრი დიდებულები, რომელთაც დიდი მამული
ჰქონდათ და მიჩვეულნი იყვენ მეფის წინაამდეგ მოქ-
მედებას. მათ შორის შესამჩნევი იყო ლიპარიტ ორ-
ბელიანი, რომლის მამა-პაპასთან დიდი ბრძოლა
ჰქონდათ წინანდელს მეფებს მათ დაუდგრომელო-
ბის და ურჩობის გამო. ლიპარიტ ორბელიანს არ
მოეწონა დავითის მხრით მეფურის ხელმწიფების
გამოჩენა დიდებულებზედ და 1093 წ. გაიზრახა
მისგან გადგომა სპარსეთის ახალის სულთანის ბარ-
ქიაროქის შემწეობით. დავითმა შეუტყო მას გან-
ზრახვა და ფიცხლავ შეიპყრო იგი. იმედ-გაცრუე-
ბულმა და ცბიერმა ლიპარიტმა მოიკატუნა თავი,
მეფეს გამოუცხადა მორჩილება და შეჭირა სა-
კვლავოდ ერთგულება. დავითმა მაშინვე გაათავი-
სუფლა და დაუბრუნა ყველა ქვეყნები, რაც წინად
ეჭირა, მაგრამ ლიპარიტმა არ დაიცვა ფიცი და გა-
თავისუფლდა მხოლოდ იმიტომ, რომ ხელ-ახლად
დაეწყო დავითის წინაამდეგ მოქმედება. დავით მე-
ფემ კიდევ შეუტყო და შეიპყრო. ორს წელს ჰყავ-
და დაპატიმრებული და შემდეგ 1095 წელს გაათა-
ვისუფლა იმ პირობით, რომ განდევნილიყო საქარ-

თვეელოთგან. ლიპარიტი წავიდა საბერძნეთს და იქ გადაიცვალა, ხოლო მისი მამული დავითმა მისცა მის შეილს რატი თრბელიანს.

ქართველთა ერის საბერძნიეროდ დავით მეფის მეცადინეობას თავის სამეფოს გაძლიერებისათვის დიდად შეუწყო ხელი თურქთა სახელმწიფოს დაუძლებურებამ მელიქ-შაჰის სიკვდილის შემდეგ და იმ დროს დაწყებულმა ჯვაროსანთა ლაშქრობამ. მელიქ-შაჰის სიკვდილის შემდეგ 1092 წ. მისმა ოთხმა შეილმა ერთმანერთს დაუწყეს შეცილება ტახტისა და გამართეს ურთიერთთ შორის ბრძოლა. ამ შინაურის არეულობით ისარგებლეს ზოგიერთმა მძლავრმა ამირებმა და დამოუკიდებელნი შეიქნენ. ამ შინაურის ბრძოლას თურქთა სამფლობელოს დასაუძლებლად ზედ დაერთო ჯვაროსანთა ლაშქრობა. 1096 წ. ევროპის ქრისტიანებმა გამოილა შეკრეს აზიაში მუსულმანთაგან ქრისტეს საფლავის გასათავისუფლებლად და ამით დიდს შიშში ჩააგდეს მთელი მუსულმანობა დასავლეთის აზიისა. 1096 წ. ჯვაროსნები მივიდენ კონსტანტინოპოლიში. 1097 წ. გადმოვიდენ აზიაში და დაიკირეს ნიკეა. 1098 წ. დაიპურეს ედესა და ანტიოქია, ხოლო 1099 წ. თვით იერუსალიმი და ამ ნაირად შეუ სამუსულმანოში დააარსეს ქრისტიანთა დამოუკიდებელი სამეფო და სამთავროები. მთელი მუსულმანობა ჯვაროსანთა წინამდევ მიიმართა და ამით შესვენება მიეცა მათ-

გან საქართველოს. დავით მეფემ ისარგებლა ამ შესვენებით და მოუსპო ხარჯის ძლევა თურქების სულთანს, ხოლო გახიზნული ხალხი უშიშრად დაასახლა იმ აღვილებში, რომლებშიაც თურქები მანამ-დე ყოველს წელიწადს შემოდიოდენ და თარე-შობდენ.

დავითს ახლა ორი უმთავრესი საგანი ჰქონდა შესასრულებელი: 1) კახეთის შემოერთება და 2) წართმევა თურქებისათვის იმ აღვილებისა, რომლებიც საქართველოს არე-მარეზე მათ ეჭირათ.

III.

კახეთის შემოერთება დავითის მიერ.—რატი თრბელია. ნის სიკვდილი დი მისი მამულის დაჭერა მეფისგან.

როგორც ზევით მოვიხსენიეთ, სპარსეთითვან დაბრუნებულმა გამუსულმანებულმა კახეთის მეფემ აღსართანშა დაიკირა კახეთი და ქართლის ზოგიერთი აღვილებიც წაართვა გიორგი მეფეს. აღსართანის შემდეგ კახეთში გამეფდა 1086 წ. მისი შეილი კვირიკე, რომელიც, მატიანის თქმით, შესანიშავი იყო თავისის ხასიათით, მხნეობით და ქრისტიანულის ქცევით.

დავით მეფე ვერ დასთმობდა ქართლის იმ აღგილებს, რომლებიც ეჭირა კახეთის მეფეს, ამიტომ მიადგა კახელებისგან დაჭერილს ქართლის ციხეებს

და ზედი-ზედ აიღო ერთი მეორის შემდეგ. უკანა-
სკნელად დავითმა აიღო ციხე ზედაზენი და ამნაი-
რად დაიბრუნა კახეთისგან ქართლის ყველა ნაწი-
ლები (1101 წ.). დარჩა ახლა მხოლოდ თვით კახე-
თის სამეფოს გაუქმება და მისი დანარჩენს საქართ-
ველოსთან შემოერთება. ესეც მაღე მოხდა.

1102 წ. მოკვდა კვირიკე მეფე და მის მაგიერ
გამეფედა ძმის-წული მისი აღსართან, მატიანის თქმით,
კაცი უმსგავსო და მეფობის ულირსი. კახელებს არ
უყვარდათ იგი მის საძაგელის ქცევისათვის. ამასთან
კახეთის მცხოვრებთა კარგა დიდს ნაწილს უკეთე-
სად მიაჩნდა დანარჩენს საქართველოსთან ერთად
ცხოვრება და მხნე და კკვიანის მეფის დავითის ხელთ
ყოფნა. შესდგა დიდებულთა შორის დასი აღსართა-
ნის წინაამდეგ. იმ დასის მოთავეთ ბარამ არი-
შიანმა და ქავთარ ბარამიძემ შეიპყრეს აღსართანი
და მისცეს დავით მეფეს შეპყრობილი. დავითმა ისარ-
გებლა ამ შემთხვევით და სწრაფად დაიჭირა მოელი
კახეთი (1104 წ.).

კახეთის დაჭრა დავითისაგან არ იამათ თურ-
ქებს და ამიტომ სულთანის მოჰამედის ბძანებით
შემოვიდენ მის და განძის ათაბაგის ჯარები კახეთის
ჩამოსართმევად. თურქებს მიემხრენ ზოგიერთი კახე-
ლები, რომელთაც გაცალკევება ერჩივნათ საქართ-
ველოსთან ერთობას. მტრის ჯარს შეხვდა დავით
მეფე ერწოში და დიდი ომი გაუმართა მას. გამარ-

ჯვებული დარჩა დავითი და ამ ნაირად მტკიცედ
დაიკირა კახეთი სამუდამოდ (1105 წ.).

ამავე ხანებში გადაიცვალა თრიალეთისა და
კლდეკარის მფლობელი რატი ორბელიანი და, რად-
გან მემკვიდრე არ დარჩა მას, დავით მეფემ კანო-
ნისამებრ სახასოდ დასდო მისი მამული. ამნაირად
მოისპო ორბელიანთა გვარის ის შტო, რომელიც
მთელის გასულის საუკუნის გამავლობაში მეფეთა
წინაამდეგი და საქართველოს ერთობის მშლელი
იყო. მეფემ ამ მამულის მართვა-გამგეობა ჩააბარა
თევდორე ორბელიანს.

IV.

საეკლესიო კრება და მისგან დაწერილი ძეგლი.

როდესაც დავით მეფემ მოაგვარა თავის სამე-
ფოს საქმეები იმდენად, რომ გარეშე მტერთაგან
უზრუნველ-ჰყო სამეფო და მხოლოდ-ლა საჭირო
იყო მუყაითობა და გამჭრიახობა მტერთა ხელთ
მყოფის საქართველოს ნაწილების დასაბრუნებლად,
მან მიაქცია თავისი ყურადღება საქართველოს სა-
ეკლესიო და ზნეობრივს მდგომარეობას.

მტერთაგან აკლებისა და დაჩიგვრის დროს სა-
ქართველოს ეკლესიაში დამკვიდრდენ უწესოებანი.
დიდებულთა თავგასულობამ და თავნებობამ საეკ-

ლესიო წესებსაც დასდო თავისი დალი. ამიტომ
მეფეს არ შეეძლო არ ეზრუნა საქართველოს საეკ-
ლესიო წეს-წყობილებაში სასურველის წეს-რიგის
ჩამოგდებისათვის და მით ზნეობრივის მხარის გაუმ-
ჯობესებისათვის, რაოდენადაც-კი ზნეობრივს მხა-
რებე გავლენა ჰქონდა ეკლესიას. 1103 წ. მეფემ
მოიწვია საეკლესიო კრება, რომელზედაც დაესწრენ
კათოლიკოზი, ეპისკოპოზები, მღვდლები, დიაკონე-
ბი, მონაზონები, დაყუდებულები და მეუდაბნოები.
კრება მოხდა რუისისა და ურბნისის შეა დღილს.
კრების თავჯდომარედ იყო საქართველოს კათოლი-
კოზი იოანე. კრებამ განიხილა საეკლესიო საქმე-
ები, რომლებიც-კი ასე თუ ისე საყურადღებონი
იყვენ და მათ შესახები თავისი გადაწყვეტილებანი
აღნიშნა მეგდის წერაში, რომელიც შესდგება 15
მუხლისაგან:

1) კრებამ განკვეთა ანუ გადააყენა ეპისკოპო-
ზობითგან ის პირნი, რომელთაც მძლავრობით ჰქონ-
დათ დაქერილი მღვდელ-მთავრის იდგილი, თუმცა
თავიანთ ცხოვრებით და სწავლით სრულიად უღირს-
ნი იყვენ ამ თანამდებობისა. მათ იდგილს კრებამ
დაადგინა მღვდელ-მთავრებად სხვა უფრო ღირსე-
ული პირები.

2) სამღვდელ-მთავრო და სამღვდელო პირებისა-
თვის განაწესა წლოვანობა, რომლის უადრეს არ

შეიძლებოდა მათი ხელდასხმა, მაგალითად 35 წელი ეპისკოპოზთათვის, 30 მღვდელთათვის, 25 დიაკონთათვის, 8 წიგნის მკითხველთათვის. ამასთან აკრძალა კრებამ ერთსა და იმავე დღეს ერთის ხარისხითგან მეორე და მესამე ხარისხზედ აყვანა ხელდასხმით.

3) წესი ხელდასხმისა, აგრეთვე კურთხევა ეკლესიისა, დამყარება საკურთხევლისა და კურთხევა მირონისა, კრების გადაწყვეტილებით, უნდა მომხდარიყო ისე, როგორც გიორგი მთაწმინდელის მიერ დაწერილს კურთხევანში იყო მოხსენებული.

4) კრებამ აკრძალა ქრთამის ანუ ძღვნის მიღება ხელდამსხმელის მიერ ხელდასხმულისაგან.

5) აგრეთვე აკრძალა მოხმარება, რა გვარის მიზნითაც უნდა ყოფილიყო, ეკლესიის გარეშე ყოველისავე საეკლესიო ანუ ეკლესიისთვის შეწირულის ნივთისა.

6) აკრძალულ იქნა ეკლესიის გარეშე ნათლისცემა, დაგვირგვინება, მონაზონის კურთხევა; აკრძალა ხუცეს-მონაზონს გვირგვინის კურთხევა, აგრეთვე ერისგანს მღვდელს მონაზონის კურთხევა. დადგენილ იქნა, რომ უნდა ზიარებულიყვან ცოლქმარნი პირველისა და მეორე გვირგვინის კურთხევის შემდეგ. მეორედ გვირგვინის მაკურთხეველი

ხუცესი არ უნდა მისულიყო სამხრად გვირგვინ-ნა-
კურთხებთან და პირველი გვირგვინი არ უნდა ჰკურ-
თხებოდათ მეორედ დასაქორწინებლებს.

7) აკრძალულ იქნა ჩრდილო ქალ-ვაჟთა გვირ-
გვინის კურთხევა. თუ მშობლებისთვის საჭირო იქ-
ნებოდა რამე მიზეზით მოყვრობა ქალ-ვაჟის პატა-
რაობაში, ნება ეძლეოდათ პატარები დაეწინდათ,
ხოლო დაქორწინება-კი მაშინ უნდა მომხდარიყო,
როცა ისინი ასაკს მოვიდოდენ. ჯვარ-დასაწერი ქა-
ლი 12 წლისაზედ ნაკლები არ უნდა ყოფილიყო.

8) კრებამ დაავალი კათოლიკოზს და ეპისკოპო-
ზებს, რომ ქორეპისკოპოზებად სჯულისა და სილვ-
თო წიგნთა მცოდნე აერჩიათ, მღვდლებად და დია-
კონებად ღვთის მოშიში და საქრისტიანო წესთა
დამცველი კაცები დაეყენებინათ, რათა ქრისტიანთ-
ვის არ გაეცათ არც ერთი იმ წესთაგანი.

9) რადგან დიდი შტოთი და განხეთქილება ხდე-
ბოდა მონასტრებში იმის გამო, რომ ერთსა და
იმისვე მონასტრერში რავდენიმე (10—20) მოძღვარი
ითვლებოდა, ამიტომ კრებამ დაადგინა — თითო მო-
ძღვარი ჰყოლოდა თითო მონასტერს, ხოლო თუ
ძალიან დიდი იქნებოდა მონასტერი, შეეძლო ჰყო-
ლოდა ორი მოძღვარი.

10) კრებამ აკრძალი მონასტრებში სავაჭრო
კრებების გამართვა და საზოგადოდ ყოველნაირის
ქალაქურის და სოფლურის წესის შემოლება.

11) იკრძალო იგრეთვე ერთს საკურთხეველზედ
მრავალთ სულთათვის მრავალთ მღვდელთაგან უამის
წირვა. უკანონოდ აღიარა უამის წირვა ცოცხლისა
ანუ მიცვალებულისათვის სხვა დროს, გარდა იმ
დღეებისა, რომელნიც დაწესებულნი იყვნენ აღაპთა-
თვის და სულის ხსენებისათვის.

12) კრებამ დაადგინა, რომ ანტიოქიის და სხვა
ეკლესიათა წესისამებრ ხელ-ახლად მოენათლათ
როგორც წარმართი ვინც გრიგორიანთა სარწმუ-
ნოებითგან გადავიდოდა მართლმადიდებლობაზე.

13) იკრძალულ იქნა მართლ-მადიდებელი შე-
ულლებოდა მწვალებელს ან წარმართს.

14) იკრძალულ იქნა იგრეთვე წესი შორითგან
ქორწინებისა, რომელიც იმ დროს ყოფილა მიღე-
ბული საქართველოში მომეტებულად დიდებულთა
და წარჩინებულთა შორის. როდესაც საცოლო და
საქმრო სხვა-და-სხვა იდგილს იქნებოდენ, იმათი
შეულლება ასე ხდებოდა. საცოლოს ეკურთხებოდა
გვირგვინი ერთს რომელსამე კაცთან, რომელიც ითვ-
ლებოდა საქმროს წარმომადგენელად და საქმროსაც
ეკურთხებოდა გვირგვინი ერთს რომელსამე კაცთან,
რომელიც საცოლოს წარმომადგენელად ითვლებო-
და. ეს ჩვეულება გამოწვეული იყო იმით, რომ
ხშირად ლაშქრობაში მყოფი მამაკაცი მარხვის დად-
გომამდე ესწრაფებოდა ქორწინებას, მაგრამ, რაღ-

გან ამ ვადაში არ შეეძლო საკოლოსთან წასვლა ქორწინებისათვის, ამიტომ ჯვარს იწერდა მაზედ შორითგან. ვინც ამ ნაირად ყოფილიყვენ შეულლებულნი და დახოცილიყვენ, კრებამ შეუნდო, ვინც იმ დროს ცოცხლები იყვენ, ისინი უკანონო ცოლ-ქმრად შერაცხა, ხოლო საკვლავოდ ამისთანა ქორწილი მკაცრად იკრძალო და კანონის დამარღვეველად ჩათვალია ის ოთხი პირი, რომელნიც ამ ნაირად შეულლებაში მონაწილეობას მიიღებდენ და ის ორი მღვდელიც, რომელნიც გვირგვინს უკურთხებდენ მათ.

15) ბოლოს კრებამ მიაჭირა ყურადღება იმ ბილწს ჩვეულებას, რომელსაც უწოდებს სოდომიას. კრებამ, აღნიშნა-რა სიმღაბლე და სისაძაგლე ამ ჩვეულებისა, ვალდებულ-ჰყო ყოველი ამ ჩვეულებით შეპყრობილი ხელი აეღო მაზედ, ხოლო ვინც არ აიღებდა ხელს, მათზედ წამოსთქვა წყევა-კრულვა. აგრეთვე წყევა-კრულვა გააჩინა კრებამ იმ პირებზედ, რომელნიც არ მოიშლიდენ კაცის გინებას და პირით იკადრებდენ იმის წამოთქმას, რის შესრულებაც საქმით სისაძაგლეს შეადგენს.

ეს ძეგლი კრებამ წაუდგინა დავით მეფეს, რომელმაც იგი დაამტკიცა და დამარება ამოუჩინა კათოლიკოზეს მის სისრულეში მოყვანისათვის.

V.

სამშვილდის აღება.—თრიალეთშედ თურქების დამარცხება.—გიორგი მეფის სიკვდილი.—რუსთავის აღება.—ტაოში თურქების დამარცხება.—გიშის დაპერა და გრიგოლიძეების შეპყრობა.—დიმიტრის გალაშქრება შირვანში.—მეფის გალაშქრება არაქსის ნაპირებზე.—ლორისა და აგარანის დაჭრა.

შინაურს ცხოვრებაში წეს-წყობილების გაუკეთესების შემდეგ შესაძლებელი იყო უფრო ადვილად ბრძოლა მტრებთან, რომელთაც ჯერ კიდევ ხელთ ეჭირათ საქართველოს დედა-ქალაქი ტფილისი და ზოგიერთი ადგილები ციხე-ქალაქებითურთ. თურქებს შიში მიეცათ მხნე და მძლავრის დავით მეფისა და ამიტომ ისინი ბეჯითად ადევნებდენ თვალყურს მის მოძრაობას. მოსაზღვრე თურქები მუდამ ფხიზლად იყვენ, თუ დავით მეფის სიახლოვე იცოდენ, ხოლო როდესაც შორს დაიგულებდენ, მაშინკი თამამად იქცეოდენ და სიფრთხილე იღია იცოდენ. თურქების ასეთის ქცევით მეფე სარგებლობდა მათვე დასამარცხებლად. ხშირად განგებ გადადიოდა ქართლითგან იმერეთს, რომ მოსაზღვრე მტრებში სიფრთხილე მოესპო, ხოლო შემდეგ უცებ დაესხმოდა მოულოდნელად მტრებს და ამარცხებლა მათ. ასე მოიქცა მეფე 1110 წელს. მის ბძანებით, მწიგნობართ-უხუცესი გიორგი ჭყონდიდელი, ამის დის-

წული თევდორე ორბელიანი და აბულეთ და ივანე ორბელიანები მოულოდნელად დაესხენ სამშენებლის ციხეში უშიშრად მყოფს თურქებს და თითქმის უბრძოლელად დაიჭირეს ეს ციხე, რომელიც მთელს სომხეთს მზანებლობდა. ამ ციხის დაკარგვის შემდეგ თურქები იძულებულები შეიქნენ დაეტოვებინათ სომხეთის ციხეების მომეტებული ნაწილი, რადგან უსამშენებლოდ მათში თავის შენახვა არ ეხერხებოდათ. ქართველებმა დაიჭირეს ეს მიტოვებული ციხეები.

ეს ამბავი რომ შეიტყო სპარსეთის სულთანმა, გამოგზანა საქართველოს წინაამდეგ დიდი ჯარი, რომელიც ჩვენის მატიანის თქმით 200,000 კაცი-საგან შესდგებოდა. ამ დროს დავით მეფე ნაქარმა-გევში იდგა თავის ტაძრეულით. საღამო ხანს მოუ-ვიდა ამბავი თურქების თრიალეთზე მოსვლისა. მან ხელად შეკრიფა იქვე მყოფი 1500 კაცი და იმავე ლამეს გაემართა თრიალეთისაკენ. დილით შეხვდენ მას თურქები, რომლებსაც გაუმართა ფიცხელი ბრძოლა. ბრძოლა გაგრძელდა მთელს დღეს და მე-ბრძოლნი გაჰყარა საღამოშ. დავით მეფე მეორე დი-ლისთვის ემზადებოდა საბრძოლელად, მაგრამ რო-გორც მეფე ისე მის ჯარი გაცვითრებულნი დარჩენ, როდესაც მეორე დღეს დილით დაინახეს, რომ დამით გაქცეულიყვენ თურქები და დაეტოვებინათ იქვე ყოველიფერი, რაც ავლადიდება ჰქონდათ.

1112 წ. მოკვდა მეფე გიორგი. მართალია, არა ჩანს, რომ დავითის გამეფების შემდეგ გიორგის რა-
მე მონაწილეობა ჰქონოდეს სამეფო საქმეებში, მა-
გრამ ეს-კი უეჭველია, რომ მამა რჩევას და დარი-
გებას აძლევდა ხშირად შეიღია. ამის ნიშანს ვხე-
დავთ დავითის ანდერძში, სადაც მოხსენებულია,
რომ დავითს დაუტოვებია გიორგის რჩევით ძაგამი-
სათვის ზოგიერთი მისი მაშული, თუმცა მას სდომე-
ბია სრულებით წართმევა, რადგან ძაგამი ყოფილა
კახეთის მეფის მომხრე. გიორგის სიკვდილის შემ-
დეგ დავითი არა რჩება მარტოდ-მარტო გამოცდი-
ლისა და ერთგულის მრჩევლის უყოლიდ. ამისთანა
მრჩეველი იყო გიორგი ჭყონდიდელი, რომელიც
ჩვეულებრივად ჭყონდიდლობასთან ერთად მწიგნო-
ბართ-უხუცესის თანამდებობასაც ასრულებდა.

1115 წ. დავით მეფის მუხრანში ყოფნის დროს
გიორგი ჭყონდიდელი წაუძლვა ჯარს რუსთავის
ასალებად და იქიდან თურქთა გასაღევნად. მტერი არ
ელოდა თავდასხმას და ამიტომ ქართველებმა ადვი-
ლიად დაიპყრეს რუსთავი. ამ ქალაქის დაკარგვის
გამო თურქებს გაუჭირდათ მტკვრისა და ივრის პი-
რად საზამთროდ დაბანაკება, ხოლო ქართველებს
გაუადვილდათ მათი დევნა ამ ადგილებითვან. მეფეს
ჰყავდა ყველგან დაყენებული კაცები, რომელებიც
თვალს ადევნებდენ თურქების მოძრაობას და, შეი-
ტყობდენ თუ არა ისინი თურქების განზრახვას ხსე-

ნებულ ადგილებში დაბინავებისას, აცნობებდენ რუს-
თვის მეციხოვნეებს და ესენიც არ უშვებდენ მათ.

არც სხვა ადგილებში აძლევდა ახლა მეფე თურ-
ქებს საზამთროდ დაბინავების ნებას. 1116 წ., რო-
დესაც ისინი ზამთრობით მოვიდენ ტაოში და დაი-
ბანაკეს, ეს ამბავი შეიტყო დავით მეფემ ქართლში.
მან მაშინვე ბძანა ქართლის ლაშქრის დამზადება,
ხოლო თითონ გადავიდა ქუთაისს და შეაგროვა
იმერეთის ჯარი. იქითვან ქართლისა და მესხეთის
ჯარს შემოუთვალა, რომ დანიშნულს ვალაზე კლარ-
ჯეთში დახვედროდენ, ხოლო თითონ იმერეთის ჯა-
რით მივიდა ხუფთას და ჭოროხის ხეობით წავიდა
კლარჯეთს, სადაც შეიყარა მთელი მისი ჯარი. თურ-
ქები გულდადებით იყვენ ტაოში და არ ელოდენ
ქართველების თავდასხმას. დავით მეფე ამ დროს
დაესხა თურქებს, რომელნიც გაფანტულიყვენ ბა-
სიანამდე და კარნიფორის მთებამდე, მოსრა მრავალ-
ნი, დაატყვევა მათი ცოლ-შვილი და ხელთ იგდო
მთელი მათი საქონელი: ცხენები, ცხვრები, აქლე-
მები და სხვა ქონება.

კახეთისა და შირვანის სამზღვრად იყვენ გიშის
მფლობელები ასამ და შოთა გრიგოლიძეები, რო-
მელნიც სარგებლობდენ თავიანთ მამულის მდება-
რეობით საზღვარზე და თავიანთ ციხის სიმაგრით
და მეფეს არ ემორჩილებოდენ. 1117 წ. დავით
მეფე შევიდა მათ მამულში და შეიპყრო ორიცე ძმა.

ამავე წელს დავითმა გაგზანა თავისი შეიღი
დიმიტრი სალაშქროდ შირვანში, სადაც მეფობდა
მისი სიძე ალსართანი, მეფის ასულის თამარის ქმა-
რი. შირვანელები აუჯანყდენ ალსართანს და გაუდ-
გენ ზოგიერთი ადგილები. სიძის თხოვნით დავითმა
გაგზანა ლაშქარი შირვანელთა დასაწყნარებლად.
დიმიტრიმ ამ ლაშქრობაში გამოიჩინა დიდი სიმამა-
ცე, რომელმაც გააკვირვა მხილველნი და მსმენელ-
ნი, აიღო ციხე ქალაძორი, დააწყნარა განდგომილ-
ნი და დაბრუნდა ალაფითა და ტყვეებით საესე.

თურქები მაინც არ იშლიდენ თავისას და დრო-
გამოშვებით შემოესეოდენ ხოლმე საქართველოს ამა-
თუ იმ მხრითგან. 1118 წ. თურქები შემოესიენ ჯა-
ვახეთს. დავითმა მის წინაამდეგ გაგზანა ჯარი, ხო-
ლო თითონ გაილაშქრა არაქსის პირზე თურქების
ასალაგმავად და დასაწყნარებლად. გზაში მან შეი-
ტყო, რომ ჯავახეთში შემოსეულთ თურქთ მოეკ-
ლათ ჯავახეთის ერისთავი ბეშქენ ჯაყელი. თუმცა
დიდებულები უშლიდენ მეფეს ლაშქრობის გაგრძო-
ბას, მაინც არ დაიშალა, დაეცა არაქსის პირზე
მდგარს თურქებს, მოსრა და დაატყვევა მრავალი
და წამოიღო დიდი ალაფი.

ამ ლაშქრობითგან გამობრუნებულმა მეფემ დაი-
კირა ციხეები ლორი და აგარანი და გადევნა იქით-
გან თურქები.

VI.

ყიფჩაყების გადმოყვანა.

მტრებთან გამუღმებულის ბრძოლისათვის დავით მეფე დიდად საჭიროდ ჰპოვებდა მუდამ მზა და გაწვრთნილს ჯარს. ქართველი ერი კარგი მეომარი და მებრძოლი იყო, მაგრამ ამ ბრძოლა-ომებში იგი მეტად სუსტდებოდა და თავის კეთილდღეობისთვის მშვიდობიანის შრომის შეძლება აღარ ჰქონდა. დავითი მიხვედრილი იყო, რომ მშვიდობიანის შრომის ნაყოფი მაშინ გავითარდებოდა, როდესაც ეს მშვიდობიანობა უზრუნველყოფილი იქნებოდა ყოველთვის. ამიტომ მისმა გამჭრიახმა გონებამ მოიფიქრა სამუდამო ჯარის დაწესება. მაგრამ როგორ შეძლებოდა რამოდენადმე დიდის სამუდამო ჯარის დაწესება ქართველთაგან, რომელნიც ხანგრძლივის ომების გამო ისე შემცირებულიყვენ საომრად გამოსადევების ვაჟკაცების რიცხვით. ამიტომ მას მოუვიდა აზრად მოეწვია უცხო ხალხი და დაესახლებინა საქართველოში იმ პირობით, რომ სამაგიეროდ ეწია სამხედრო სამსახური და მუდამ საომრად ყოფილიყო მზად. იმის მოსაზრება შეჩერდა ყიფჩაყებზე. ყიფჩაყები იყვენ კავკასიის ჩრდილოეთით მცხოვრები გაუვითარებელი, მაგრამ მეტი მამაცი და მეომარი ხალხი. ისინი ცხოვრებდენ ტომ-ტომებად და თვი-

თეულს ტომს თავისი მთავარი ჰყავდა. თუმცა მათ-ში ქრისტიანებიც ერიენ, მაგრამ მომეტებულად წარმართები იყვენ. თვით დავით მეფეს პირველ ცოლად ჰყავდა ყივჩაყთა ერთის ტომის მთავრის ათრა-ქა შარალანიძის საული გურანდუხტ და ამიტომ ამ ყივჩაყებს ის კარგად იცნობდა. დავითმა წინადადე-ბა მისცა თავისს სიმამრს და ცოლის ძმებს, რომ გადმოსულიყვენ მთელის ტომით საქართველოში და ეწიათ სამხედრო სამსახური მისთვის, რისთვისაც ის დაპირდა შესაფერს დაჯილდოებას. მისმა სიმამრმა და ცოლის ძმებმა მიიღეს მეფის წინადადება და და-თანხმდენ საქართველოში გადმოსვლას. საქირო იყო მხოლოდ, რომ გზაში გამოვლის დროს ოსებს ხელი არ შეეშალათ მათთვის. დავითი შევიდა ჯა-რით ოსეთში და მოსთხოვა ყივჩაყებისთვის გამოსა-ვლელი გზა მიეცათ. დავით მეფეს წინ გამოეგებენ ოსების უფროსები და დათანხმდენ ყივჩაყების გა-მოვლას ოსეთშე იმ პირობით, რომ ყივჩაყებსაც არა წაეხდინათ-რა მათთვის. დავითმა პირობის მტკიცედ შესრულებისათვის გამოართვა მძევლები ოსებსაც და ყივჩაყებსაც. ამას გარდა დაიჭირა ყველა ციხეები და სიმაგრეები, რომლებიც ოსების ქვეყანაში სა-ქართველოსაკენ მიმავალის გზის პირად იყვენ და ამნაირად გადმოიყვანა მთელი ერთი ტომი ყივჩაყე-ბისა (1118 წ.). მატიანის თქმით, მეომართ ყივჩაყ-თა რიცხვი იყო 40,000, მათი ცოლშვილი და

მშობლები ხომ სხვანი იყვენ. დავით მეფემ ეს ყივ-ჩაყები დააბინავა საქართველოს სხვა-და-სხვა აღვი-ლებში, გააწყო მათგან რაზმები გვარ-გვარად, დაუ-ყენა სპასალარნი და მმართველნი და მისცა ყველას საჭირო იარაღი და ცხენები.

ამნაირად დავით მეფემ შეიძინა ყივჩაყების გად-
მოყვანით სამუდამო ჯარი, რომელიც მუდამ მზად
იყო სალაშქროდ. ამათ გარდა დავითმა შეადგინა
ჯარი 5,000 მონათაგან, რომელიც იყვენ მუსულ-
მანთაგან ტყვედ წამოყვანილნი, ხოლო საქართვე-
ლოში გაქრისტიანებულნი. ყივჩაყთა და მონათაგან
შემდგარს ჯარს მეფე დავითი საკიროების დროს
უმატებდა კარგად გაწყობილს ქართველთა ჯარს და
ამნაირად იგი შეიქნა უძლეველი და თავზარდამცემი
მტერთათვის. ყივჩაყები მცირე ხანში შეეთვისენ სა-
ქართველოს, შეისწავლეს ქართული ენა, მიიღეს ქრი-
სტიანობა და შემდეგში სრულიად გაქართველდენ.

ყივჩაყების გადმოყვანის დროს დავით მეფეს და
მთელს საქართველოს დააკლდა დიდი გამოცდილი
და ბრძენი მოღვაწე გიორგი კუონდიდელი. იგი
გადაიცვალა მეფესთან ოსეთში ყოფნის დროს
(1118 წ.). მეფემ დიდის ამბით დაასაფლავა იგი გე-
ლათში და იგლოვა 20 დღე, *) სანამ არ დაიბადა

^{*)} n^o 8. Chronique arménienne (Additions p. 58). մարտակա, „վարդունու բխոցընքա“ ամիսոնեւ 40 գլուխ, մացրամ

მეფის ძე ვახტანგი და ამ სასიხარულო ამბის გამო
არ შეამოკლა გლოვის ხანი.

VII.

ლაშქრობაზი 1120 და 1121 წლებისა.

საქართველოს საზღვრად მყოფი თურქები, რომ-
ლებიც ბოგანო ცხოვრებას მისდევდენ, მაინც ვერ
ითმენდენ, რომ საზამთროდ არ შემოსულიყვენ სა-
ქართველოს არე-მარეში, თუმცა იცოდენ, რომ და-
ვით მეფე მათ ხეირს არ დააყრიდა ამისთანა გაბე-
დულობისათვის. თურქებს მოსწონდათ ძალიან მტკვ-
რის პირად ზამთრობა, რადგან აქ თბილოდა და
კარგი იალალი იყო საქონლისათვის. 1120 წ. მე-
ფის შავის ზღვის პირად ხუფთაში ყოფნის დროს
თურქები ჩამოვიდენ ბოტორას და დაიზამთრეს. მე-
ფეს ეს მაშინვე შეატყობინეს. ისიც სწრაფად წამო-
ვიდა და თავს დაესხა თურქებს მოულოდნელიად
(14 თებერვალს). თურქებმა ძლივს მოასწრეს ცხე-
ნებზე შეჯდომა და გაქცევა. ვინც ვერ გაიქცა, მე-
ფემ დაატყვევა, ხოლო მათი ქონება ალათვად წა-
მოიღო თან.

ჩვენ 20 დღე უფრთ ნამდვილი გეგონია, რაღაც 40 დღის
გლოვა ჩევეულებრივია და რაღა მეორმოცე დღეს დაიბადა
მეფის ძე ვახტანგი, როცა უამისოდაც უნდა გათავებულიყო
გლოვა.

„ქედგან დავით მეფე მივიდა ლანუხს და 1 მარტს შევიდა შირვანში, სადაც აჯანყებული იყო რამდენიმე მაზრა და არ ემორჩილებოდა მეფის ერთგულს და მორჩილს შირვანის მფლობელს. პირველად მიადგა ქალაქს ყაბალას და აიღო. მაგრამ სხვა ადგილების დასაჭერად მას ჯარი არა ჰყავდა საკმარისად და ამიტომ უკანვე დაბრუნდა ქართლს, ახლად შეკრიფა ჯარი და 7 მაისს შევიდა ხელახლად შირვანში, მოილაშქრა ყველა განდგომილი მაზრები არაბიალიერით დაწყებული ქურდევანამდე და შიშტლანთამდე, დაუმორჩილა შირვანშას და დაბრუნდა ქართლს.

მოაწია ზამთარმა და დავითმაც მიიღო ცნობები, რომ თურქები ეპირებოდენ საქართველოში საზამთროდ შემოსვლას აშორნის მხრით. ახლა თითონ მეფემ გადასწყვიტა დაესწრო თურქთაოვის. გიორგობისთვეში გაილაშქრა აშორნისკენ, შევიდა ამ მაზრაში და მოსრა და აიალაფა იქაური თურქობა. აშორნითვან დავით მეფემ ჩამოიარა სევგელმაჯისკენ და იგივე დღე დააყენა თურქებს, რაც აშორნაში.

ამ ლაშქრობითვან დაბრუნებული მეფე გადავიდა იმერეთს და იქ აპირებდა ზამთრის გატარებას. ზამთარი იყო მეტის-მეტად ცივი და თოვლიანი. თურქებმა შეიტყეს მეფის იმერეთში ყოფნა და მოურიდებლად შემოვიდენ და დაიზამთრეს მტკვრის

ნაპირებზე იმ იმედით, რომ დავითი იმერეთითგან
ამ დროს ვერ მოახერხებს გადმოსვლასათ. გაიგო
თუ არა თურქების ჩამოსვლა მტკვრის ნაპირებზე,
დავითმა დაუყოვნებლად გამოსწია ქართლისკენ.
ლიხის მთაზედ გადმოსასვლელად მეფემ გააჭრევინა
თოვლი, რომელსაც სიმაღლე ჰქონდა სამი მხარი.
ქართლის ჯარი მზათ დახვდა მეფეს. ამ ჯარით მე-
ფე დაესხა თურქებს, მოსრა მრავალი და დაინარ-
ჩუნა მთელი მათი საცხოვრებელი (1121 წ.
მარტში).

ამავე წელს მერდინის მფლობელი ელდაზი, თი-
თქო თურქების გაწყვეტისათვის სამაგიეროს გადა-
სახდელად, შემოესია საქართველოს საზღვარს 20,000
კაცით *). მოახტრა ადგილები, წაიყვანა ტყვეები
და დადგა ბარდავში. ამ დროს მტკვარიც აღიდდა
და თურქები უზრუნველ ყოფილად სთვლიდენ თავს
ქართველების თავდასხმისაგან მტკვარზე გაუსვლე-
ლობის გამო. დავით მეფემ არ დახედა მტკვრის სი-
დიდეს და ყივჩაყების ჯარით გასცურა მტკვარში
ალონთან. მეფე დაესხა მოულოდნელად თურქებს;
რომელნიც თავგადადებით შეებრძოლენ მის ჯარს.
ბრძოლამ გასტანა ორს დღეს. ქართველებმა გაიმარ-
ჯვეს თურქებზე **), დაატყვევეს ბლომად, ხელთ ჩაი-

*) მათე ედესელი (იხ. H. d. G. Additions p. 228).

**) იქვე.

გდეს ურიცხვი საქონელი და წამოვიდენ ბევრის
სხვა საშოურითაც სავსენი (თიბათვეში 1121 წ.).

დავით მეფისაგან სუსხმიული საქართველოს
მოსაზღვრე თურქები ძალიან შეწუხდენ; დროვინვა
იწყეს აგრეთვე ტფილისისა, დმანისისა და განჯის
ვაკრებმა, რომელთა აღებ-მიცემობას ქართველების
ლაშქრობა სარგებლობას არ აძლიერდა. თურქებმა
არჩიეს და გადაწყვიტეს მიემართათ სპარსეთის სულ-
თანის მაჰმუდისათვის შემწეობის თხოვნით და იმ
აზრით გაგზანეს მასთან მოციქულები. ამათ დაი-
ფხრიწეს ტანისამოსი, თავზედ მტვერი დაიყარეს,
შევი ტანისამოსი ჩაიცვეს *), ხელ-პირიც შევად შეი-
ღებენ და ისე მივიდენ თავიანთ გასაჭირის მოსახსე-
ნებლად და შემწეობის სათხოვნელად როგორც
სულთანთან, ისე სხვა მფლობელებთან. ამ მოწო-
დების გამო შეერთდენ ირანის მფლობელი მელიქ
თოლოული, მერდინისა ელაზი და ჰილახისა დურ-
ბეზი. მათე ედესელის თქმით, მელიქ-თოლოულის
ჰყავდა 40,000 კაცი, ელაზის 150,000 და დურ-
ბეზის 10,000. ეს შეერთებული ჯარი ელაზის წი-
ნამძღოლობით წამოვიდა საქართველოში. ამათ კი-
დევ შეუერთდენ განძის ათაბაგი და სასომხეთის ამი-
რები თავიანთ ჯარებათ **). ერთის ევროპიელის

*) იქვე.

**) იქვე გვ. 228, 229.

ისტორიულისის (გოტიეს) თქმით, მუსულმანთა ჯარი შესდგებოდა 600,000 კაცისაგან ¹⁾), ხოლო არაბების ისტორიულისის აბულ-ფარაჯის სიტყვით მხოლოდ 30,000 კაცისაგან ²⁾). შეიძლება გოტიეს ციფრა გაზვიადებულიც იყვეს, მაგრამ ისიც ცხადია, რომ აბულ-ფარაჯის ციფრაც უნდა გადამეტებით დაპატარარავებული იყვეს.

ეს უშველებელი მუსულმანთა ჯარი შემოვიდა საქართველოში 1121 წ. მარიამობისთვეში და მოიცვა თრიალეთი, მანგლისი და დიდგორი. დავით მეფემ ჩვეულებრივის სისწრაფით თავი მოუყარა თავის ჯარს, მათე ედესელის სიტყვით, 55,600 კაცს, ხოლო გოტიეს სიტყვით 80,000 ³⁾ და მიეგება მტრებს, საომარს ადგილად აირჩია ვიწრო გასავალი ორს მთას შეა და მიმართა ჯარს სიტყვით, რომ ან უნდა გაემარჯვათ მტრებზედ ან უნდა დახოცილიყვენ ყველანი. გოტიეს თქმით, ქართველებს უკან გაქცევის შეძლება რომ არა ჰქონოდათ, დავითმა ხეობითგან გამოსასვლელს ადგილზე თხრილები გააკეთა ⁴⁾). ამნაირად ქართველი ჯარი გადადებული იყო სასიკვდილ-სასიცოცხლოდ. გაიმართა ბრძოლა და ქართველების სიმამაცემ და სიფიცხემ დასძლია

¹⁾ იქ: ვვ. 229.

²⁾ იქ: ვვ. 287.

³⁾ იქ: ვვ.

⁴⁾ იქ: ვვ.

რამდენჯერმე დიდს ჯარს. პირველსავე შეტაკებაზე და მტერთა წინა რიგებმა უკან დაიწიეს და ამით არეულობა და შიში დაჭმადეს უკანა რიგებში. ზარდა-ცემულებმა ქართველებს ზურგი მიუშვირეს და გაიქ-ცენ. ქართველები გამოედევნენ და მტრების აუარე-ბელი რიცხვი გაფლიტეს. ქართველებმა სდიეს მტერს, მათე ედესელის სიტყვით, რვა დღის გამავ-ლობაში¹⁾ ანის ქალაქამდე²⁾. ელდაზი დაჭრილ იქნა. დახოცილთ მტერთა რიცხვი იყო 40,000³⁾, ტყვეთა რიცხვი იყო 30,000⁴⁾. ქართველებს დარ-ჩათ აუარებელი დავლა: ოქრო-ვერცხლი, ცხენები, ჯორები, კარავები, სრა-ფარდაგები, სხვა-და-სხვა იარაღი და კურპელი,

¹⁾ გოტიეს სიტყვით სამის დღის გამავლობაში (იხ. იქვე გვ. 280).

²⁾ აბულ-ფარაჯის სიტყვით ათის აღაჯის მანძილზე (იხ. იქვე გვ. 287).

³⁾ გოტიეს სიტყვით, 400,000 (იქვე გვ. 280). აბულ-ფარაჯის სიტყვით-კი 4,000 (იხ. იქვე გვ. 287).

⁴⁾ იხ. იქვე გვ. 229.

VIII.

აღება ტფილისისა.—გალაშქრება შირვანში ორჯერ.---
აღება დმანისისა.—გალაშქრება დარუბანდზე.—აღება
სასომხეთის ციხეებისა.—აღება ანისა. — გალაშქრება
შირვანში.—ყივჩაყების მოწყობა.

ახლა-კი დრო მოვიდა, რომ დავით მეფეს ტფილისი აელო. თურქებზე გამარჯვების შემდეგ მეფე მიადგა ტფილისს (1121 წ.), მაგრამ უცებ მისი აღება არ მოხერხდა. მეფემ შემოავლო გარს ალყა, რომელიც რამდენსამე თვეს გაგრძელდა. ბოლოს მეფემ მიიტანა იერიში და ძალით აიღო ციხე (1122 წ.). მუსულმანთა და სომხის ისტორიკოსები ამბობენ, ვითომ დავით მეფეს ტფილისის აღების დროს ამოეწყვიტოს კარგა ბლომად მუსულმანი მცხოვრებლები *), მაგრამ პირველნი იმასაც უმარებენ, რომ დავითი ძალიან კარგად მოეკიდა იმ მცხოვრებლებს, რომლებიც-კი დამორჩილდენო.

მუსულმანთა ისტორიკოსის ელ-აინის თქმით, ტფილისის აღების შემდეგ დავით მეფემ მოილო მუსულმანს მცხოვრებლებზედ სხვა-და-სხვა წყალობა, რომელიც-კი ითხოვეს. მაგ. აკრძალა ღორების დაკვლა ტფილისში; ნება დართო, რომ ელოუნათ იძანით და ხოტბით; ქრისტიანებს აუკრძალა მუსულ-

*) H. d. G. Additions pp. 230, 232, 237—240.

განებთან ერთად აბანოში შესვლა და საზოგადოდ
რაიმე ცუდის კაღრება მუსულმანთათვის. ამათ გუ-
ლის მოსაგებად მეფემ განაგრძო ტფილისში ფულის
ჭრა არაბულის წარწერით: „სახელითა ლვთისა,
მის წინასწარმეტყველისა და მის ხალიფისა“ და მის-
ცა საჩუქრები და დაუნიშნა სარჩო მუსულმანთა
სჯულის მოძღვრებს, პოეტებს და ნასწავლის კაცებს.
ერთის სიტყვით, მუსულმანთ გაცილებით უკეთ ექ-
ცეოდა დავით მეფე ვიდრე მუსულმანი ხელმწიფე-
ები *).

დავით მეფის მფარველობის და შემწეობის მოი-
მედემ შირვანის მფლობელმა აღსართანშა გაილაშქ-
რა დარუბანდელების წინაამდეგ. დარუბანდელებმა
შირვანშას და დავით მეფის წინაამდეგ შემწეობა
სთხოვეს სპარსეთის სულთანს მაჰმუდს. 1123 წ.
სულთანი შევიდა შირვანში, აიღო შამახია, შეი-
პყრო შირვანშა და მოსწერა დავით მეფეს, მე შე-
ვიპყარ შირვანშა და ვითხოვ ხარაჯასაო; შენ, ტყე-
თა მეფევ, ან ძლვენი გამომიგზანე, ან შენ თითონ
მოდი ჩემთანაო. მათე ედესელის თქმით, ამ დროს
სულთანს ჯარში ჰყავდა სამოკი ათასი კაცი. წე-
რილის მიღებისათანავე დავით მეფემ ბძანება გას-
ცა, რომ შეგროვეილიყო ჯარი. ჯერ მარტო ყვე-
ჩიყები გამოცხადდენ 50,000, ქართველი ჯარი სხვა

*) იქვე გვ. 240 და 244.

იყო. ამ ჯარით მეტე გაემართა შირვანში. რამდენად მძიმე იყო ეს ლაშქრობა, იქითგან ჩანს, რომ დავით მეტე გალაშქრების წინ მივიღა შიო მღვიმელის მონასტერში და აქ იმ მოსაზრებით, რომ იქნება ლაშქრობითგან ველარ დავბრუნდე ცოცხალით, სასწრაფოდ დაწერა ანდერძი იმის შესახებ, თუ რა ნაირად უნდა დაეთავებინათ ჯერ კიდევ დაუსრულებელი მისგან დაწყებული უმთავრესი ეკლესია მონასტრისა და რა უპირატესობა უნდა ჰქონდა მონასტერს.

შირვანში შესვლისათანავე პირველად დავით მეტემ მოაშლევინა ის ხიდი, რომელიც სულთანს გაეკეთებინა მტკვარზე გასასვლელად და ამოხოცა ამ ხიდის მცველი ჯარი^{*)}). სულთანმა რომ გაიგო ეს ამბავი და აგრძოვე რაოდენობა მის ჯარისა, ძალიან შეშინდა და თავის ვეზირის რჩევით კიდევაც აპირებდა გაქცევას სპარსეთში. ეს რომ შირვანელებმა შეიტყეს, ისინიც მეტად შეშინდენ და სულთანს შეეხვეწენ არ მიეტოვებინა ისინი ქართველთა ანაბარად, რისთვისაც დაპირდენ თავგადადებით ბრძოლას მტრების წინაამდეგ. სულთანი იძულებული იყო დარჩენილიყო და გამაგრდა შამახიაში. დავით მეტე მიემართებოდა კიდევც შამახისკენ, მაგრამ გზაში რაღაც უთანხმოება მოხდა ქართველთა

^{*)} იქვე გვ. 230.

და ყივჩაყთა შორის და ამ გარემოებამ შეაჩერა იგი. შეშინებული მუსულმანები ამ ამბის გაგონებაზე სიხარულს მიეცენ^{*)}). დავით მეფე არ მისულა ახლო შამახიასთან, მაგრამ გზები-კი შეუკრა, რომლებითაც სურსათი მისდიოდა სულთანს სპარსეთითგან. რანის ათაბაგი აღსუნდული ოთხი-ათასის კაცით წამოვიდა შამახიაში სულთანის საშველად და სურსათის მისაწოდებლად. დავითი გადაეღობა მას და ამოწყვიტა მთლიად ეს ჯარი. გადარჩა მხოლოდ აღსუნდული, რომელიც მარტოდ-მარტო მივიდა სულთანთან. სულთანის მხრით-კი გამოგზანილი მოციქულები სპარსეთისკენ თავისუფლად გავლის ნების საოხოვნელად სწორედ იმ დღეს მოვიდნენ დავითთან, რა დღესაც მან ამოსწყვიტა აღსუნდულის ჯარი. ათაბაგის დამნახავმა სულთანმა აღარ დაუცადა თავის მოციქულების დაბრუნებას და იმავე წუთს გაიქცა შამახიითგან სპარსეთში სხვა გზით. ამნაირად გამარჯვებული დავით მეფე დაბრუნდა ქართლს. მაგრამ ეს გამარჯვება არ იყო სრული. ქართლში მან წესიერება დაამყარა ყივჩაყთა შორის და მეორე თვეს (ივნისში) ხელმეორედ გაილაშქრა შირვანს, აიღო გულისტანი და დაიპყრა მთელი შირვანი.

ზაფხული დავით მეფემ შირვანით დაბრუნების შემდეგ ქართლში გაატარა, ხოლო შემოდგომაზედ

*) ელ-აინი (Additions p. 289).

გადავიდა იმერეთს და იქ გაატარა მთელი ზამთარი 1123—1124 წლისა. გაზაფხულზედ, მარტში, მეფე გადმოვიდა ისევ ქართლში და გაილაშქრა დმინისის ასალებად. ამ ქალაქის აღების შემდეგ მეფემ გაილაშქრა დარუბანდისკენ და აიღო ციხეები ლასანი და ხოზაონდი მთ მიმდგომის ქვეყნებით. აქედგან დაბრუნებულმა აიღო სასომხეთის ციხეები გაგნი, ტერონაკალი, ქავაზინი, ნორიბედი, მანასგომი და ტალინჯაჭარი. იქნისში გაიარა ლაშქრით ჯავახეთი, კოლა, კარნიფორი და ბასიანი სპერამდის, ბუგათყური და ოლოთისი. ეს ის აღგილები იყო, სადაც თურქები მალვით და მეკობრულად შემოდიოდენ და ცოტას თუ ბევრს ხანს რჩებოდენ. ამ სამხედრო გასეირებით მეფემ შიში მისცა მტრებს საკვლავოდ არ გაებედნათ შემოსვლა. ამის შემდეგ მეფე მოვიდა თრიალეთს და აქ დაითხოვა თავისი ჯარი. თითონ-კი წავიდა ჯავახეთში და ბოქანოს წყაროზე დადგა მოსასვენებლად.

ბოქანოში ყოფნის დროს მეფესთან მოვიდენ ანის სამხებისგან გამოგზანილი მოციქულები და სოხოვეს, რომ დაეჭირა როგორც ანის ქალაქი ისე მისი მიმდგომი ქვეყნები. დაეით მეფემ მაშინვე მოწვია ჯარი და სამის დღის შემდეგ მის წინაშე შეიკრიფა 60,000 კაცი. მეფე წავიდა ანის ქალაქისკენ და სამის დღის შემდეგ აიღო. ანის ქალაქთან დაიკირა ყველა მის მიმდგომი ციხეები და ქვეყნები.

ტყვედ ჩაიგდო ანის ამირა აბულ სევარი მისი ოჯახით. ქალაქის მცველებად დააყენა მესხი აზნაურები, რომელთაც უფროსად დაუდგინა აბულეთ ორბელიანი და მისი შეილი ივანე. ანში მცხოვრების სომხების სასიხარულოდ დავითმა ხელახლად იკურთხებია ის უმთავრესი საყდარი, რომელიც მეჩეთიდან ჰქონდათ გადაქცეული მუსულმანებს *).

ქართლში დაბრუნებულმა დავითმა აბულ სევარი თავის სახლობით გაგზანა საცხოვრებლად იფხაზეთში. რავდენსამე ხანს მოისვენა მეფემ და შემდეგ გაილაშქრა ისევ შირვანში, სადაც ქართველთა წინააღმდეგი დასი მუდამ ინტრიგებს მართავდა შირვანშაპის წინააღმდეგ და განდგომილებას ახდენდა სხვადა-სხვა ქალაქებსა და მაზრებში. დავით მეფემ ამ გზობითაც აიღო შიმახია, ციხე ბივრიტი და დაიკირა მთელი შირვანი. ახლა კი საჭიროდ დაინახა ქართველი ჯარი ჩაეყენებინა შირვანის ციხე-ქალაქებში და გამგებლადაც ქართველი კაცი დაენიშნა. ციხე-ქალაქებში მცველებად დასტოვა ერელ-კახელები, ხოლო გამგებლად ბედიელ-ალავერდელი ეპისკოპოსი სიმონი, რომელიც შემდეგში იყო კუნძიდლად.

ყიფჩიყები თუმცა დიდს სამსახურს უწევდენ შეფეხს და საქართველოს, მაგრამ თავიანთ მოუსვენ-

*) მათე ედესელი და ვარდანი (Additions p. 231, 232).

რობით აგრეთვე დიდს შეწუხებასაც აყენებდენ და-
ვითს, რომელიც ხანდახან მისის სიმკაცრისათვის სა-
სიკედილოდაც არ დაუნდვიათ მათ მღელვარების
დროს. დავითი ძალიან ბევრს სცდილობდა როგორ-
მე დაემშვიდებინა და დაეწყნარებინა ეს უწესოებას
შეჩვეული ხალხი, და ბოლოს კიდევაც მიაღწია
თავის მიზანს. შირვანითგან დაბრუნებულმა უკანა-
სკნელად კიდევ მოაწყო საუკეთესოდ ყივჩაყების
საქმე, მიუჩინა მათ საზამთრო ბინები, გაუჩინა სა-
ზრდელი და დაუყენა გამგებლები.

გაზიაფხულისათვის მეფე ახალს პლანებს აწყობ-
და, უნდოდა თავისგან აღგენილი და გაძლიერე-
ბული საქართველო გაემტკიცებინა და საშვილიშვი-
ლოდ გაემაგრებინა მტერთა წინაამდეგ, მაგრამ ბედ-
მა აღარ მასცა მას ნება გაეხორციელებინა თავისი
აზრები. იმ ზამთარს ავად შეიქნა და გამოესალმა
წუთისოფელს 24 იანვარს 1125 წ. *)

*) მათე ედექსელის თქმით, 1125 წ. საქართველოს შე-
მოესიენ ამირა იბრაიმი, ანცითის მთავარი დაუბი და სხვა
ამირები დიდ-ძალის ჯარით. დავით მეტე შეეგება მათ და უკუ-
აგდო დიდის ზიანით. მტერთა დევნის დროს ხუთის დღის გა-
მავლობაში დავითმა აავსო მთა და ბარი მათ სისხლითა და
გვამებით (იხ. H. d. G, Additions p. 231). ჩვენის ფიქ-
რით, ეს ამბავი უნდა მომხდარიყოს 1124 წ., როდესაც ჩვენ
ქხედავთ დავით რეფეს მტრებთან შებრძოლს სხვა-და-სხვა
მხრით.

IX.

დავით მეფის მოღვაწეობა.

დავით მეფე იყო ტანადი და ლონიერი კაცი მშვენიერის სახისა, გამაცი და მეტად გამბედავი, გონებით მკვირცხლი და წინდახედული, ხასიათით მშვიდობიანი, აუჩქარებელი და მაგარი, გულით მოწყალე და შემბრალებელი. ამ მშვენიერის თვისებებით სავსემ, დავითმა მიიღო თავის დროსთვის საუკეთესო აღზრდა და სწავლა, რისგამო იგი შეიქნა ნამდვილი დროის შესაფერი მოღვაწე. დავით მეფის მოღვაწეობა ბევრნაირია.

პირველად, საქართველო საკიროებდა მტრების ხელითგან გათავისუფლებას და გაერთიანებას. როგორც ზევით მოთხრობილია, დავითმა ეს მოახერხა თავის ვაჟკაცობით, გამჭრიახობით და მხედართმთავრულის ნიჭით. მის გამეფების დროს დაცემული, მტერთა ხელთ მყოფი და განაწილებული საქართველო მის ხელში გაძლიერდა, მტერთაგან გათავისუფლდა და დაიკავა მთელის კავკასიის სამხრეთი ნაწილი შევის ზღვითგან თეთრს ზღვამდე. დავითმა არ იცოდა შიში არავითარის დიდის მტრისა, ხშირად დაპირედრია ათჯერ და უფრო მეტჯერ დიდს ლაშქარს. იგი თითონაც ისე იბრძოდა, როგორც სხვა მეომრები ჯარის წინა რაზმებში და

მტერს სჯობნიდა არა მხოლოდ გულადობით და ვაჟეაცობით, არამედ ჭკვიანურად და მოსაზრებით არჩეულს დროს, ადგილს და რიგზე მტერთან შებმითაც. მას შეგნებული ჰქონდა მტრების მაგარი და სუსტი მხარე. აგრეთვე კარგად იცოდა თავისი ხალხის და ჯარის თვისება და ხასიათი და ამ ცოდნით სარგებლობდა მტრებთან შებრძოლების დროს.

ყივჩიყების მოწვევით დავითმა შეჰქმნა სამუდამო ჯარი, რომელიც ყოველს დროს იარაღში მზად იყო საომრად გასასვლელად. ამას გარდა, დააარსა-რა სამუდამო ჯარი, თვით ქართველთაგან ყოველის ცალკე შემთხვევისათვის გამოსული ჯარი გააუმჯობესა, რადგან სალაშქროდ გამოდიოდენ მხოლოდ კარგად შეიარაღებული და მხნე მეომრები.

გარეშე მტრების მოგერების შემდეგ სიკირო იყო შანაურის წესიერების გამტკიცება. დავითმა ესეც მოახერხა. მან ჩააჩუმა და მოიმორჩილა დიდებულნი, რომელთაც წინად მხოლოდ ვნება მოჰქონდათ ქვეყნისთვის თავიანთ გავლენით და შძლავრობით. მეფის სიტყვა კანონი შეიქნა ყველასათვის. ხელისუფლები ყველანი მის ბძანებას და დადგენილებას ასრულებდენ და ვისაც მეფე შენიშნავდა სისუსტეს ან ღალატს, მოურიდებლად სჯიდა, ხოლო აწინაურებდა მათ, ვინც მის ბძანებას რიგიანად და ერთგულად ასრულებდა. ასეთი წესიერება შეიტანა არამც თუ საერო უწყებაში, არამედ სასულიერო

უწყებაშიაც, რისთვისაც მან მოახდენინა საეკლესიო კრება. ისეთი ადმინისტრატიული და პოლიციური წესი შემოიღო დავითმა, რომ უკელაფერი, რაც სახელმწიფოში ხდებოდა, მეფის გაუგებარი არა რჩებოდა.

ამის გამოვე დამყარდა სამართლიანობა. უკელას ერთნაირის მიუღვომლობით ასამართლებდენ მეფისაგან დაყენებული მოსამართლეები, რომლების მოქმედებასაც თვალ-ყურს ადევნებდა იგი.

მეფე თავის სამეცნის ყოველის კუთხისთვის ერთგვარიად ზრუნავდა. ამიტომ იგი მუდამ გადადიოდა ერთის ადგილითგან მეორეში. იგი ხან ქართლში იყო, ხან კახეთში, ხან იმერეთში და ხან აფხაზეთში.

შინაურის წესიერებისათვის და ეკონომიკურის გავითარებისათვის საჭირო იყო გზები და ხიდები. დავით მეფეც არათერს იშურებდა და აკეთებდა მკვიდრს ხიდებს და ქვაფენილს გზებს.

ხოლო თავი და თავი საშუალება, რომელსაც შეეძლო ხელი შეეწყო დავითის მოღვაწობისათვის ქვეყნის საკეთილდღეოდ, იყო ქართველობაში სწავლა-ცოდნის გავრცელება და ქრისტიანულის სარწმუნოების დამყარება. სომხის ისტორიკოსი ვარდანი მოგვითხრობს, რომ დავით მეფემ აარჩია 40 ქართველი ყმაწვილი და გაგზანა ბიზანტიაში იმ მიზნით, რომ შეესწავლათ უცხო ენები და შემდეგ

გადმოეთარგმნათ ამ ენებითგან ქართულად წიგნები *). თვითონნაც ისეთი დიდი მოყვარული იყო წიგნებისა, რომ მათ კითხვას ნადირობისა და ლაშ-ქრობის დროსაც არ სტოვებდა. მემატიანის თქმით, ერთის წლის გამავლობაში სამოციქულო ორმოცჯერ ჰქონდა წაკითხული. არა მხოლოდ საქრისტიანო სასულიერო წიგნებს კითხულობდა, არამედ მუსულმანთა წიგნებსაც, მაგ. ყორანს და სხვათა. როდესაც მეფემ ტფილისი აიღო, დიდის მოწყალებით მოყვიდა მუსულმანთა სჯულის მოძღვრებს, პოეტებს და მეცნიერებს. მისცა მათ უხვად საჩქრები, დაუნიშნა პენსია და, რომელთაც არ ინდომეს დარჩენა ტფილისში, მათ მისცა საგზაო ფული სპარსეთში წასასვლელად.

როგორც ყველგან მაშინ, საქართველოშიაც სწავლა-ცოდნის მიმდევრები და გამავრცელებლები უმთავრესად სასულიერო პირები იყვენ და სასწავლებლებიც მონასტრებში ჰქონდათ. ამისათვის მეფე დიდად ზრუნავდა სასულიერო პირებისათვის და საყდარ-მონასტრებისთვის.

დავით მეფემ დაიწყო 1106 წელს შენება გელათის მონასტრისა, რომელიც მის აზრით უნდა გამხდარიყო მეორე ათონად, ე. ი. ბინად სწავლა-განათლებისა და მწიგნობრობისა. თვით ეკლესიის

*) H. d. G. (Additions, p. 233).

მოთავება დავითმა თუმცა ვერ მოასწრო თავისს სი-
ცოცხლეში, მაგრამ დააწესა-კი მონასტერი, სადაც
თავი მოუყარა უველა იმ ქართველთ, ვინც-კი
გათქმულნი იყვენ მაშინ თავიანთ მოღვაწეობით,
როგორც საქართველოს ისე უცხოეთის სხვა-და-სხვა



გელათის ეკლესია.

მონასტრებში. დავითმა ააშენა აგრეთვე შიო
მღვიმელის უდაბნოში უმთავრესი ეკლესია და აგ-
რეთვე ბევრგან სხვაგან. საქართველოს გარეშე მან
ააშენა ეკლესიები სინას მთაზე და იერუსალიმში.
დავითის შემწეობით და მფარველობით გაიხსნა
რავდენიმე უმაღლესი სასწავლებელი ანუ აკადემია.

საყდარ-მონასტრების აშენებასთან და მათთვის
მამულების შეწირვასთან დავითი მფარველობდა უბ-
რალო სამღვდელოებასაც, რომელიც იყო ნამდვი-
ლი ამზრდელი და გამანათლებელი ხალხისა. მის
დრომდე დაბალი სამღვდელოება არაფრით გაირჩე-
ვოდა დაბალის საერო წოდებისაგან, რომლითგა-
ნაც ის გამოდიოდა. დავით მეფემ გაათავისუფლა
სამღვდელობა ყოველის სახელმწიფო გადასახადი-
საგან და ბეგრისაგან და ამნაირად დიდი უპირა-
ტესობა მისცა თავიანთ დანიშნულების შესასრუ-
ლებლად.

მართლ-მადიდებელის ქრისტიანის სამღვდელოე-
ბის და სარწმუნოების მფარველობა დავით მეფეს
ფანატიზმით და ბრძა მორწმუნეობით-კი არ მოს-
დიოდა, არამედ იმ სარგებლობის შეგნებით, რომე-
ლიც მათ მოჰქონდათ ქვეყნისთვის. ეს იქითგან
ჩანს, რომ დავით მეფე დიდის პატივისცემით ეკი-
დებოდა როგორც სომხის სამღვდელოებას და საყ-
დარ-მონასტრებს, ისე მუსულმანთა სასულიერო
პირთ და მეჩითებს. სომხის ისტორიკოსის მოწმო-
ბით, მეფე დავითი ხშირად მიდიოდა სომხის სამ-
ღვდელო პირებთან და იღებდა მათგან ლოცვა-
კურთხევას. *) ხოლო მუსულმანთა ისტორიკოსნი
მოწმობენ, რომ მეფეს კარგათ ჰქონდა გაცნობილი

*) ვარდანი (Additions, p. 233).

მუსულმანთა სარწმუნოება, დადიოდა მუსულმანთა მეჩითში, ისმენდა იქ ლოცვას და ხშირად ებაასეგ-ბოდა ყადებს ყორანის შესახებ *).

დავითს, როგორც ნამდვილს ქრისტიანს, არ მოსწონდა ის განხეთქილება, რომელიც არსებობდა მართლმადიდებელთა და გრიგორიანთა შორის. იმას გულით სურდა ამ განხეთქილების მოსპობა და ერთობის დამკვიდრება და ამიტომ მოახდინა კრება მართლმადიდებელთა და გრიგორიანთა სამლელელოების წამომადგენელთა საერთო სარწმუნოებრივს კითხვებზე მოსალაპარაკებლად და მოსათანხმებლად. მართლაც კრებაზე გაიმართა მოლაპარაკება. თვით დავითმაც მიიღო მონაწილეობა, მაგრამ არაფერი შედეგი არ მოჰყვა ამ მოლაპარაკებას და ორივე ეკლესია გაცალკევებულნი დარჩენ. მხოლოდ დავით მეფის მიერ წამოთქმულმა აზრებმა საშინლად გააკვირვა გრიგორიანთა სამლელელოება თავის გონიერულობით და საფუძვლიანობით, რაიცა მან ხმამალლა ალიარა მეფისავე წინაშე.

დავრდომილთა და სწორულთა თანაგრძნობამ აფიქრებინა მეფე დავითს დაეარსებინა ქსენონი ანუ საავალმყოფო სახლი, სადაც იკრიბებოდენ ყოველგვარის სენით შეპყრობილნი და სადაც მათ უვლიდენ და სწამლობდენ ამ სწორულთა მოვლასა და

*) მაჲმედ ელ-ჰამეექი (Additions, p. 237).

წამლობაში დახელოვნებულნი პირნი. მეფე თითონიც ხშირად დაიარებოდა ამ ქსენონში, ყურს უგდებდა რანაირად უვლილენ ავადმყოფებს და როგორ სწამლობდენ. თვითონ ავადმყოფებსაც ელაპარაკებოდა, ამხნევებდა და ანუგეშებდა.

კაცთ-მოყვარეობით აღსავსე მეფე დავითი ათავისუფლებდა ბლობად ტყვეებს, რომლებიც ქართველებს რჩებოდათ მტრებზედ გამარჯვების შემდეგ, ხოლო გლახებს და ლარიბებს უხვად ურიგებდა მოწყალებას.

ამისთანა საქმეების ჩამდენი მეფე, ცხადია, შეუყვარდებოდა ხალხს და მართლაც არამც თუ უყვარდა, არამედ წმინდანადაც ხდიდა მას. თითქმით განვებაც მოწმობდა მის სიწმინდეს. განვების წყალობის ნიშნებს ხალხი ხედავდა როგორც მის საზოგადო საქმეებში, ისე კერძო ცხოვრებაშიაც. ერთხელ, ერთის ციხის აღების შემდეგ, მეფეს ზედ გულზედ მოხვდა მარჯვედ გამოსროლილი ისარი, მაგრამ გადარჩა სიკვდალის იმიტომ, რომ ისარს და გულს შეუ მოჰყვა გულზედ საკიდი მაცხოვრის ხატი. გელათის ეკლესიის შენების დროს მეფე ჩამოვარდა კედლითგან და მძიმედ დაშავდა, იგრეთვე რამდენჯერმე ჩამოვარდა ცხენითგან და ძლიერ დაშავდა, რამდენჯერმე მძიმედ დაიკრა გაცხარებულს ომში, რამდენჯერმე მის ხასიათის სიმტკიცით და წესიერებით უკმაყოფილო ყივჩაყებმა გაიზრახეს

ლალატით მოკვდო მისი, მაგრამ ყველა ამ განსაც-
დელს სასწაულებრივ გადარჩა მეფე და სიკვდილამ-
დე მიაწია ჯანმრთელად.

აი, ამ ღვაწლისათვის დავით მეფეს ერმა უწო-
და აღმაშენებელი, ხოლო ეკლესიამ ჩარიცხა წმინ-
დათა შორის და მის ხსენების დღესასწაული და-
აწესა 26 იანვარს.

X.

დავით მეფის ოჯახი.— ღიმიტრის მეფედ გამოცხადება.—
დავითის ანდერძი.

დავით მეფე იყო ერთად-ერთი შვილი გიორგი
მეფისა და ელენე დედოფლისა. *) მას ამიტომ იდ-
რევე შერთეს ყივჩაყო მთაერის ათრაქა შარალანი-
ძის ასული გურანდუხტი, რომელიც დიდხანს არ
შერჩა. მის სიკვდილის შემდეგ დავითმა შეირთო,
როგორც მოწმობენ სომხის ისტორიკოსნი, სომხის
ქალი. მეფეს პირველის ცოლისაგან ეყოლა ასული
თამარ, ხოლო მეორე ცოლისაგან ასული კატა და
ძენი დიმიტრი და ვახტანგი (ანუ ცვატა). პირველი
ქალი მეფემ მიათხოვა ცოლად შირვანის მფლო-
ბელს ალსართანს, ხოლო მეორე საბერძნეთის იმპე-
რატორის შვილს ალექსის (1116 წ.) **).

*) ქრონიკები თ. უორდანიასი, ტ. I, გვ. 234.

**) იქვე გვ. 240.

დავით მეფეს განზრახვა ჰქონდა თავის სიცოც-
ხლეშივე გაემეფებინა აյ თვისი დიმიტრი და თი-
თონ დაესვენა, მაგრამ უდროვოდ მოასწრო სიკ-
ვდილმა. სიკვდილის წინა დღეებში დავით მეფემ
შეკრიბა დიდებულნი და მათ დასწრებით დალო-
ცა მეფედ თავისი შვილი დიმიტრი, რომელსაც
თითონვე დაადგა მეფის გვირგვინი. უკანასკნელი
თავისი სურვილი მეფემ გამოსთქვა ანდერძში, რო-
მელიც მის სიტყვით დაწერა მისმა მოძღვარმა არ-
სენ იყალთოელმა.

ამ ანდერძით მეფე უტოვებს დიმიტრის სამე-
ფოს. მასვე მიანდობს დედოფალს და და-ქმათა,
რომელთათვისაც ეველრება პატივისცემას, ხოლო
კერძოდ ცვატას შესახებ სთხოვს აზარდოს და,
თუ ვარგოდეს, თავის შემდეგ მეფობა მას გადას-
ცეს. დიმიტრის აძლევს აგრეთვე ძელს ცხოვრები-
სას, დროშას, სამეფო აბჯარს და საჭურჭლებს
(ზემოთა და ქვემოთა). ცვატას უტოვებს კონსტან-
ტინეს დრაკანებს; ლალებს და თვალ-მარგალიტებს
სწირავს ხახულის ღვთის მშობელს. ატენის საჭურ-
ჭლის დუკატების და ბოტინატების *) შესახებ მეფე
სთხოვს დიმიტრის, რომ, თუ შეეძლოს, მათი ნახე-
ვარი გადასცეს მის მოძღვარს, რომელმაც უნდა

*) დრაკანი, დუკატი, ბოტინატი — ბიზანტიურის ფულის
სახელებია.

მონასტრებს მისცეს მის სულისათვის სალოცავად. მეფე სთხოვს აგრეთვე დიმიტრის, რომ დაასრულოს გელათის ეკლესია „სალოცავი მისი და საძვალე შვილთა მისთა“ და რაც ამ მონასტრისათვის შეუწირია, არა მოაკლოს-რა მათგან, ხოლო იმ ადგილთაგან, რომელნიც მეფემ უმკვიდრონი დასტოვა, შესწიროს მონასტერს, რაც ბერმა არსენმა და კათალიკოზმა გამოარჩიონ.

მიცვალებული მეფე ტფილისით წაასვენეს გელათს და დაკრძალეს ცალკე ადგილს, დიდის ეკლესიის გარეთ. საფლავის ქვაზედ ამოაჭრევინეს შემდეგი წარწერა: ესე ანს განსასვენებულია ჩემი უბუნიათი უბუნიასამდე. ამას დაგემჭვიდრო, რამეთუ მთნავს ესე.

დიმიტრი I და დავით III.

I.

ბრძოლა მტრებთან.

დიმიტრის მეფობაზე, რომელიც გაგრძელდა 1125 წლითვან 1155 წლამდე, ჩვენი ქართული მატიანე თითქმის არავითარს ცნობას არ იძლევა და, თუ რავდენიმე ფაქტი ვიცით იმის დროსი, ეს სომხის ისტორიულების წყალობით. ჩვენ ეჭვი არა გვაქვს, რომ დიმიტრის მეფობის ისტორია იქნებოდა დაწერილი თავისს დროზე, მაგრამ იგი დაკარგულა, ან მოსპობილა რამე მიზეზით.

პირველი ფაქტი დიმიტრის მეფობის დროსი არის ანის ქალაქის დაქრია, რომელსაც ასე მოგვითხრობს თანამედროვე სომხის ისტორიული თვით ანის მცხოვრებელი, სამუელ ანგლიად წოდებული.

დავითისაგან დატყვევებულის და იფხაზეთში დასახლებულის ანის ქალაქის მფლობელის აბულ სევარის შვილი ფადლონი მამის დატყვევებამდე სპარსეთში იყო წასული და მას აქეთ ის ცდილობდა

ანის ხელახლად დაჭრას. დავით აღმაშენებელის სიკვდილის შემდეგ ფადლონშა იშოვა სპარსეთის ჯარი, მიადგა ანს და ოლყა შეჭრა. ამ ქალაქის გამგებელი აბულეთ ორბელიანი და მისი შვილი ივანე მხნედ იცავდენ ქალაქს და იგერებდენ მტერს, მაგრამ მტერმა ძალიან გაუჭირა საქმე მცხოვრებ-ლებს. სანოვაგის შეტანა ქალაქში გაძნელდა და ამის გამო გაჩნდა სიმშილობა. ბევრმა მოინდომა ქალა-ქითგან გამოსვლა და სიმშილისაგან გადარჩენა, მა-გრამ ფადლონი არც იმათ ასვენებდა, თავს ესხმო-და, ხოცავდა, ატყვევებდა და ჰყიდდა. შეშინებულ-მა მცხოვრებლებმა გამართეს მოლაპარაკება ფად-ლონთან, აუთქვეს გადაეცა მისთვის ქალაქი, თუ იგი შურს არ იძიებდა მათზე მისი მამის აბულ-სე-ვარის ღალატისათვის. ფადლონი დაჭირდა ამ პი-რობის შესრულებას და ანელებმა გაუდეს კარები. ქართველი ჯარი და ქალაქის გამგებელი ორბელია-ნი იძულებულები შეიქნენ დაენებებინათ თავი ანი-სათვის *).

თუმცა სიმუელ ანელი ამბობს, რომ ფალლონი-
საგან ანის გარემოცვა ერთს წელიწადს გაგრძელ-
და, ეს დასაჯერებელი არ არის, რადგან ძნელი
წამოსადგენია, რომ ასე დიდის ხნის გამავლობა-

*) სამუელ ანგლი (იხ. Collection d'historiens arméniens, t. II, p. 461).

ში დიმიტრის არ გაეგზანოს მეშვეოლი ჯარი. შესაძლებელია, ფადლონი ერთის წლის გამავლობაში რავდენჯერმე მისდგომოდეს ანს და ყოველთვის უკუქცეულს მხოლოდ უკანასკნელიდ მოეხერხებინოს ქალაქის ზელში ჩაგდება, მაგრამ უფრო კკუას ახლო იქნება ვითიქროთ, რომ ფადლონმა ანი ხელთ იგდო სწრაფის და მოულოდნელის თავდასხმით, რის გამოც დიმიტრიმ ვერ მოასწრო შველა. ამას ემოწმება ვარდანი, რომელიც სწერს, რომ ხორასანში მყოფი აბულ სევარის შვილი ფადლონი, გაიგო თუ არა დავით აღმაშენებელის სიკვდილი, გამოემართა ანისკენ და მოსთხოვა აბულეთ ორბელიანს და ქალაქის წარჩინებულს მცხოვრებლებს გადაეცათ ქალაქი მისთვის. ორბელიანმა მცხოვრებთა უბედურების ასაკილებლად აიღო და ქალაქი გადასცაო^{*)}).

ჩვენ ვფიქრობთ, ფადლონს უნდა გამოეცხადებინოს საქართველოს მეფის მორჩილობა და ერთგულობა და ამიტომაც დიმიტრიმ დაამტკიცა იგი ანის გამგებლად და წინაამდევგობა არ გაუწია. ამას გვაფიქრებინებს მათე ედესელის სიტყვები, რომ დიმიტრიმ ანი დაუბრუნა აბულ სევარის შვილებს და ჩამოართვა ფიცი მორჩილობისა და ერთგულობისაო^{**}). ამნაირად, მართალია, ანში ძველის მფლო-

^{*)} იხ. Additions, pp. 233—234.

^{**) იქვე გვ. 231.}

ბელის ჩამომავალი დაბრუნდა, მაგრამ ქალაქი მა-
ინც საქართველოს ხელქვეეთად დარჩა. მეფე დიმი-
ტრი არ გამოეკიდა ფადლონის თავნებობით და
თავდასხმით ანის დაჭერას, უეპველია, იმიტომ რომ
ორბელიანის ანში გამგებლად ყოფნა სასურველი
არ იყო მისთვის. ეს ამბავი სომხის ისტორიკოსთა
მოწმობით მოხდა 1126 წ.

ფადლონის საქციელმა მუსულმანებს აფიქრები-
ნა, რომ საქართველოს ის ლონე აღარა ჰქონდა,
რაც დავითის დროსა, და გააბედვინა როგორც თვით
საქართველოში მცხოვრებთ ისე მოსაზღვრეთ იარა-
ლის აღება საქართველოს წინააშლევ. იდირბევანის
შარატველი ყარასონლული შემოესია 1128 წ. სა-
ქართველოს საზღვრებს და მისგან დაიმედებულმა
ხუნანისა და დმანისის მცხოვრებმა მუსულმანებმაც
მოინდომეს დიმიტრისაგან გადგომა. დიმიტრი მეფემ
ყარასონლულის წინააშლევ და აგრეთვე ხუნანისა და
დმანისის დასაქერად გავზანა ჯარი, რომელსაც უფ-
როსობდენ აბულეთ ორბელიანი შვილით ივანეთი
და ივანე ორბელიანი შვილით სუმბათითურთ. ქარ-
თველებმა დაიკირეს გადგომილი ქალაქები ხუნანი
და დმანისი და დაამარცხეს ყარასონლული, რომე-
ლიც გაიქცა და გამაგრადა იდირბევანის ერთს ცი-
ხეში ").

*) სამუელ ანელი (Collection, t. II, p. 463).

დამარცხებულმა მუსულმანებმა კიდევ სუადეს
საქართველოს საზღვრებზე თავდასხმა 1130 თუ
1132 წ. აღირბეჭანის ამირა კლინი დაეცა დოვინს
და ტყვედ ჩაიგდო ანის მფლობელი და კიდევაც
მოაკვლევინა საწამლავით. ანის მფლობელად შეიქ-
ნა ჯერ ერთი ძმა ქუშლერი, მის შემდეგ მეორე
ძმა მაჰმადი *).

სამაგიეროს გადასახდელად და აღირბეჭანის მუ-
სულმანების დასაწყნარებლად დიმიტრი მეფემ გა-
გზანა ქართველი ჯარი 1135 წ. აბულეთ და ივანე
ორბელიანების წინამძღოლობით. ქართველები შეე-
ბრძოლენ გარნისზე ამირა ელდიგუზს, რომელმაც
დაამარცხა ქართველები და დაატყვევა თვით ორ-
ბელიანებიც მამა-შვილი. ელდიგუზმა დახოცილის
ქართველების თავები დააკრევინა, მოახარშვინა და
თავის-ქალები დააწყობინა მინარეთის სახურავებზე
და ქალაქის კედლებზე **).

1137 წ. დიმიტრი მეფემ ხელ-ახლად გაილაშქრა
და ტყვეობითგან დაიხსნა ორბელიანები, ხოლო
ორის წლის შემდეგ 1139 წ. იმავე ორბელიანთა
წინამძღოლობით გაგზანა ჯარი ყარასონლულის წი-
ნაამდეგ. მოხდა ბრძოლა ხაჩინში, სადაც მუსულ-

*) ვარდანი (იხ. Additions, p. 245).

**) ვარდანი (იქვე ვ. 246), სამუელ ანელი (იხ. Collection, p. 463).

მანებმა გაიმარჯვეს ქართველებზედ. *) ამის გაგები-
სათანავე თვით მეფემ გაილაშქრა აღირბეჭანში.
სწორეთ ამ ლაშქრობის დროს მოხდა მიწის ძრა,
რომელმაც დაანგრია განჯა. დიმიტრი მეფემ ისარ-
გებლა ამ შემთხვევით და ვაეშურა განჯისკენ, აი-
ლო ეს ქალაქი და იიალაფა. გამარჯვების ნიშნად
მეფემ ჩამოაღებინა ქალაქის რკინის კარები და გად-
მოატანინა საქართველოში, სადაც შესწირა გელა-
თის ტაძარს **).

საქართველოს მტრები ამის შემდეგ მიწყნარდენ
და აღარ შემოსულან მის საზღვრებში 1153 წლამ-
დე, როდესაც ერზრუმის მფლობელი სალდუხი თა-
ვის ჯარით მიადგა ანის ქალაქს. მეფემ ანის დასა-
ცველად გაგზანი ჯარი, რომელმაც დაამარცხა მტრე-
ბი და დაატყვევა თვით სალდუხი ***).

II.

შინაური არეულობა.

დიმიტრის მეფობაში თავი იჩინა შინაურმა გან-
ხეთქილებამ. მეფეს ჰყავდა ორი შეილი—დავითი და

*) სამუელ ანელი (Additions, p. 246).

**) კირაკოზი (Additions, p. 246), ქრონიკებით თ. უორ-
დანიასი ტ. I, გვ. 248.

***) სამუელ ანელი (Collection, p. 465) და იბნალათიში
(იხ. არაბთა და სპარსელთ მწერალთა ცნობანი „მოამბეში“

გიორგი, რომელთაც ერთმანეთში უსიამოვნება და ქიშპობა ჰქონდათ. მამას უფრო უმცროსი შეილი უყვარდა. ამით სარგებლობდენ ზოგიერთი დიდებულები, მაგ. ორბელიანები, და თავიანთ პირადის ინტერესით უფროსს შეილს დავითს აღელვებდენ დიმიტრი მეფისა და გიორგის წინაამდეგ^{*}). ამის გამო დავითი შეიქნა მამის ურჩი და უფრო შეაძულა მას თავი. საქმე ისე გამწვავდა, რომ დიმიტრიმ წესის მიუხედავად მოინდომა თავის მემკვიდრეობა უმცროსის შეილის გიორგისთვის გადაეცა და კი-დევაც შეასრულა ეს სურვილი 1150 წ., როდესაც მეფედ გამოაცხადა გიორგი და ცოლად უთხოვა ასეთის მეფის ქალი ბურდუხან. ამ ამბით აღელვებული დავითი გაუდგა თავის მამას და თავის შერით

1897 წ. № XI გვ. 9). ეს მბავი მოხსენებულია აგრეთვე თამარ მეფის მემატიანისაგან.

*) ვარდანი ამ შინაურს განხეთქილებას ცოტა სხვანაირად მოგვითხრობს. მის სიტყვით გამოდის, ვითომ დიმიტრი მეფის და მის ძმის გიორგის შორის ყოფილიყველი უსიამოვნება და მათ ურთიერთობაში მიეღოთ მონაწილეობა ორბელიანთ. დიმიტრი მეფეს არა ჰყოლია ძმა გიორგი და არც არაეითარი ნიშანი ჩანს ქართულს წყაროებში დიმიტრის და მის ძმის (ვახტანგის ან ცვატას) შორის განხეთქილებისა იმ დროს, როდესაც დიმიტრისა და მის შეილის დავითის შორის განხეთქილება ცხადია. ვარდანს, უეპელია, დიმიტრის შეილი გიორგი მის ძმად მიულია და საქმის გარემოებაც აურ-დაურევია (Additions, p. 245).

მოინდომა მამა ტახტითგან ჩამოეგდო და თვით გა-
მეფებულიყო. დავითის უმთავრესი წამქეზებელნი
იყვენ ივანე და თირქაშ ორბელიანები, აბულეთის
ძენი. დიმიტრი მეფემ მოაკვლევინა ივანე ორბე-
ლიანი, თითქაში-კი გაიქცა შაპერმანთან, რომელ-
მაც ის დააბინავა არშარუნში. აქედგან თირქაში
მუსულმანთა ჯარით ხშირად ეცემოდა საქართვე-
ლოს საზღვრებს და აოხრებდა *). ერთის ამისთანა
თავდასხმის დროს თირქაში დაიკირეს და მეფემ იგი
დაამწყვდევინა ციხეში.

თუმცა ამხანად დავითს არ წაემართა ხელი, ის
მაინც თავისას არ იშლიდა და ცდილობდა ძალით
აედებინებინა დიმიტრისთვის მეფობაზე ხელი და თი-
თონ გამეფებულიყო. 115 წ. დავითმა კიდეც შე-
ასრულა თავისი წალილი ჩამოაგდო თავისი მამა
ტახტითგან და თითონ გამეფდა. ამ ცვლილების
დროს დავითმა ამოხოცა და გადევნა საქართველოთ-
გან ბევრნი დიდებულნი, რომელნიც მის მამის ერთ-
გულნი იყვენ. მამა-კი იძულებული ჰყო ბერად შემ-
დგარიყო. ბერობაში დიმიტრიმ თავი იწოდა და-
ნიელად **).

*) ვარდანი (იხ. Additions, p. 247).

**) ქრონიკები თ. უორდანიასი, ტ. I, გვ. 258.

III.

დავით III-ის მეფობა.

დავითმა იმედა ძალიან მცირე ხანს — ექვსს თვეს. თავის საქციელით იმან შეაძულა თავი მამას, ძმას და ბევრს დიდებულს, რომელთაც ის სდევნიდა, სამაგიეროდ სწყალობდა თავის მომხრეებს. ვარდანის თქმით, თირქაშ ორბელიანი გამოიყვანა საჰკონბილითგან და ამირსპასალარობა მისცა, რითაც ძალიან აწყენინა სუმბატ ორბელიანს, რომელსაც ეჭირა ეს თანამდებობა დიმიტრის დროს და რომლის ჩაგონებითაც დავით მეფე მოწამლეს^{*)}). სიკვდილის წინ დავითმა მიიწვია თავისთან ძმა თავისი გიორგი, კათოლიკოზი და დიდებულები და მათ გამოუცხადა სურვილი, რომ მის სიკვდილის შემდეგ მეფედ ყოფილიყო ყრმა შვილი მისი დიმიტრი, რომლის სრულ-წლოვანობამდე სამეფოს გამგებლად უნდა ყოფილიყო ძმა მისი გიორგი. დიმიტრის ამზრდელად დავითმა დანიშნა ივანე ორბელიანი, სუმბათის შვილი. ამასთან დავითმა აიყვანა ხელში იქვე მყოფი დიმიტრი, გამოეთხოვა კოცნით და გადასცა ხელში ივანე ორბელიანს, ხოლო დამსწრე დიდებულებს სთხოვა ერთგულობა გაეწიათ ყრმისა-

^{*)} Additions, p. 247.

თვის *). ამის შემდეგ მოკვდა დავით მეფე (1156 წ.). მართალია, დავითმა თავისი ტახტი უანდერდა თავის შვილს დიმიტრის, მაგრამ გიორგიმ კანონიერიდ არ ჩათვალა მისი განკარგულება. დავითის სიკვდილის დროს ცოცხალი იყო კიდევ დიმიტრი მეფე, რომელიც დავითმა ძალით ჩამოაგდო ტახტითვან და იძულებულ-ჰყო ბერად შესულიყო. რიგით ტახტი ისევ დიმიტრის უნდა დაბრუნებოდა, მაგრამ მან აღარ ინება ბერობის მიტოვება და თავისი უფლება დაულოცა გიორგის, როგორც ეს წინადაც ჰქონდა გადაწყვეტილი. ამ საფუძვლით დავითის შემდეგ მეფედ შეიქნა ძმა მისი გიორგი 1156 წ. ამავე წელს მოკვდა მამა მისი დიმიტრი მეფე, ბერობაში დანიელი.

*) სტეფანოზ ორბელიანი (Histoire de la Siounie, pp. 216—217).

მეზე გიორგი III.

I.

ლაშქრობანი და ბრძოლანი.

პირველი საგანი, რომელსაც გიორგიმ გამეფე-
ბისათანავე მიაქცია ყურადღება, იყო ანის ქალაქის
საქმე. 1156 წ. სომხის სამლეველოების დახმარე-
ბით ფადლონბა წაართვა ამ ქალაქის გამგებლობა
თავის ძმას შადალს *). როგორც ერთი ისე მეორე
ცდილობდენ დაეღწიათ თავი საქართველოს მეფეთა
დამოკიდებულებისაგან. ძმათა დავიდარაბის მოსა-
სპობად და ქალაქის დასამორჩილებლად გიორგი მე-
ფე გაემართა ანისკენ 1161 წ. ქართველები გარს
ადგენ ქალაქს სამის დღის გამავლობაში და აიძუ-
ლეს ქალაქი დამორჩილებოდა. მეფემ ჩამოართვა
ფადლონს ქალაქის გამგებლობა და გამგებლად დაა-
ყენა მანდატურთუხუცესი ივანე ორბელიანი და მის
თანაშემწედ ამირსპასალარი სარგის მხარგდელი.

შაჰერმანის დასასჯელად გიორგიმ ანის დაკერის
შემდეგ გაილაშქრა მის სამფლობელოში—აშორნის

*) იხ. არაბთა და სპარსელთ მწერალთა ცნობანი, „მოამ-
ბე“ 1897 წ. № XI, გვ. 9.

ქვეყანაში. იქითვან დაბრუნებულმა ანში დასტოვა მეციხოვნები და დაბრუნდა ქართლში.

შაჰერმანშა თავის მხრით მოინდომა სამაგიეროს გადახდა და ანის წართმევა. მან ამ აზრით სთხოვდ შემწეობა შაშის (სირიის), ჯაზირის (მესოპოტამიის), დიარბექირის და ერზრუმის მფლობელებსა და დიდის ლაშქრით მიადგა ანს ამავე წლის (1161) მეათაობის გასულს. გიორგი მეფემ ეს ამბავი შეიტყო ნაკარმავეში და გასცა ბძანება ჯარი შეკრებილიყო ფიცხლად. მაგრამ მოელის ჯარის შეკრების ცდა აღარ შეაძლებოდა და ამერეთის ზოგიერთის კუთხით მოსულის ჯარით მეფე გაემართა ანისკენ. მეფეს ურჩევდენ მწიგნობართ-უხუცესი იგანე და სუმბატ ორბელიანი (მაშინ ბერად შემდგარი სახელიდ სვიმონ), რომ ასეთის მცირე ჯარით არ შეძლდა მტერს. მეფემ არ დაუჯერა მათ და გასწია მტრისაკენ. როდესაც მტერთა აუარებელი რიცხვი გამოჩნდა, გიორგი მეფე გადმოხტა ცხენითვან და დაიწყო ლოცვა, შემდეგ მისცა იოანე მწიგნობართ-უხუცესს ძელი ცხოვრებისა, რომ წინ გასძლოლდა ჯარს, ხოლო თითონ მიმართა მას გამამხნევებელის სიტყვებით. ამის შემდეგ გიორგი მეფე თავის რაზმით მიესია მტერს, გულდაგულ გააპო მათი რაზმები და მივიდა მტრის დროშამდის, რომელიც ძირს დასცეს ქართველებმა. მტერი გაიქცა, ქართველებმა სდიეს მზის ჩასვლადე. გამარჯვებულებს

დარჩათ მრავალი ტყვევბი და მტრის მთელი ბანაკი დიდის სიმდიდრით. სამუელ ანელის თქმით, ეს გა-მარჯვება მოხდა 1 მარიამობისთვეს 1161 წ. ამ ბრძოლაში მტრის რიცხვი იყო 80,000, ქართველთა 7,000. ტყვეთა რიცხვი იყო 23,000, ხოლო ვარდანის თქმით 40,000-იც^{*}). ტყვეთა შორის იყო ერზრუმის მფლობელი სალდუხი, რომელიც, როგორც ზევით გვქონდა მოხსენებული, რვა წლის წინადაც ჩაუვარდა ტყვედ ისევ ანის ქალაქთან დიმიტრი მეფეს. როგორც წინად დიმიტრი მეფემ, ახლაც გაათავისუფლა გიორგი მეფემ სალდუხი მის დის ქელათის მეფის შაჰერმან სოფმანის ცოლის შაჰბანუს თხოვნით^{**}).

გიორგი დარჩა ანში სამს დღეს. ამ ქალაქის ამირად დააყენა ანელი სომეხი სათუნი. ქალაქში დასტოვა მეციხოვნენი და წამოვიდა ტფილისს, სადაც დიდის ამბით დაუხვდენ ძლევამოსილს მეფეს.

ტყვეთა აუარებელის რიცხვის უკან დასაბრუნებლად მოსულის ათაბაგმა გამოუგზანა გიორგი მეფეს მოციქულად სირიის პატრიარქი ეგნატე. გიორგიმ დიდის პატივით მიიღო მოციქული და გაუშვა მრავალი ტყვე. პატრიარქს თითონაც გააყოლა ათა-

^{*}) Collection, p. 465; Additions, p. 253.

^{**}) იბნალათიჩი (არაბელთ და სპარსელთ მწერალთა ცნობანი, „მოამბე“ 1897 წ. № XI, გვ. 10).

ბაგთან თავისი მოციქული მხლებელის დარაჯით. როდესაც ქართველი მოციქული შევიდა მოსულის ქალაქში, მის სადარაჯო ჯარის კაცებს ეჭირათ შუბები, რომელთა წვერებზედ გაკეთებული იყო ჯვრები *).

ანში გამგებლად დაყენებული სათუნი არ გა-
მოდგა სანდო კაცი. თავის მოქმედებით მან მალე
აღძრა ეჭვი საქართველოს მთავრობისა: მეფის ნე-
ბა-დაურთველად დაიწყო ქალაქის კედლების აგება
და გამაგრება. მეფემ ამის გამო ჩამოართვა მის გამ-
გებლობა და მის ადგილას გააწესა სარგის მხარგე-
ლი. სათუნი გაიქცა ელდიგუზთან, მაგრამ მალე
ჩაუვარდა ხელო შექის ერისთავს. ამან შეიპყრო იგი
და გადასკა გიორგი მეფეს, რომელმაც დასაჯა იგი **).

სამეფოს ერთს მხარეზედ რომ სუსტი მისცა
მტრებს, გიორგი მეფემ ახლა მეორე მხრითაც მო-
ინდომა ეჩვენებინა თავისი ძალა, ამიტომ მან გაი-
ლაშქრა 1162 წელს მარიამობისთვეში დოვინისკენ,
სადაც 1135 წ. ელდიგუზი ისე მხეცურად მოეკიდა
დახოცილს ქართველებს. ქართველისა და კავკასიელ-
თა მეშველის ჯარით გიორგიმ აიღო დოვინი და
მისცა ცეცხლსა და მახვილს. დაიტარა მხოლოდ
ქრისტიანები. მეფემ ჩამოაღებინა მინარეთითგან ქარ-

*) S.-Martin, t. II, p. 241.

**) ვარდანი (Additions, p. 253).

თველების თავის-ქალები, ჩაალაგებინა კუბოებში, რომელთაც ზევითგან გადაატარებინა ოქროქსოვილი, აჰეთ მუყრებს და წააღებინა ფეხშიშველებს ტფილისში. *) თვით მინარეთი დაარღვია და ტყვეთ წამოიყვანა 60,000 კაცამდე **).

აღირბეუანის მფლობელმა ელდიგუზმა სამაგიეროს გადახდა მოინდომა 1163 წ. და მოიწვია სხვა მუსულმანთა მფლობელნიც საქართველოზე გასალაშქრებლად. ჯერ კიდევ ყველა მოკავშირეებს არ მოეყარათ თავი, რომ ელდიგუზი შემოვიდა საქართველოს საზღვრებში, დაიჭირა გაგის ციხე და დაიტყო მის მიდამოების აკლება-აოხრება. ამის შემტყობმა გიორგი მეფემ ფიცხლად შეაგროვა ჯარი და გაემართა გაგისკენ. როდესაც ქართველები გადავიდენ ბუბაქრის მთაზე, მტერმა შეიტყო მათი მიახლოვება, სისწრაფით დასტოვა ყოველივე თავისი სანოვაგე და გაბრუნდა. ქართველების მოწინავე ჯარი დაეწია მტერს, როდესაც ის გადავიდა ექლების წყალს. გიორგი მეფეს უნდოდა გამოსდევნებოდა გაქცეულს მტერს, მაგრამ დიდებულთ დაუშალეს იმ მოსაზრებით, რომ მძლავრი მტერი თითონ გარბის და ესეც საკმარისი გამარჯვებააო. გიორგიმ დაითხოვა ამის შემდეგ ჯარი და მცი-

*) იქვე გვ. 253 და 254.

**) სამუელ ანელი (Collection, p. 465) და მიქელ აზორი (Additions, p. 255).

რეოდენის რაზმით დადგა ლორისა და დმანისის შორის, საღაც ნადირობა დაიწყო.

გაგითვან გაქცეული მტერი მივიდა გელაქუნს, საღაც მას შეუერთდა სულთან არსლანი. იქედგან ისინი გაემართენ ანისკენ. აქ მათ შეუერთდა კიდევ შაჰერმანი ჯარით. მტრების რიცხვი 50,000-მდე იყო⁷⁾). ანის ციხის უფროსი თორელი მაგრა დაუხვდა გარშემორტყმულს მტერს და დიდის მოხერხებით იცავდა მისგან ქალაქს.

მტერთაგან ანის ქალაქის გარემოცვა შეიტყო გიორგი მეფემ ლორისა და დმანისის შუა მყოფობის დროს, როდესაც მასთან მივიდა სულთან არსლანის მოციქული. ამ მოციქულმა კარგად დაათვალიერა მეფის ძალ-ღონე და ყველაფერი მტერს შეატყობინა. მტერი მაშინვე გამოემართა გიორგისკენ ლამით და განთიადისას მივიდა მოულოდნელად მეფის ბანაკთან, საღაც ყველას ეძინა. შეიტყეს თუ არა მტრის თავდასხმა, ქართველები მოახტენ ცხენებს. გიორგის უნდოდა შებრძოლებოდა მტერს, მავრამ ამირსპასალარმა ივანე ორბელიანმა და სხვა დიდებულთ თითქმის ძალად წამოიყვანეს, რომ გადაერჩინათ აუარებელის მტრისაგან. გამოქცეულს ქართველებს დაედევნენ მტრები. ქართველები გზა-

⁷⁾ იბნალათირი (არაბელთ და სპარსელთ მწერალთა ცნობანი, „მოამბე“ 1897 წ. № XI, გვ. 11).

გზა უცებ შეჩერდებოდენ ხოლმე და ბრძოლას უწევდენ მეტად დაწინაურებულს მტრის რაზმებს, რითაც ბევრს აზიანებდენ მათ. ბოლოს იმისთანა ადგილს მოაწიეს, სადაც შეიძლებოდა გაჩერება და მტრის დახვედრა. მტრებმა რომ ვერაფერი დააკლეს ქართველებს, უკან გაბრუნდენ. შესანიშნავი ის არის, რომ ქართველებმა ამ უკან დაწევის და მტრების მოგერების დროს დაჰკარგეს მხოლოდ ორი კაცი: ჯვარის მტვირთველი ქანიძე და ერთი უბრალო აზნაური.

ანის ქალაქის მფლობელთა ჩამომავალნი არ ისვენებდენ და ცდილობდენ საქართველოს წინაამდევ მოსაზღვრე მუსულმანთა მფლობელების აღმდებას თავიანთ ძელის სამფლობელოს დასაბრუნებლად. გიორგი მეფე ხედავდა, რომ იმათი დაწყნარება შეიძლებოდა მიფერებით და ძველის სამფლობელოს დაბრუნებით და ამიტოთ ამჯობინა თავის ნებითვე ანის ქალაქი მიეცა შადადიანთა გვარის წამომადგენელისათვის, თუ იგი მორჩილობასა და ერთგულობას შეჰვიცებდა. ამასვე სთხოვდენ გიორგის ხორასნის სულთანი და ელდიგუზ ათაბაგი. გიორგის და რუსუდან დედოფალიც, ხორასნის სულთნის ნაცოლარი, მათთან ზავის შეკვრას და ანის საქმის მშვიდობიანად გადაწყვეტას ურჩევდა. გიორგიმ მისუა ანი ასლანს, მაჰმადის შეილს, რომელმაც მორჩილობა და ერთგულობა შეჰვიცა.

ამ ნაირად ჩამოვარდა შევიდობიანობა, მაგრამ ეს შევიდობიანობა არაფრად ესიამოვნებოდათ ლაშექარს და ღიდებულთ, რომელნიც მიჩვეულ იყვენ ლაშექრობით სიმდიდრის შეძენას. იმათ მოახსენეს მეფეს: „არა არს ლონე დარჩენისა ჩვენისა ოვინიერ ლაშექრობისა და რბევისა“. მათ სათხოვრის დასაკმაყოფილებლად მეფემ ბძანება გამოსცა, რომ მოელაშექრათ და მოერბიათ ტაოელთ, კლარჯო და შავშთა ოლთისი და ბანი, მესხთა და თორელთა ყარსი და აშორნი, ამირ-სპასალარის ჯარს და სომხითართ მტკვრის მარჯვენა მხარე განჯამდის, ლიხთ იმერთ და ქართლელთ განჯის ქვეით მტკვრის პირი ამიერ და იმიერ ხოლთამდის, ერელთა და კახელთა ალაზნის შესართავით ვიდრე შირვანამდის. ამ განკარგულების თანახმად ჯარმა მოილაშექრა და მოარბია ანიშნული ქვეუნები და დაიკმაყოფილა საშოვრის სურვილი.

ეს ლაშექრობა უნდა ყოფილიყო 1166 წ., როდესაც მუსულმანთა ისტორიკოსი იბნალათირი მოიხსენიებს, რომ ქართველები შევიდენ არანში და განჯამდის მიაღწიეს, ბევრი მუსულმანი დახოცეს და მრავალი ქალი ტყვედ წიიყვანესო^{*)}.

როგორც უკვე მოთხრობილითგან სჩანს, შირვანსა და დარუბანდს შეუა გამუდმებული მტრობა

^{*)} იხ. „მოამბე“ 1897 წ. № XI. არაბელთ და სპარსელთ მწერალთა ცნობანი, გვ. 15.

იყო. დარუბანდელების წინაამდევ საქართველოს მეფეები ყოველთვის შველოდენ მათ ერთგულს და მორჩილს შირვანის მფლობელებს, რომელიც ნათესავობდენ ქართველს მეფეებს. გიორგის მეფობა-შიაც დარუბანდელი გამოიძიეს შირვანის მფლობელი აღსართანი, რომელიც მოვიდა საქართველო-ში და შემწეობა სთხოვა თავის დედის ძმის შვილს გიორგის. გიორგი მეფემ შეპყარა ჯარი, შევიდა შირვანში და მივიდა დარუბანდამდე, სადაც დაიპყრო მუსკურისა და შარაბამის ქვეყნები და აიღო ქალაქი შაბურიანი. შემდევ შირვანი ჩააბარა აღსართანს და დაბრუნდა უკან (1167 წ.).

შირვანითვან დაბრუნებულმა გიორგი მეფემ გაი-ლა შქრა ბასიანში და მოარბია ეს ქვეყანა. მატიანის თქმით, გიორგი დრო-გამოშვებით გზანიდა თავისს ლაშქარს ხან ნახევნისკენ, ხან მასისისკენ და ლა-ლვისკენ, ხან ბარდავისა და ბალყუნისკენ. ამნაირის ლაშქრობით მდიდრდებოდა თვითონ მეფეც და მისი ლაშქარიც. მეფე თავის მრავალს საჭურჭლეს ინა-ხავდა უჯარმის ციხეში.

1174 წ., ვარდანის თქმით, გიორგიმ ჩამოარ-თვა ანი მის მფლობელს ამირ-შაჰს და გამგებლად იქ დააყენა ამირ-სპასალარი ივანე ორბელიანი. ამის გაგებაზე თურქების სულთანი ალპარსლანი წამო-ვიდა ჯარით ანის დასაქერად და აიკლო შირაქის ქვეყანა. ივანე ორბელიანი აპირებდა ქალაქის გა-

დაცემას, მაგრამ მცხოვრებლებმა არ შეისრულები ნეს მას ეს განზრახვა. მტერმა ვერ აიღო ქალაქი და იძულებული შეიქმნა უკან დაბრუნებულიყო *).

II.

შინაური არეულობა.

გიორგი მეფის ძმის-წული დიმიტრი, რომელ-საც დავით მეფემ უანდერძა ტახტი, იზრდებოდა ივა-ნე ორბელიანის ოჯახში და, უეპველია, გიორგის თვალში არავითარს ეჭვს და შიშს არ ჰპადავდა, რა-დგან მის მამის ანდერძს არავითარი სავალდებულო ძალა არა ჰქონდა. ივანე ორბელიანს და მის ნათე-სავებს-კი თავისი აზრი ჰქონდათ და იმას ზრდიდენ, როგორც თავიანთ პატივმოყვარეობის იარაღს. ივა-ნე ორბელიანმა თავის ქალიც მიათხოვა და ამნაი-რად სრულს თავის გავლენას ქვეშ მოაქცია **). ის და სხვა ორბელიანები ფიქრობდენ მის გამეფებით თავიანთ მნიშვნელობის და გავლენის გადიდებას. ამ განზრახვით ორბელიანებმა და გიორგის სხვა უკმა-ყოფილო დიდებულებმა ივანეს შეთაურობით მოინ-დომეს გიორგის ტახტითვან ჩამოგდება და მის ძმის-წულის გამეფება. 1177 წ. ისინი შეიყარენ ერთად

*) Additions, p. 256.

**) სტეფანოს ორბელიანი (Histoire de la Siounie, p. 220).

ორბელიანთ სოფელს დარბაზში და ღაიწყეს მოლა-
პარაკება იმის შესახებ, თუ როგორ გაემეფებინათ
დიმიტრი გიორგის მოულოდნელად შეპყრობით.
ორბელიანთ გარდა ამ შეთქმულობაში იყვნენ მონა-
წილენი ერეთისა, კახეთისა, სამცხისა და სომხეთის
დიდებულები. მეფემ ეს შეთქმულობა შემთხვევით
შეიტყო სახატეში ყოფნის დროს. მაშინვე დაბრუნ-
და ტფილის და შეუდგა თითონაც მზადებას. ყუ-
ბასარმა სწრაფად შეკრიფა ჯარი 5000 კაცამდე.
შეთქმულებმა რომ შეიტყეს გიორგის მზადება, სახ-
ტად დარჩენ. იმათ მისი მოულოდნელად შეპყრობა
უნდოდათ, ახლა-კი გამარჯვების ეჭვი დაებადათ,
გონება დაპარეგეს და ჯარის შეგროვება ველარ
მოახერხეს, ხოლო ზოგიერთთ არჩიეს გიორგის მხა-
რეზე გადასვლა, როგორადც გამრეკელმა, მაგი-
სტროსიანმა და სხვათა. გიორგიმ კარგად მიიღო,
ვინც მის მხარეზე გადავიდა, და დაპირდა წყალო-
ბას. ამნაირად ძალმოცემული გიორგი შევიდა სომ-
ხეთში გადგომილთა დასაწყნარებლად. ივანე ორ-
ბელიანმა ახლა-კი გამაგრება ატჩია და შევიდა დი-
მიტრით და თავის თანამოაზრებით ლორის ცი-
ხეში *).

სომხეთში გიორგი მეფემ დაიჭირა ციხეები და
სიმაგრეები, რომლებიც გადგომილთ ეკუთნოდათ,

*) იქვე, გვ. 218, 219.

და მოარბია მათი შამულები სომხეთში და ტაშირში. შემდეგ დაიბანა აგარანში. აქ გიორგიმ გაიგო, რომ გადგომილები ელოდენ შემწეობას კახეთითვან, საღაც ამზადებდენ ჯარს მის წინაამდეგ. ამიტომ მეფემ ხელად გაგზანა კახეთისკენ ჯარი მეჯინიბეთ-უხუცესის ჭიაბერის წინამძღოლობით. კახეთში ამ ჯარს წინ შეხვდა გადგომილთა ჯარი, შემდგარი ქართველ-მთიულთაგან. ჭიაბერმა დაამარცხა გადგომილნი და შეიპყრო უმთავრესი მოთავენი: გრიგოლ ასათიძე, ივანე ვარდანიძე და შოთა ვაჩოძე.

ამის შემდეგ გიორგი მეფე მიადგა ლორის კიხეს. ორბელიანებმა დიმიტრის სახელით გაგზანეს შაჰერმანთან და ადირბეგუანის მფლობელებთან შემწეობის სათხოვნელად ქართლის ერისთავი ლიპარიტ სუმბატის ძე ორბელიანი თავის ორის შეილით ელიქუმით და ივანეთი *), მეჯინიბეთ-უხუცესი ქავთარ ორბელიანი, ივანეს ძე, და ეპისკოპოსი ანანია დვინელი. ვიდრე ისინი დაბრუნდებოდენ რამე პასუხით, გიორგი მეფემ ძალიან შეაწუხა ლორეში გამომწყვდეულნი, ბევრმა გამარჯვების იმედი დაჰკარგა, ციხითვან ივანე ორბელიანის გაუგებრად საბლებით ჩამოეშვენ კედელზე და გამოცხადდენ გიორგისთან. აგრეთვე მოიქცა თვით დიმიტრიც, რომელიც მივი-

*) იქვე, გვ. 221.

და საბელ-ყელმობმული ბიძასთან და სინანული გა-
მოუცხადა. ამნაირად ციხეში დარჩენ მხოლოდ ორ-
ბელიანები და მცირეოდენი მათი მომხრენი, რომელ-
ნიც ბოლოს იძულებულნი იყვნენ დანებებოდენ მე-
ფეს *).

გიორგი მეფემ მკაცრად დასაჯა გადგომილები.
დიმიტრი დააბრმავა და გამოასაჭურისებინა, ივანე
ორბელიანს თვალები დასწვა, ქავთარ ორბელიანი,
ძმა ივანესი, მისი შვილი სუმბატ და მისი ძმისწუ-
ლი ზინი მთაკვლევინა, დანარჩენნიც გასწყვიტა სხვა-
და-სხვა საშუალებით. ასე რომ გაქრა სრულებით
ორბელიანთ გასაგისი საქართველოში. ამის გარდა
მეფემ ბძანება გასცა, რომ ამოეშალათ ქვეყნის ისტო-
რიითვან ამ გვარის ხსენება და დაეწერათ ამ ამბო-
ხების მოთხრობა ორბელიანთა ლალატის დასამტკი-
ცებლად. აგრეთვე აკრძალა მათის სახელის ხსენება
და კვლავ უცხოეთითვან რომელისმე ორბელიანთ
გვარის შვილის შემოშვება საქართველოში **).

საქართველოში რომ ეს ამბავი ხდებოდა, სპარ-
სეთში წასულმა შემწეობის სათხოვნელად ლიპარიტ
ორბელიანმა შვილებით ელიქუმით და ივანეთი შეა-
გროვა 60,000 მხედარი და წამოვიდა დიმიტრის
მისაშველებლად. მაგრამ გზაში შეიტყო ამბავი და

*) იქვე, 220.

**) იქვე, ვვ. 220, 221.

უკანვე გაბრუნდა. ორბელიანთა მამულის ერთი წილი მეფემ მისცა ერთგულს დიდებულებს, მეორე ყუბასარს, რომელიც დანიშნა ამირსპასალარად *).

გიორგი მეფის სიმკაცრე დიმიტრის მიმართ ახსნება იმ უპატივცემულობით, რომელიც მან გამოიჩინა თავის ბიძისადმი, იმ ბიძისადმი, რომელსაც ვაუიშვილი არ ჰყავდა და, მაშასადამე, მემკვიდრედაც ის უნდა ჰყოლოდა ძალა-უნებურად. დიმიტრიმ იმდენი სულგძელობა არ გამოიჩინა, რომ თავისი მოხუცებაში შესული ბიძა არ შეეწუხებინა და სიტყბოებით მიეცილებინა სამარემდე, რის შემდეგაც იგივე გახდებოდა მეფედ. ამას მან ორბელიანების ინტერესი არჩია, მათ რჩევას აჰყვა და შეიქნა მათ იარაღად ბიძის წინაამდევ. რაიცა შეეხება ორბელიანების მიმართ სიმკაცრეს, ეს უფრო ადვილი გასაგებია. ორბელიანები გიორგი მეფეს დიდს პატივში ჰყავდა, მათ ეკირათ სიუკეთესო თანამდებობანი, მაგრამ თავიანთ მამა-პაპის ჩვეულებით, გამართეს შინაური განხეთქილება სულ ტყუილ-უბრალოდ, მხოლოდ საკუთარის ინტერესების მისაღწევად. გიორგიმ ახლა გაითვალისწინა ამ გვარის მოელი ისტორია და გადასწყვეტა ერთხელ და სა-

*) იქვე, გვ. 221.

მუდამოდ ბოლო მოელო ამ მეფეთა ურჩის და ორგულის გვარისათვის *).

III.

საეკლესია კრება.—თამარის სამეფოდ დანიშვნა.—ყაჩალობის გაცრცელება და მისი მოსპობა.—ბურდუხან და ღოფლის და გიორგი მეფის სიკედილი.

ერთის მხრით დიდმა სიხარულმა და მაღლობის გრძნობამ ღვთისადმი, რომელმაც მიანიჭა გამარჯვება შინაურს მტრებზედ, მეორე მხრით შიშმა ღვთის წინაშე იმ სიმკაცრისათვის, რომელიც ჩაიდინა თავის მოწინაამდეგებზედ, გიორგი მეფეს აფიქრებინა ეკლესიისთვის



ბეჭედი გიორგი მეფისა.

სამსახური გაეწია და ამით მისი მფარველობა მოპოვებია. ამ აზრით გიორგი მეფემ მოიწვია საეკლე-

*) ბ-ნის უკრდანიას აზრი, დაფუძნებული აღხაზთა ქრონიკის ცნობაზე, ვითომ დიმიტრის გადგომა მომხდარიცვეს ორჯერ 1167 და 1178 წლებში, ჩვენ დამტკიცებულად არ

სიო კრება, რომელმაც იქონია მსჯელობა ეკლესიის საქიროებათა შესახებ და მოახსენა თავისი განაჩენი მეფეს. მეფემ მიიღო სახეში კრების განაჩენი, გაა-მშვენიერა ეკლესიები და მონასტრები, გაათავისუფ-ლა ისინი ყოველისავე ბეგრისაგან და ხელი შეუწყო საეკლესიო წესების ადგენას და დაცვას (1178 წ.)^{*)}.

როგორც ვთქვით, გიორგი მეფეს არა ჰყავდა ვიუიშვილი და, უეპველია, მის მემკვიდრედ შეიქ-ნებოდა მისი ძმისწული დიმიტრი, მაგრამ ამან თა-ვის მოუფიქრებლობით გაარისხა გიორგი, რომელ-მაც იგი გამოასაჭურისებინა და ამნაირად შეუძლე-ბელი გახდა მისი გამეფება. ახლა გიორგი შეიპყრო იმ ფიქრმა, თუ ვინ უნდა გამხდარიყო მისი მემკვი-დრე საქართველოს ტახტზე. მახლობელი ნათესავი

შეიგვარინია. ჩვენ ვფიქრობთ, რომ ქრონიკაში შეცდომაა და 1167 წლის მაგიერ უნდა იყვას 1177 წ. მექრონიკეს ცალ-კალკე მოუხსენებია დიმიტრის თვალების დაწვა 1177 წ. და ორბელიანთა ამოწყვეტა 1178 წ., თუმცა ორივე ეს ამბავი ერთისა და იმავე შემთხვევით იყო გამოწყვეული. ორჯერ რომ ყოფილიყო გადგომა, საოცარი იქნებოდა „ქართლის ცხოვ-რების“ და სტეფანოზ ორბელიანის სიჩურე, რადგანაც „ქართ-ლის ცხოვრების“ დამწერს უთურდ უნდა სცოდნოდა ეს ამ-ბავი, ისე როგორც ორბელიანსაც. ამას გარდა დაუჯერებე-ლია, რომ 1167 წ. თვალდამწვარი დიმიტრი კიდევ აჭყო-ლოდეს ორბელიანებს და მოენდომებინოს ბიძის ჩამოგდება და მის ტახტს დაჭერა 1178 წ.

^{*)} ქრონიკები თ. ერთდანიასი, ტ. I, გვ. 265.

მას აღარავინა ჰყავდა და ამიტომ აზრად დაებადა თავის ერთად-ერთის ასულის თამარის გამეფება. მანამდე არ მომხდარიყო ქალის მეფობა საქართველოში და ამიტომ ადვილი არ იყო ქალის დანიშვნა ტახტის მემკვიდრედ. ამის შესახებ გიორგი მოელაპარაკა დიდებულებს და, როდესაც შეიტყო, რომ ისინი უარს არ იყვენ ქალის გამეფებაზე, საქვეყნოდ გამოაცხადა თავისი სურვილი. თამარის გამეფების წინაამდეგი არავის შეეძლო ეთქვა რამე, რადგან ის ცნობილი იყო როგორც მეტად პკვიანი და კარგის ხასიათის და ყოფა-ქცევის ქალი. თვით გიორგი მეფის ცოლი ბურდუხან დიდად საყვარელი და პატივცემული იყო ხალხისგან. უფრო მეტად სახელ-გათქმული და პატივცემული იყო მეფის და რუსულანი, ხვარასნის სულთნის ნაცოლარი. ამ ორის ქალის მცნობი ერთ კარგის თვალით უყურებდა მათ გაზუილს თამარსაც და ამიტომ მისი გამეფება არავინ იუცხოვა. 1178 წ. გიორგი მეფემ მიიწვია ნაქარმაგევში კათოლიკოზი, ეპისკოპოზები და დიდებულები და მათ თანადასწრებით დააგვირგვინა თამარი, როგორც მომავალი მეფე.

ორბელიანთ გარდა, გიორგი მეფემ სასჯელი მიაყენა ბევრს სხვას, განდგომილებაში მონაწილეებს, თუ სიკედილით არა, მამულის ჩამორთმევით მაინც. მდიდრულად ცხოვრებას შეჩვეულებს, ახლა-კი უსახსროდ დარჩენილს დიდებულებს და აზნა-

ურებს გაუჭირდათ ცხოვრება და ამიტომ იმათ მი-
მართეს ყაჩალობას და მუარცველობას. ქვეყანა მეტად
შეწუხდა თამამის და გამბედავის ყაჩალების ძარცვი-
საგან. ამ ძარცვა-ყაჩალობის მოსასპობად გიორგი
მეფემ შეადგინა 1180 წ. ჯარის რაზმები და უბძა-
ნა მათ მოეარნათ საქართველოს ის კუთხეები, სადაც
ავაზაკობა ხდებოდა, ეძიათ ყაჩალები და მუარცვე-
ლები და პოვნის შემდეგ ჩამოეტრით იმ ნივთებით
ერთად, რომლებიც მათ ამოაჩნდებოდათ ნაცარცვი.
ამგვარის ღონისძიებით, ვარდანის თქმით, მალე
მოისპო ყაჩალობა და დამყარდა სრული მშვიდობია-
ნობა და უშიშრობა ^{*)}).

1182 წ. გიორგი მეფეს და თამარს ეწვიათ მწუ-
ხარება მით, რომ გადაიცვალა ბურდუხან დედოფა-
ლი. ორის წლის შემდეგ გადაიცვალა თვით გიორ-
გი მეფეც და საქართველოს მეფედ შეიქნა მისი ქა-
ლი—თამარი (1184 წ.).

^{*)} Additions, p. 257.

თ ა მ ა რ მ ი ფ ე.

I.

დიდებულთა ამბოხება და მათი დაწყნარება.—საეკლე-
სიო კრება,—შემოსევა და განლევნა მტრებისა თამა-
რის მეფობის პირველს წლებში.

თამარის წინაპრებმა საქართველოს დიდებულები
მაგრად დაიმორჩილეს და მათ იფასებდენ იმდენად,
რავდენადაც ისინი ქვეყნისა და მათი ერთგულები
იყვენ. ამის გამო ბევრი დიდებულთა გვარი დამცი-
რებულ იქნა და ის გავლენა და პატივი აღარ ჰქონ-
დათ, რაც წინად. მათ მაგიერ მეფებმა წინ დააყე-
ნეს სხვანი, რომელნიც წინად სხვებზედ დაბლა იდ-
გენ. ამ გარემოებამ დაბადა უკმაყოფილება დამცი-
რებულის დიდებულებისა. ისინი გულში ინახავდენ
თავიანთ უკმაყოფილებას და ეძიებდენ უკეთესს შემ-
თხვევას, რომ დაებრუნებინათ თავიანთი ძველებური
გავლენა.

ამ ნაირს შემთხვევად უკმაყოფილო დიდებულებ-
მა სცნეს თამარის გამეფება. იმათ ეგონათ, რომ თა-
მარი, როგორც ქალი, ვერ შეიძლებდა ისე მტკიცედ
მართვას, როგორც მისი წინაპრები; მიეცათ იმედი

თავიანთ უფლების აღდგენისა და ხმა-მაღლა დაიწყეს ლაპარაკი: „აღარ დავემორჩილებით ძევლთა ხელისუფალთა და გამგებელთა, ვინაითგან მათგან დაძრულნი და უპატიონი ვართ, და გვარიანნი და თვით მსახურეულნი სახლნი უპატიოდ და უსახოდ დარჩენილვათ უგვანთა და უხამთაგან“. მეთაურად ამ უკმაყოფილოთა გამოუჩნდა მეჭურჭლეთუხუცესი ყუთლუ-არსლან. მის თაოსნობით უკმაყოფილო დიდებულები შეიკრიბენ და დადგენ ტფილისის ახლო ივლაბრის ველზე. აქ იმათ გადასწყვიტეს თამარისთვის შეეტყობინებინათ თავიანთი სურვილი იმის შესახებ, თუ რომელი მოხელე გამოეცვალა და ვინ გაემწევებინა. თვითონ ყუთლუ-არსლანს უნდოდა ამირსპასალარობა. თამარ მეფემ ამისთანა კადნიერებისთვის დააკერინა ყუთლუ-არსლან. მისმა მომხრეებმა შეჰყარეს ლაშქარი და უნდოდათ თავიანთი მეთაური ძალით გაეთავისუფლებინათ. თამარმა მათ დასამშვიდებლად მიუგზანა ორი მანდილოსანი ქალი: დედა ქართლის ერისთავის რატი სურამელისა ხოშაქ წოჭელი და დედა სამძივარებისა ჭარავ ჭაველი. ამათ პირით თამარმა მოსთხოვა დაწყნარება და დაპირდა პატივების, თუ დამშვიდდებოდენ. მოციქულების ჩაგონებით გადგომილები დაწყნარდენ, მივიდენ თამართან და ერთგულობის ფიცი მისცეს. ამის შემდეგ თამარმა მიღებულის წესისამებრ მოილაპარაკა დიდებულებთან და მათ რჩე-

ვით გამოსცეალა მხოლოდ ის მოხელენი, რომლებ-
ბიც სიბერისა ან ავადმყოფობის გამო აღარ ვარ-
გოდენ სამსახურისათვის. მაგალ., ამირ-სპასალარო-
ბა ჩამოართვა ფილენჯისაგან დაუძლურებულს ყუ-
ბასარს და მისცა სარგის მხარგძელს, ყუბასარსავე
ეჭირა მანდატურთ-უხუცესობა. ეს თანამდებობაც
ჩამოართვა თამარმა და მისცა ჭიაბერს. მსახურთ-
უხუცესობა ჩამოართვა აფრიდონს და მისცა ვარ-
დან დადიანს, თვით მეამბოხეთა მეთაურს ყუთლუ
არსლანს ჩამოართვა მექურჭლეთ-უხუცესობა და მის-
ცა კახაბერ. ვარდანიძეს.

სამოქალაქო გამგეობაში წესის ჩამოგდების შემ-
დეგ თამარმა მოახდინა საეკლესიო კრება საეკლე-
სიო წესების გასაუმჯობესებლად. ამ კრებისათვის
თამარმა დაიბარა იერუსალიმითვინ ქართლის კათო-
ლიკოზად ნამყოფი ნიკოლოზ გულაბრიძე, რო-
მელსაც კათოლიკოზობა დატოვებულ ჰქონდა სიმ-
დაბლისა გამო და რომელიც გათქმული იყო თავის
წმინდა ცხოვრებით და სწავლით. კრებას დაესწრენ
საქართველოს მღვდელ-მთავარნი, მონაზონნი და
მეუდაბნოენი. ვერ დაესწრო ავადმყოფობის გამო
კათოლიკოზი მიქელ, რომელიც თითონვე იყო სა-
ეკლესიო წესების დამრღვეველი. ამ კრებას ხელ-
მძღვანელობდენ ნიკოლოზ გულაბრიძე და ანტონ
ქუთათელი. კრებაშ ჩამოაგდო წესიერება ეკლესია-
ში, გამოცვალა ბევრი ეპისკოპოზი და თვით მი-

ქელ კათოლიკოზის გადაყენებაც უნდოდა, მაგრამ არა ჰქნა კრებამ და მიანდო განვებას სიკვდილის პირად მყოფის დასჯა *).

საქართველოში ქალის გამეფება იამათ მტრებს, რომელთაც ეყონათ, რომ მეფე ქალს ვერ შეეძლო ისეთი წინაამდეგობა გაეწია მათთვის, როგორსაც მის წინაპრები უწევდენ. ამიტომ ისინი გათამამდენ და იწყეს შემოსევა საქართველოში. პირველად შემოესიენ რანისა და გელაქუნის თურქები და დაარბიეს პალაკაციოს მხარე, ძალლის-ხევად წოდებული. მათ წინაამდეგ გავიდა გამრეკელი კახაძე და მცირე ჯარით ბევრად უმეტესი მტერი გარეკა. ამათ შემდეგ შემოესიენ შავშეთისა და კლარჯეთის მხარეს კარნუქალაქელი, შამელი და გარმიანელი თურქები. ესენიც სწრაფად გადევნეს კლარჯეთის ერისთავმა გუჩინ აბულასანიძემ და სამცხისამ ბოკო ჯა-

*) უეჭველია, მიქელ კათოლიკოზის კრებაზე დაუსწრებლობის მიზეზი უნდა ყოფილიყო მისი ავაფმყოფობა, რადგან სხვანაირად შეუძლებელია აიხსნას ერთის მხრით მისგან არად ჩაგდება მეფისა და საეკლესიო კრებისა, როცა არ ესწრებოდა ამ კრებას, და მეორე მხრათ საეკლესიო კრების გაუბედავობა და მორიცება, როცა არ გადააყენა წესების დამრღვევა და მის არად ჩაგდები კათალიკოზი. ამას გვატოქრებინებს „ქართლის ცხოვრების“ სიტუვები მიქელის შესახებ: „თეით განაყენა ადრე სასჯელმან ღვთისამან“, ე. ი. ლმქრთა თითონ მოჰკლაო.

ყელმა. მტრების დასაწყინარებლად თვით ქართველებმაც გაიღაშქრეს მხარგძელების ზაქარია და ივანე სარგისის შეილების და ზაქარია და სარგის ვარამის შეილების წინამდლოლობით დვინის ქვეყანაში, საითგანაც დაბრუნდენ გამარჯვებულნი და ალაფით დატვირთულნი. მტრები მაინც არ სცხრებოდენ და ესხმოდენ საქართველოს სხვა-და-სხვა მხრით. მაგრამ მტრების იმედი არ გამართლდა. ქართველები ყველგან მაგრად უხვდებოდენ შემოსეულს მტრებს და თვით განაპირა ქვეყნების ერისთავები უკუ აბრუნებდენ მათ თავიანთ ლაშქრით.

II.

თამარის დაქორწინება გიორგი რუსზე.— ყივჩაყების სასამსახური საქართველოში. — გიორგი რუსის ლაშქრობანი. — გიორგის ცუდი ქუვეის გამოჩენა და მისი გადევნა საქართველოთვან.

თამარის გამეფებას თან მოჰყვა იმისთანა საშძიმო და დიდის საქმის გადაწყვეტა, როგორიც მის საქმროს შოვნა იყო. ქალის გამეფებით სამეფო გვარი უნდა გამოცვლილიყო და ვინ იცის მეფობა რომელს გვარს ჩაუვარდებოდა. ამიტომაც საქართველოს დიდებულები დიდს ყურადღებას აქცევდენ იმას, თუ ვის შეირთავდა თამარი. თამარი არა ჩქარობდა ქმრის შერთვას, მაგრამ დიდებულებს-კი

ეჩქარებოდათ, რადგან ჯერ ერთი ყველას უნდოდა მალე დაენახა თუ ვინ გახდებოდა მომავალის მეფეების წინაპარი, მეორე მხრით საჭირო იყო ტახტის მემკვიდრის ყოლა, რომ ყოველის შემთხვევისთვის თამარის შემდეგ ტახტი არ დარჩენილიყო უმეფოდ. თამარის შერთვის მსურველნი, რასაცვირველია, ბევრნი იყვენ და ამათში ერთ-ერთის არჩევა იმოდენადვე დიდებულების საქმე იყო, რავდენადაც თვით თამარისა. ბევრის რჩევის და თათბირის შემდეგ დიდებულებმა მიიღეს რჩევა ტფილისისა და ქართლის ამირის აბულ-ასანისა, რომ თამარის საქმროდ მოეყვანათ რუსეთის დიდის მთავრის ანდრიას შვილი გიორგი^{*)}, რომელიც თავის ბიძის ვსევოლოდის მიერ გამოძევებული ცხოვრობდა ყივჩაყეთში. პირველის შეხედვით არ იყო ურიგო ეს რჩევა. გიორგი იყო გამოჩენილი თავის ჩამომავლობით და მასთან მართლ-მადიდებელი. ამას გარდა მისი სამშობლო—რუსეთი—ძალიან შორს იყო საქართველოზე, ასე რომ რუსის გამეფება საქართველოში არ უნდა ყოფილიყო საშიში პოლიტიკურიად. გიორგის მოსაწვევად დიდებულებმა გაგზანეს ყივ-

^{*)} ჩვენი მატიანე არ იხსენიებს თამარის პირველის ქმრის სახელს და უწოდებს ნინოლოდ რუსს. მისი სახელი გიორგი მოხსენებული აქვს სტეფანონ იორბელიას (Histoire de la Siounie, p. 222), რომელსაც რუსეთის ისტორიაც ემოწმება.

ჩაყეთს ტფილისის მცხოვრებელი მდიდარი ვაკარი ზანქან ზორაბაბელი. ამან მცირე ხნის შემდეგ მართლაც მოიყვანა გიორგი რუსი, რომელიც დიდებულებს მოეწონათ თავის შშვენიერის გარეგნობით. იმათ მაშინათვე მოლაპარაკება გამართეს რუსულან დედოფალთან, რომ თამარი დაეთანხმებინა გიორგი რუსის შერთვაზე. თამარმა ამ წინადადებაზე ასე უპასუხა დიდებულებს: „როგორ შეიძლება ამნაირის საქმის ქმნა, როდესაც არ ვიცით ამ უცხო კაცის არც ქცევა, არც ჩვეულება, არც მხედრობის ნიჭი და არც საქციელის საქმენი. დაიცადეთ ვიღრემდის გაიცნობდეთ მაგ კაცს“. დიდებულებმა არ შეისმინეს ეს საფუძლიანი პასუხი თამარისა და ითხოვდენ, რომ რაც შეიძლება მალე მომხდარიყო ქორწინება, რადგან, მათის თქმით, საჭირო იყო წინამძღოლი მხედრობისა. გიორგი რუსის შერთვის რომ უარობდა თამარი, ზოგიერთთ დიდებულთ ახლა მეორე საქმროდ დაასახელეს საბერძნეთის იმპერატორის ბიძაშვილი ალექსი. თამარმა ეს წინადადება უფრო შორს დაიჭირა და უარზე დადგა საზოგადოდ ქმრის შერთვაზე. დიდებულები მაინც არ ეშვებოდენ და უფრო ჯიუტად ითხოვდენ თამარისაგან გიორგი რუსის შერთვას. რუსულანიც აჟყვა დიდებულებს და დაათანხმა თამარი, რომ გიორგი შეერთო. დიდის ამბით გადახდილ იქნა ქორწილი თამარისა და გიორგი რუსისა (1185 წ.).

იმის შესაგნებად, თუ რა ნაირად მიაგნეს ყივ-ჩაყეთში მყოფს გიორგი რუსს და რა ნაირად მოი-წვიეს თამარის საქმროდ ვაჭრის საშუალებით, სა-კიროა მოვიხესენიოთ, რა ურთიერთობა ჰქონდა საქართველოს ყივჩაყეთთან 1118 წლის შემდეგ, რო-დესაც დავით მეფემ გადმოიყვანა 40,000 ყივჩაყი და დაასახლა საქართველოში. ჩვენ გვაქვს საბუთი ვიფიქროთ, რომ დავით აღმაშენებელის დროს მო-მხდარს ყივჩაყთა გადმოსახლებას საქართველოში თან მოჰყევა მოელის მეთორმეტე საუკუნის გამავლობა-ში მჰიდრო ერთობა და მისვლა-მოსვლა ყივჩაყთა და ქართველთა შორის. ყივჩაყი, ცოტანი თუ ბევრნი, მუდამ გადმოდიოდენ საქართველოში და შედიოდენ სამსახურში. ზოგიერთნი ამათვან საკმა-ოდ წარჩინებულს თანამდებობასაც ლებულობდენ თავიანთ სამსახურის დროს, როგორადაც ყუბასარი, რომელიც იყო მანდატურთ-უხუცესი და ამირ-სპა-სალარი, ყუთლუ არსლანი, რომელიც იყო მექურ-ჭლეთ-უხუცესი, აბულასანი, რომელიც იყო ტფი-ლისისა და ქართლის ამირა და გუზანი, ამ აბულ-ასანის შვილი, რომელიც იყო კლარჯეთის და შავ-შეთის ერისთავი. ყივჩაყეთითვან გამოსული ყივჩ-ყები არა სპობდენ კავშირს თავის სამშობლოსთან და ნაცნობებთან წერილების წერის ან მისვლა-მო-სვლის საშუალებით. მეორე მხრით ქართველებსაც

თავისუფალი მისვლა-მოსვლა ჰქონდათ ყივჩაყეთში სააღებ-მიცემოდ.

დიდებულს აბულასანს, რომელმაც პირველად დაასახელა გიორგი რუსი თამარის საქმროდ, ან უნდა პირადად სცნობოდა გიორგი რუსი მის ყივჩაყეთში ყოფნის დროს, ან თავის თვისტომთაგან, იქნება თავის შეილის გუზანისაგანაც, უნდა ჰქონოდა გაგონილი მისი ამბავი. აგრეთვე უნდა სცნობოდათ სხვა დიდებულებს ყივჩაყთაგან, რომელთა რიცხვი საქართველოში მაშინ საქმაო იყო. იმათ ყველამ მოინდომეს გიორგი რუსის მოწვევა თამარის საქმროდ. ამნაირად გიორგი რუსი იყო კანდიდატი საქართველოს სამსახურში მყოფთ ყივჩაყთა, რომელთაც მის მოწვევით იქნება თავიანთ პირადის სარგებლობის მიღწევა უნდოდათ. ქართველებმაც ზემოდ მოყვანილის მოსაზრებით მოიწონეს გიორგი რუსის კანდიდატურა და ამიტომ დათანხმდენ მის მოწვევაზედ თამარის საქმროდ. იმის ვითარების და ხსიათის შესატყობად და მოსაწვევად იმ შემთხვევაში, თუ კარგი ცნობები შეიკრიბებოდა, გაგზანეს ვაჭარი ზანქან ზორაბაზელი, სარწმუნოებით ურია, რადგან ის, როგორც ვაჭარი, იყო ნამგზავრი ყივჩაყეთში და იქაურობის მცოდნე. ამას გარდა, რადგანაც ეს მინდობილობა კერძო ხსიათისა იყო და თავდაპირველად იგი საიდუმლოდ უნდა შენახულიყო, ამიტომ ვაჭრის და მასთან ურიის

არჩევა სწორედ შესაფერი იყო: მას ყურადღებას არავინ მიაქცევდა და გამოკითხვის დროს უფრო გულწრფელად მისცემდენ ცნობებს გიორგი რუსზე.

დიდებულებმა დაიმშვიდეს გული. საქართველოს მხედრობას გაუჩნდა საერთო წინამძლოლი და ქართველებმა იწყეს ლაშქრობა გიორგი რუსის წინამძლოლობით. პირველად გიორგიმ გაილაშქრა ყარსისა და კარნიფოლის ქვეყნებში, მოარჩია ისინი და გამარჯვებული დაბრუნდა. ამის შემდეგ გაილაშქრა დვინის ქვეყანაში, მას უკან გელაშუნისაში და ბოლოს მოილაშქრა განჯის ქვემო მხარე ბალყუნამდე და არაქსის პირი მასისამდე.

ქართველები ყველგან იმარჯვებდენ; არბევდენ ქვეყნებს და ტყვითა და ალაფით ბრუნდებოდენ უკან. ამის შემდეგ მოსაზღვრე ხალხები იძულებულები შეიქნენ ხელი აელოთ დროგამოშვებითს შემოსევაზე საქართველოს არემარეში და მტრობის გაგირ მეგობრობა დაუწყეს თამარ მეფეს.

მართალია, გიორგი რუსი კარგი მხედარი გამოდგა, მაგრამ მასთანვე მან გამოიჩინა საძაგელი ზნენი: ლოთობა, გარევნილობა და სხვა ცუდი საჭირელი. თამარის სიტყვები გამართლდენ, რომ საჭიროა გავიცნოთ და მერე გადავწყვიტოთ ქორწინებაო, დიდებულებს სცხვენოდათ თამარისა და ნანობდენ, რომ თითქმის ძალად შერთეს მას ასეთი უზნეო კაცი. თამარი მოთმინებით უცქეროდა გი-

ორგი რუსის საძაგელს ქცევას და ცდილობდა, როგორმე გაესწორებინა. ჯერ მიუჩინა საპატიო და გავლენიანი სამღვდელო პირები, რომ დაერიგებინათ, მაგრამ გიორგი რუსი არ იშლიდა. მერე თითონ თამარმა პირადად დაუწყო მხილება და დარიგება. რუსმა უარესობა დაიწყო, შეურაცხებას აყნებდა საპატიო პირებს და თამარის უკმაყოფილებას არად ავლებდა. მაშინ თამარმა ხელი აიღო გიორგიზე და ახლო აღარ მიიკარა. ესლა უნდოდა რუსუდანს და დიდებულებს. იმათ გადასწყვიტეს. რომ გიორგი რუსი გაეშორებინათ საქართველოთვან. როგორც შეეფერებოდა სამეფო პირს, დიდის პატივით გაისტუმრეს გიორგი რუსი კონსტანტინოპოლის (1188 წ.).

III.

თამარის :ხალი საქმროები.— მისი მეორედ დაქორწინება დავით სოსლანზე.

რუსის გაძევების შემდეგ საქართველოს დიდებულებს ხელახლა გაუხდათ ასარჩევად თამარისათვის საქმრო. რაკი პირველი ქმარი გაძევებულ იქნა, ახლა უფრო ბევრნი ამოჩნდენ თამარის ხელის მაძიებელნი. ქართველთა შორის ხომ მრავალნი იყვენისეთნი, რომელნიც ჩუმად იწვოდენ თამარის სიყვარულით და ტრაფობით. ამას გარდა, ბევრნი უცხო

მეფენი და მეფის წულები ნატრობდენ და ეძიებდენ თამარის ხელს. მათ შორის იყვენ: ბერძენთა იმპერატორის მანუელის უფროსი შვილი პოლიკარპოსი, ასურასტანის და შუამდინარის სულთნის სალადინის შვილი, არზრუმის სულთნის ყიზარსლანის შვილი მუტაფრადინ და შირვანშა აღსართან. ორნი უკანასკნელნი დიდის ამბით მოვიდენ საქართველოში თამართან და მზად იყვენ დაეტოვებინათ მუსულმანობა, თუ თამარი გააბედნიერებდა მათ. თამარმა ისინი მიიღო და ისტუმრა, როგორც შეეფერებოდა სამეფო პირებს. მუტაფრადინი რამდენ-სამე თვეს დარჩა საქართველოში, მაგრამ ვერ ელირ-სა თამარის თანაგრძნობას და იმედის დამკარგველმა შეირთო სხვა ქალი, რომელიც, მატიანის მოწმობით, იყო ხარჭისგან (ხასისგან) ნაშობი მეფის ასული, შეიძლება თვით თამარის უკანონო დაც. ეს იმიტომ უფროა საფიქრებელი, რომ თამარმა გადაუხადა მათ დიდებული ქორწილი და დიდი მზიუ-ვიც მისცა მუტაფრადინს. შირვანშა აღსართანმა-კი იმის მიუხედავად, რომ თამარის ნათესავი იყო (თამარის მამის მამიდა თამარი იყო აღსართანის მამის დედა), ტფილისში ყოფნის დროს ნახა გავლენიანი პირები, სხვათა შორის, თამარის მოძღვარი და კათოლიკოზი, და დიდის ძღვნის მიცემით და მუსულმანობის დატოვების დაპირებით, სთხოვა მათ, რომ მოეხერხებინათ როგორმე მისი თამართან დაქორ-

წინება. ბევრმა შირვანშასაგან მოსყიდულმა ჰკადრა მეფეს, რომ შეერთო შირვანშა. მაგრამ თამარმა შორს დაიჭირა მათი რჩევა და უსაყველურა მათ ამისთანა რჩევისათვის. მისის ბძანებით შირვანშა გაისტუმრეს დიდის პატივით და საჩუქრებითა.

თამარისათვის საქმროს არჩევის დროს დიდებულებმა ყურადღება მიაქციეს ოსთა მეფის შეილს დავით სოსლანს, რომელიც ნათესავად მოხვდებოდა საქართველოს სამეფო სახლს და გვარიდაც ბაგრატიონი იყო. დავით სოსლანი რუსულანს პატარაობითვე შეილობილად ჰყავდა აყვანილი და ზრდიდა თავისთან. ვაჟეაცობასა და ტანადობასთან დავითი *შესანიშნავი იყო თავის ზნეობრივის და გონებრივის გავითარებით, რისთვისაც უყვარდათ ქართველებს. დიდებულებმა გადაწყვიტეს, რომ ეს ვაჟკაცი, ნათესავი ქართველთა მეფის გვარისა და აზრილი საქართველოშივე რუსუდანის ხელმძღვანელობით, იქნებოდა ლირსეული მეუღლე თამარისა. თავიანთ აზრი დიდებულებმა რუსუდანს შეატყობინეს, რუსუდანსაც მოეწონა ეს აზრი, რომელიც იმის და თვით თამარის საკუთარის გრძნობის გამომოქმედი უნდა ყოფილიყო. რუსუდანს უყვარდა, ცხადია, თავის გაზრდილი დავითი და თამარისაც, მასთან ერთად შეზრდილს, არ შეიძლება არ ჰქონოდა მისაღმი თანაგრძნობა. ეს იქითვან ჩანს, რომ დიდებულების წინადადება მაშინვე მიღებულ იქნა თამარი-

საგან. დავითისა და თამარის ქორწინება დიდის ამ-
ბით იქნა გადახდილი დიდუბის სასახლეში (1189 წ.). რუსუდანმა ყოველივე ღონე იხმარა, რომ დიდებუ-
ლიად ედლესასწაულათ ეს სასიხარულო ამბავი. ბა-
გრატიონთა გვარში მიღებულს ქორწილის წესს მან
დაურთო ხვარასნული და ერაყული ცერემონიები,
რის გამოც დლესასწაულობა მეტად ბრწყინვალე
გამოვიდა.

IV.

გიორგი რუსის პირველი შემოსევა საქართველოში და
ერისთავების ღალატი.—მათი დამარცხება და გიორგის
ხელმეორედ გადევნა.

როგორც ჩანს, დავით სოსლანი ბევრისათვის
არ ყოფილი სასურველი, რადგან მის თამართან და-
ქორწინების შემდეგ გაიმართა ერისთავთა შორის
შეთქმულობა, რომელსაც მიზნად ჰქონდა გიორგი
რუსის დაბრუნება საქართველოში და მის უფლების
აღენა, როგორც თამარის მეუღლისა. ამ შეთქმუ-
ლობაში მონაწილეობა მიიღეს მსახურთ-უხუცესმა
ვარდან დადიანმა და ერისთავებმა სამცხისამ, კლარ-
ჯეთისამ, ოდიშისამ, აფხაზეთისამ, სვანეთისამ და
რაჭისამ. ამათ შეუთვალეს გიორგი რუსს, რომ შე-
მოსულიყო საქართველოში თავის უფლების ასად-
გენად. გიორგი რუსმა დაუჯერა მათ და მოვიდა

საქართველოს საზღვრად აზრუში, საითგანაც შემოვიდა კლარჯეთში. აქ ის მიიღეს კლარჯეთისა და სამცხის ერისთავებმა და გადმოიყვანეს იმერეთს, საღაც შეიყარენ მთელის იმიერ-საქართველოს დიდებულები და გეგუთში გამოაცხადეს თამარის კანონიერს მეუღლედ (1190 წ.).

სრულიად მოულოდნელი იყო თამარისთვის ასეთი გადგომილება. მაშინათვე მოუწოდა ერთგულს ერისთავებს და დიდებულებს ქართლისას, კახეთისას, სომხეთისას და სამცხისას. დიდებულებმაც გამოაცხადეს გაცვიფრება და დაარწმუნეს თამარი, რომ იმათ არა იცოდენ-რა შეთქმულობისა. თამარი ეძიებდა გადგომილობის მიზეზს და ვერ ეპოვნა. გადგომილებთან გაგზანა მოციქულებად თევდორე კათოლიკოზი, ანტონ ქუთათელი და სხვა ეპისკოპოზები და ვეზირები, მაგრამ გადაჭრილი პასუხი ვერ მიიღო.

გადგომილებმა გეგუთში ორად გაჰყვეს ლაშქარი. ერთმა ნაწილმა გიორგი რუსის წინამძღოლობით გადმოიარა ლიხის მთა, მთაოხრა ქართლის არენი და დადგა გორსა და ნაკარმაგევს შეა. მეორე ნაწილმა, დადიანებისა და ბელიანების წინამძღოლობით, გადმოიარა რკინის-ჯვარი და ჩავიდა ციხის-ჯვარს, საღაც დასწვა ქალაქი ოძრხე, რომელიც ეკუთნოდა ივანე ანუ ყვარყვარე ციხის-ჯვრელს, თამარის ერთგულს დიდებულს. ამათი განზრახვა

იყო აელოთ ჯავახეთი, თმოგვი და იხალ-ქალაქი, შემდეგ თრიალეთი და სომხითი და მას უკან მისულიყვენ ტფილისზე, სადაც იმავე დროს უნდა მისულიყო გიორგი რუსი. თამარ მეფის ბძანებით ამირ-სპასალარი გამრეკელი და მხარგძელები წაუძლვენ ჯარს ჯავახეთში გადგომილების წინაამდეგ, რომელთაც ისინი შეხვდენ მტკვრის პირად ხიდთან. ზედ ხიდზე შეექმნათ ომი მოწინაამდეგებს. საღამომ გაჰყარა ისინი. გადგომილებმა არჩიეს უკეთესის ადგილის დაჭერა თამარის ჯართან შესაბრძოლებლად და გაემართენ განძის მთისაკენ, მაგრამ არც ეს ადგილი მოეწონათ და იქითვან მივიღენ ნიალის ველზე ხინგრის (ჭობარეთის) წყლის პირს, თმოგვა და ერუშეთს შეუა. თამარის ჯარი დაედევნა გადგომილებს და ნიალის ველზე გაუმართა ომი. ორისავე მხრით ვაჟკაცურად იბრძოდენ. ბოლოს თამარის ჯარმა აჯობა გადგომილებს, რომლებიც გაიქცენ. თამარის მხრით ზარალი დიდი არაფერი მომხდარა. მხოლოდ ივანე მხარგძელი დაიკრა. მიიღო თუ არა ამ გამარჯვების ამბავი, თამარმა მაშინვე შეკრიბა დიდებულები ზრახვის (რჩევის) მოსახდენად. დიდებულებმა გადაწყვიტეს ლაშქრის გაგზავნა გორის ახლოს მდგარის გიორგი რუსის წინაამდეგ, რომელსაც კიდეც მისდგომოდენ ზოგიერთი ქართლის დიდებულები და ზოგიერთი მთიულებიც. ჯარს წაუძლვა დავით სოსლანი, მაგრამ

ისევ მალე დაბრუნდა ტფილისს, რადგან გიორგი რუსი, შეეტყო თუ არა თავის მომხრეების ამბავი, გაქცეულიყო იმერეთს ჯარითურთ.

თამარის გამარჯვებამ დააფიქრა გადგომილები და თავი დაამორჩილებინა ისევ მისთვის. ზოგნი თავისთავად გამოცხადდენ თამართან ყელ-საბელ-მობ-მულნი, ზოგთა ითხოვეს შენდობა რუსულანის, კა-თოლიკოზის, ეპისკოპოზების და მინდატურთ-უხუ-ცესის შუამდგომლობით. თამარმა ყველას აპატია დანაშაული. მაშინ დანარჩენნიც მივიდენ თამართან ნაქარმაგევში და გამოუცხადეს ერთგულობა. სვანე-თის დიდებულებმა თან მიიყვანეს გიორგი რუსიც. თამარმა გიორგისაც შეუნდო და მისცა ნება, რომ ხელშეუხებლად წასულიყო საქართველოთვან. გი-ორგი რუსი საზღვრამდე მიაცილა ივანე მხარგძელ-მა და წავიდა ისევ კონსტანტინოპოლის.

გადგომილების დაწყნარების შემდეგ თამარ მე-ფემ დააჯილდოვა, ვინც ერთგულობა გამოიჩინა. ზოგს უმაღლესი თანამდებობა მისცა, ზოგს მამული, ქალაქები და ციხეები. დამარცხებული და შეწყნა-რებული დიდებულები შეიქნენ თამარის ერთგულ-ნი. მხოლოდ კლარჯეთისა და შავშეთის ერისთავმა გუზან აბულასანიძემ არ მოიშალა თამარის ორგუ-ლობა და ბოლოს კიდეც მიუდგა შაჰერმანს, რო-მელთანაც წავიდა და რომელსაც გადასცა თავის საერისთავოს ციხეები. გუზანის ასეთი ჯიუტობა იმით

აიხსნება, რომ მას, როგორც გიორგი რუსის პი-
რადს შეგობარს და შეიღო იმ აბულასანისას, რომ-
ლის წინადადებითაც მოიწვიეს გიორგი, თავის პი-
რადის ინტერესებისთვის სასარგებლოდ მიაჩნდა მისი
დაბრუნება. თამარ მეფემ რომ შეიტყო გუზან აბუ-
ლასანიძის ლალატი, გავზანა ჯარით კლარჯეთის და
შევშეთის დასაცერად სარგის თმოგველი და კახა სა-
მძივარი. კოლაში ამათ შეიტყეს, რომ შავერმანის
ჯარი გუზანის შეიღო წინამძღოლობით შემოსულიყო
კლარჯეთში ციხეების დასაცერად და გუზანის ცოლ-
შეიღო წისაყვანად. თურქები იყვენ ბლომად, მაგრამ
სარგის თმოგველი და კახა საძივარი არ დაერიდენ
და შეებენ. თურქები დამარცხდენ და უკუ იქცენ.
ქართველ პმა დაიკირეს კლარჯეთის ციხეები და შეი-
პყრეს გუზანის ცოლ-შეიღო. ბოლოს თვით გუზან
აბულასანიძე, რომელიც არ დაცხრა და ყაჩაღურად
ესხმოდა კლარჯეთს, შეპყრობილ და დასჯილ იქნა
დავით სოსლანისაგან თვალების დაწვით.

V.

დავით სოსლანის პირველი ლაშქრობანი. — ვითაგი რუ-
სის ხელმეორედ შემოსევა და გადევნა. — შახქორის ომი
და განჯის აღება. — ამ ქალაქის ხელ-ახლად დაჭრა
ამირ-ბუბაქრისგან და ხელმეორედ აღება მისი ქართ-
ველთაგან. — თურქების შეწოსევა არტანში.

დავით სოსლანი გამოდგა ლირსეული მეუღლე
თამარ მეფისა, ის აკმაყოფილებდა იმას, რასაც ერი

ითხოვდა თამარის ქმრისგან — ვაჟკაცობას და ლაშ-ქრის წინამძღოლობას.

პირველი ლაშქრობა მის წინამძღოლობით მოხდა 1192 წ., როდესაც დაიბადა თამარის პირველი შეილი გიორგი, წოდებული ლაშად. ახლად დაბადებულის გიორგის ბედზედ დავითმა შეჰვარა ლაშქარი და გაილაშქრა ბარდავის ქალაქზედ არანში, სადაც გაიმარჯვეს ქართველებმა და მრავალი ტყვე იშვიერს. დავითმა თამარის და გიორგის დღეგძელობისათვის გაათავისუფლა 30,000 ტყვე.

ერთის თვის შემდეგ დავითი გაემართა ლაშქრით აზრუმისაკენ, საითვანაც აგრეთვე ძლევა-მოსილი დაბრუნდა.

ამავე წელს მოხდა ლაშქრობა არანის ქვეყანაში. ქართველები მივიდენ გელაქუნს, აქეთგან ჩაიარეს ხაჩინს, ჩავიდენ ყარყრის ქვეყანას და მიაწიეს ბალყუნამდის. აქეთგან გამობრუნდენ განჯისკენ და შანქორის გზით დაბრუნდენ საქართველოში. ამ ლაშქრობის დროს ქართველები ამარცხებდენ დახვედრილს მტერს და არბევდენ გავლილს ქვეყნებს.

შემდეგს 1193 წ. მხარგძელებმა ზაქარია ამირ-სპასალარმა და ივანე მსახურო-უხუცესმა გაილაშქრეს არაქსის პირზე. აქ მათ შეხვდათ დიდი მტრის ლაშქარი. ქართველებმა ეს ჯარი დაამარცხეს, მაგრამ ლაშქრობა ალარ გაუგრძელათ თავიანთ რიცხვის

სიმკირის გამო და დაბრუნდენ მაშინვე. მსახურთ-უხუცესის ივანე მხარგძელის რჩევით ახლა დავითმა გაილაშქრა გელაქუნსა, სპარსიბაზირსა და გორა-ლაუქზე, მოარბია ეს ქვეყნები და ძლევა-მოსილი დაბრუნდა.

ამნაირად ქართველებმა ორის წლის ლაშქრო-ბით თავ-ზარი დასცეს მეზობელს მტრებს და ერთ-ხელ კიდევ აგრძნობინეს თავიანთი ძალა, რაიცა საჭირო იყო იმათ ისალაგმავად. ადირბეჭანის ათა-ბაგი ამირბუბაქარი ძალიან შეწუხებული იყო და ნატრობდა ქართველების ჯავრის ამოყრას. სწორედ ამ დროს მასთან მივიდა თავის მოუსვენარის ხასია-თის გამო კონსტანტინოპოლითგანაც გამოძევებუ-ლი გიორგი რუსი და მფარველობა სთხოვა. ათა-ბაგმა ამირბუბაქარმა სიამოვნებით მიიღო გიორგი რუსი და საცხოვრებლიად მისცა არანის ქვეყანა. გიორგი რუსმა აქ იშოვა ჯარი, შემოესია ქიზიყს და მოარბია ეს ქვეყანა. გაიგო თუ არა გიორგის შემოსევა ხორნაბუჯის ციხის თავმა მახატელიძემ, მაშინვე გამოეკიდა მას თავის სამის შეილით და მცი-რეოდენის ჯარით, გაუმართა ბრძოლა და დაამარც-ხა (1194 წ.). გიორგი რუსმა უშველი თავს გაქ-ცევით ორის მონის ამარამ. ეს იყო და ეს, ამის შემდეგ გაჰქრა სახსენებელი გიორგი რუსისა.

თავის ძალ-ლონით რომ ვერაფერი დაიკლო-რა ქართველებს, ადირბეჭანის ათაბაგმა ამირბუბაქარმა

მიმართა ხალიფის და სოხოვა, რომ გაეცა ბძანება, რათა მთელის მის საბძანებლითვან შეკრებილიყო ჯარი საქართველოს წინაამდევ გასალაშქრებლად. ხალიფამაც გასცა ასეთი ბძანება და გადასდო თავის ხაზინითვან აუარებელი ოქრო-ვერცხლი ამ ლაშქრობისთვის, რომელსაც უნდა ბოლო მოეღო მეტის-მეტად გაძლიერებულის საქართველოსათვის. აღირბეჭანის ათაბაგის ძმა ამირმარანი, გამოძევებული თავის სამფლობელოთვან — არანითვან, ამ დროს სცხოვრობდა თავის სიმამრს შირვანშა აღსართანთან. როდესაც ამირმირანმა გაიგო თავის ძმის განზრახვა, გამოუგზანა მოციქულები თამარ მეფეს და სოხოვა, რომ მიეთხოვებინა მისთვის ასული რუსუდანი, დაბადებული 1193 წ., და შესწევნოდა თავის სამფლობელოს დასაბრუნებლად. თამარმა ასულის მითხოვებაზე უარი უთხრა, ხოლო შველას-კი დაპირდა. იმავე დროს თამარმა გასცა ბძანება ჯარი შეკრებილიყო ყველა მხრითვან, რომ მზად ყოფილიყო მტრის დასახვედრად. ლაშქარი მალე შეიყარა და დაბანაკდა სომხითში. ამირმირანი და შირვანშა აღსართან თავიანთ ჯარით და მხლებლებით მოვიდენ საქართველოში. თამარ მეფემ და დავით სოსლანმა დიდის ამბით მიიღეს და დიდის პატივით ისტუმრეს ისინი. თამარ მეფემ ისურვა, რომ ისინი მიეღო ტფილისში კი არა, არამედ აგარაში (სომხეთში). რუსუდან დედოფლის განკარგულებით აგარათა ჭა-

ლაში დადგეს კარავი და მორთეს დიდებულად. შეი დადგეს ოქროს ტახტი თამარისთვის. ტფილისით გან რომ გაემართენ აგარაში თამარი, დავით და მათი შეილი გიორგი ლაშა, გზაში მათ რიგ-რიგად ეგებებოდენ სხვა-და-სხვა თემის ჯარები. პირველად მიეგებენ ყივჩაყები და ოსები, შემდეგ ერელები და კახელები, იმათ შემდეგ ქართლელები, შემდეგ მეს-



გიორგი ლაში, თამარ შეფე, დავით სოსლანი.

ხები, თორელები და შავშ-კლარჯ-ტაოელები, ამათ შემდეგ სომხითარები და ბოლოს აუხაზები, სვანები, მეგრელები, გურულები და რაჭა-თავკვერ-არგველები. თვით კარავის კარს თამარს და დავითს მიეგებენ ხელისუფლები და შინაურები. თამარ მეცე, დავით სოსლანი და გიორგი ლაშა რომ შევიდენ

კარავში, მათ შემდეგ პირველად შევიდა შირვანშა, როგორც ნათესავი, და მოიკითხა მეფენი. შირვანშას მიჰყვა ამირმირან, ამას მათი დიდებულები. თა-
 მარმა დიდის მოწყალებით მიიღო ყველანი და გაუ-
 მართა პურობა და ნადიმი. თამარი დარჩა ავარაში
 ერთი კვირა, რის გამავლობაში სტუმრებს ანადი-
 რებდა. ასეთს ქეიფსა და გართობაში იყვენ სტუმ-
 რები და შასპინძლები, როდესაც მოვიდა აშხავი,
 რომ ათაბაგს ჯარი შეუყრია და ნახჩევნიოგან სა-
 ქართველოს კენ მოდისო. თამარ მეფემ მაშინვე შეჰ-
 ყარა დიდებულები და მოახდინა ზრახვა. დიდებუ-
 ლებმა გადაწყვიტეს ახალის ჯარის მოწვევა. ან-
 ტონ კუონდიდელმა გაგზანა სამეფოს ყველა კუთხე-
 ებში ბძანება, რომ ლაშქარი სწრაფად შეგროვი-
 ლიყო, ხოლო მონასტრებსა და ეკლესიებს მიუწე-
 რა, რომ განუწყვეტელი ღამის იევანი და ლიტანი-
 ობანი აესრულებინათ. ათის დღის გამავლობაში
 ყოველის მხრით მოვიდა ქართველი ლაშქარი, რო-
 მელმაც დაიბანაკა სომხითში. თვით თამარ მეფემ
 და ათვალიერა შეკრებილი ჯარი და მიმართა გამა-
 მხევებელის სიტყვებით, დალოცა ლაშქარი და გიო-
 სტუმრა. ლაშქარს წინ მიუძღვდა ანტონ კუონდი-
 დელი ძელი-ცხოველით, ხოლო მთავარ-სარდლობ-
 და დავით სოსლანი. მასთან იყვენ ყველა ქართვე-
 ლი მხედართ-მთავარი და შირვანშა და ამირმირან
 თავიანთ ჯარით. როდესაც ქართველები მივიდენ

ძეგამს შანქორის ახლოს, აქ შეიტყეს მზვერავები-
საგან, რომ შანქორისა და განჯას შუა დაბანაკებუ-
ლი იყო აუარებელი მტრის ჯარი. დავით სოსლან-
მა მაშინვე გააწყო ჯარი რაზმ-რაზმად და დასძრა
შანქორისკენ მტერთა შესახვედრად. ქართველების
ჯარი გაიყო ორად სხვა-და-სხვა მხრით შანქორის
მოსავლელად. დავით სოსლანი თავის რაზმით გავიდა
მტკვარს და მის მოწინავეებს შეექნათ ბრძოლა
მტერთან, რომელსაც ხელს უწყობდა გზისა და იღ-
გილის უვარებისობა. ხშირი ბალი და კაპანები (ქვა-
ლოჯი) უშლიდენ ქართველებს თავისუფლად სია-
რულს. მოწინავეები შეწუხებულნი იყვენ მტერთა-
გან. ზაქარია ვარამის ძეს მხარგძელს და ბევრს სხვა
წინამბრძოლს დიდებულს მოუკლეს და დაუჭრეს
ცხენები, ასე რომ მათი საქმე ცუდად იქნებოდა, იმ
დროს მათ რომ არ მიშველებოდენ ზაქარია და
ივანე სარგისის ძენი მხარგძელნი, რომელთაც გაა-
მხნევეს და გაამაგრეს ისინი. მალე თვით დავით სო-
სლანიც მივიდა მათთან და, რა იხილეს გაკირებულ-
მა მოწინავეებმა დავითი და მისი რაზმის დროშა,—
დროშა, რომელიც ვახტანგ გორგასალს ჰქონდა ინ-
დოეთში და თითქმ სიბერისაგან სულ გათეთრებუ-
ლიყო, უფრო გაბედულად შეუტიეს მტრებს. მტრე-
ბი ახლა-კი შეირყენ, ვეღარ გამაგრდენ ერთს იღ-
გილს და ზურგი იბრუნეს. ქართველები დაედევნენ
და გააქციეს აურაცხველი ჯარი. ქართველებმა

სდიეს მათ კარგა შორს მანძილამდე, დახოცეს, დაა-
ტყვევეს მრავალი და მთელი მათი ქონება ხელთ
იგდეს. საღამოზედ შემოიქცენ ისევ შანქორისკენ
და გაათიეს ლამე იმ ალაგას, სადაც წინა ღამით
სპარსელები იყვენ. მეორე დღეს დილით შანქორე-
ლები მოვიდენ დავითთან და მიართვეს ციხის კლი-
ტე. დავითმა აიღო შანქორი და მისი მიმდგომი ცი-
ხე-ქალაქები და, დაპირებისამებრ, გადასცა ამირმი-
რანს (1195 წ. თიბათვეში).

შანქორის აღების შემდეგ დავით სოსლანი მია-
დგა განჯას. წინ გამოეგებენ მას ქალაქის დიდებუ-
ლები. დიდ-ვაჭრები, ყადები და მუსალიმები, თა-
ყვანი სცეს და სთხოვეს მშვიდობა. დავითი დაპ-
პირდა მშვიდობას და დიდის ამბით შევიდა ქალაქში.
გზა ქალაქის კარითგან სულთანის სასახლემდის და-
ფენილი იყო სტავრითა. მიმავალს დავით სოსლანს
ხალხი ეგებებოდა თაყვანისცემითა და აყრიდა ოქ-
როსა და ვერცხლისა. დავით სოსლანი შევიდა სულ-
თანის სასახლეში და დაჯდა სასულთნო ტახტზედ.
მაშინათვე შეიქნა დარბაზობა. შირვანშამ და ამირ-
მირანშა დაიკირეს დავითთან მახლობელი ადგილი.
მათ შემდეგ დასხდენ ქართველი დიდებულები თავ-
თავის ადგილს, როგორც წესი იყო. გაიმართა პუ-
რობა და ნადიმობა. განჯელებმა დიდ-ძალი ძლვენი
მიართვეს დავით სოსლანს და იტვირთეს ხარაჯა.
ქალაქიც დავითმა გადასცა ამირმირანს.

ქართველების გამარჯვებისა და განჯის აღების მახარობლად დაფილმა თამართან გაგზანა მანდატურთუხუცესი ჭიაბერი, ხოლო რავდენისამე დღის შემდეგ თითონაც ქართველის ლაშქრით წამოვიდა ტფილისს. თამარ მეფე გაეგება ლაშქარს ქალაქის გარედ, მიულოცა გამარჯვება და მოიკითხა ყველანი დედა-შვილურად. ტფილისის არე-მარე გაივსო ქართველის ლაშქრით, ტყვეებით და აუარებელის ალაფით. მატიანის თქმით, ტყვე და საქონელი იმდენი იყო, რომ ხელთ ეჭირა მოლად დიდუბის ველი ავჭალამდის. სახელდობრ, ტყვე იყო 12,000, ავაზა 40 *), ცხენი 20,000, ჯორი 7,000, აქლემი 15,000, ამათ გარდა აუარებელი ოქრო, ვერცხლი, თვალ-მარგალიტი, ჭურჭელი და ფარჩეულობა. ნატყვენავითგან სამეფოდ იიღეს ერთი მეხუთედი, დანარჩენი დაურიგეს ლაშქარს და მის წინამძღოლებს. ამ ნატყვენავში ერთი უფრო ძვირფასი და შესანიშნავი, თავის მნიშვნელობით მუსულმანთათვის, იყო თვით ხალიფას დროშა, რომელიც თამარ მეფემ შეწირა გელათის მონასტერს.

დამარცხებულმა ამირბუბაქარმა ვერ მოითმინა გამარჯვება თავის ძმისა, რომელსაც ქართველებმა გადასცეს განჯა და მთელი არანი, და ძალით რომ

*) ავაზა არის პატარა ვეფხი; ნიზნავს ავრეთვე მეძებარს ძალლს.

ვერას გახდა, მოინდომა მისი მზაკვრული და მოკვლა. მოისყიდა კაცი და გაგზანა განჯას ამირმირანის მოსაწამლავი და. ამირმირანი მართლა მოწამლულ იქნა. ეს ამბავი განჯითგან შეატყობინეს თამარს და სთხოვეს შემწეობა. თამარმა გაუგზანა წამალი და თან განკარგულება მოახდინა, რომ დავითი წასულიყო ჯარით განჯის დასაქერად, თუ ამირმირანი მოკვდებოდა ან ამირბუბაქარი მოინდომებდა მის დაქერას. წამალმა ვეღარ მიუსწრო და მოკვდა ამირმირანი. ამირბუბაქარიც ამას ელოდა, სწრაფად მიადგა ჯარით განჯას, აიღო ძალით ეს ქალაქი და დაიკირა არანის უკელა ციხე-სიმაგრეები, ხოლო თითონ უკანვე გაბრუნდა. ჯარით განჯისკენ მიმავალმა დავითმა ეს ამბავი გაიგო შანქორში და უკან დაბრუნდა, ჩადგან შველა დაგვიანებული იყო, ხოლო განჯის და ციხე-სიმაგრეების წართმევისათვის საკმარისი ჯარი აღარა ჰყავდა. დავითი შეუდგა დიდის ჯარის შეგრევებს, ხოლო ამ დიდის ჯარის შეგროვებამდე თამარ მეფემ მიანდო ივანე მხარგძელს გელაქუნზე გალაშქრება. ივანე გაემართა მცირე ჯარით და მიმავალს გელაქუნისკენ შეხვდა წინ მტრის დიდი ჯარი, განჯითგან დაბრუნებული. ივანე ამ ჯარს შეებრძოლა და დაამარცხა, დაიკირა ანბერდი *) და უკან დაბრუნდა. ქართველი ლაშქა-

*) ვაჩანი (Additions, p. 270),

რი მალე შეიკრიბა და დავითი წაუძლნა განჯისკენ. დავითმა მიიწვია სალაშქროდ შირვანშაც. ქართველებმა მოილაშქრეს ორანი და მიადგენ განჯის, სადაც დარჩენ 25 დღეს, დაიმორჩილეს ეს ქალაქი, დაადეს ხარაჯა და დიდის ალაფით დაბრუნდენ. თამარმა შირვანშა დიდად დასახუქრებული გაისტუმრა თავის ქვეყანაში (1196 წ.).

ამ გამარჯვების შემდეგ თამარ მეფე და დავითი გადავიდენ ლიხთ-იმერეთს შავის ზღვის პირად დროს გასატარებლად. აქ მათ შეიტყეს თურქთა შემოსევა არტანის ქვეყანაში, ძალლის-ხევში და პალაკაციოში. მეფის ბძანებით ქართველი ჯარი გაემართა თურქების გასაღევნად. ქართველები დაეწიენ თურკებს ბასიანში, სადაც ისინი დაბანაკებულნი იყვენ, იმ ადგილს, რომელსაც ერქვა სისხლის-მუცელი, და შეებრძოლენ. თურქები დიდათ დამარცხდენ და გაიქცენ (1197 წ.)^{*}.

*) ამირმირანის მოწამლვა, განჯის ხელმეორედ აღე¹ და თურქთა შემოსევა მოთხრობილია „ქართლის ცხოვრების“ მარიამ დედოფლის და თეიმურაზის ვარიანტებში, ხოლო განმარტებული აქვს ბ-ნს თ. ერთდანიას თავის ქრონიკების I ტომში (იხ. გვ. 288).

VI.

ყარსის დაჭრა.—ომი იქონიის სულთანს ნუქრდინთან
და მისი დამარცხება.—ტრაპიზონის იმპერიის დარსე-
ბა.—ყარსის დაკარგვა და ხელმეორედ აღება.

საქართველოს საზღვრების სიმაგრისთვის საჭირო
იყო ყარსი, რომელიც ჯერ კიდევ თურქებს ეჭირათ.
თამარმა ამიტომ გაგზანა ლაშქარი ამ ციხის ასაღე-
ბად. რაკი ქართველების გალაშქრება შეიტყეს თურ-
ქებმა, არც-კი გამაგრებულიან, ანგებს ყარსს თავი
და დაუტოვეს ქართველებს (1201 წ.). თამარმა
ყარსის მცველად დანიშნა ივანე ახალციხელი. ივანე
ახალციხელმა ყარსითგან იწყო გარემო ქვეყნების
რჩევა და დაიპურო კიდეც ისინი. თამარმა უბოძა
მასვე ყარსისა და მისი მიმდგომი ქვეყნები და გახა-
და ამირათ-ამირად და ათაბაგად ამ ქვეყნებისა.

საქართველოს მოსაზღვრე მუსულმანებმა იგრძ-
ნეს ქართველების ძალა და დაინახეს, რომ მათი
მტრობა ძვირად უჯდებოდათ. ამიტომ იმათ მიმარ-
თეს ხალიფას და სოხოვეს ეშუამდგომლა თამარის
წინაშე, რომ მათი ქვეყნები არ აეოხრებინათ ქარ-
თველებს. ხალიფამ გამოუგზანა თამარს მოციქუ-
ლები ძლენითურთ და სოხოვა, რომ დასჯერებოდა
მუსულმანთაგან ხარაჯის აღებას და არ ეხმარა მათ-
ზე მახვილი. თამარსაც ეს უნდოდა და საეთი პასუ-

ხი მისცა ხალიფას: „აღმისრულებიეს ოხოენა შენი: რომელთაც ინებონ მშეიდობა თავთა თვისთა და მოილონ ხარკი წინაშე ჩემსა, ამათდა მიმინიჭებიეს მეცა ცხოვრება ვედრებისათვის შენისა“.

მაგრამ იკონიისა და მცირე აზიის სულთანს ნუ-
ქარდინს არათრად ეპიტნავებოდა ქართველების გა-
ძლიერება. შანქორის გამარჯვებისა და ყარსის აღ-
ბის შემდეგ ნუქარდინმა გადაწყვიტა ქართველების
წინაამდეგ გალაშქრება და შურისძიება მუსულმანთა
დამარცხებისათვის. ამ აზრით იმან გადასდო დიდმა-
ლი ფული, მოიწვია ყოველის მხრით ჯარი და
ამხედრდა. მატიანის თქმით, იმან დასძრა 400,000 *)
კაცი. საქართველოში შემოსევამდის თავის ძალ-
ლონის მოიმედე ნუქარდინმა გამოუგზანა მოციქუ-
ლი თამარ მეფეს და მოსწერა: „მე, ნუქარდინ,
სულთანი ყოვლისა ცასქვეშეთისა, უმალლესი, ანგე-

*) მარიამ დედოფლის და თეიმურაზის „ქართლის ცხოვ-
რების“ ვარიანტებში სწერია — „ოთხმეოცი ბევრი, რომელ
არს ოთხასი ათასი“, ხოლო ბროსეს დაბეჭდილში „ოთხმეოცი
ბევრი, რომელ არს რეა ათასი“. 80 ბევრი არის რვაასი ათასი,
ასე რომ ყველა ვარიანტებში შეცდომაა. ჩვენის აზრით, პირ-
ველს ორს ვარიანტში უნდა ყოფილიყო „ოთხმეოცი ბევრი“-
კი არა, არამედ „ორმეოცი ბევრი“, რაიცა იქნება სწორედ
ოთხასი ათასა. ხულო ბროსეს ვარიანტში, სადაც სდო-
მებიათ ძველის ვარიანტის შეცდომის გასწორება, შეცდო-
მად მიუღიათ არა „ოთხმოცი ბევრი“ არამედ „ოთხასი ათა-
სი“ და მოუნდომებიათ გასწორება, მაგრამ გადასწორების

ლოსტა მსგავსი, ღვთის თანამდგომი, მოვლინებული დიდის მაჰმადისაგან, მოგიმცნობ ქართველთა მეფეს თამარს: ყოველი დიაცი რეგვენია. შენ გიბძანებია ქართველთათვის ხმლის აღება, ღვთისგან შეყვარებულის მუსლმანთა ერის დახოცვა და თავისუფალს ხალხზე ყმურის ხარკის დადება. ახლა მოვალ მე, რომ გასწავლო შენც და შენს ერსაც არ აღება ხმლისა, რომელიც ღმერთს ჩვენთვის უბოძებია. გადარჩენით მხოლოდ ისინი გადამირჩებიან, რომლებიც ჩემს მანდ მოსვლამდე თავს დამიკვრენ ჩემის ქარვის წინ, აღიარებენ მოპამედ მოციქულის ქადაგებას და უარს ჰყოფენ შენს სჯულს⁴. მოციქულმა არ იქმარა ამისთანა წერილის მოტანა და დიდებულთა წინაშე თითონაც თქვა: „უკეთუ მეფემან თქვენმან დაუტევოს სჯული, იპყრას სულ-თანმა ცოლად, და უკეთუ არ დაუტევოს სჯული, იყოს ხარჭად (ხასად) სულთანისა“. ამისთანა თავხე-დურმა სიტყვებმა საშინლად გაარისხა ამირსპასალარი ზაქარია მხარგდელი და იღელვებულმა ისეთი ლონიერი სილა გააკრა მოციქულს, რომ უკანასკნელი გულშეწუხებული წაიქცა. როდესაც ის მოსული-

ბის დროს მოსვლიათ წერაში უფრო დიდი შეცდომა, რვასი ათასის მაგიერ და ეწერიათ რვა ათასი.

ჩვენ უფრო გვჯერა მცირე რიცხვი 400,000, რადგან 800,000 ჯარის-კაცი ძალიან დიდი ძალა იყო მაშინდელის დროსთვის.

ერდა, ზაქარია მხარგძელმა უთრა: „მოციქული რომ არ ყოფილიყავ, სამართლიანი იყო პირველად ენის მოკვეთა შენი და შემდეგ თავისა“.

თამარმა წაიკითხა თუ არა ნუქარდინის წერილი, მაშინვე მოიწვია დიდებულები და გამართა ბჭობა. დიდებულებმა დაადგინეს, რომ ფიცელავ მოეხმოთ ლაშქარი და ომი გამოეცხადებინათ ნუქარდინის-თვის. რავდენსამე დღეს შეიკრიბა მთელის საქართველოს ლაშქარი ჯავახეთში ვარძიის მონასტერთან. ჯარს მოთავეობდა დავით სოსლანი. ვარძიითვინ ქართველები დაიძრენ ყარსისკენ. თამარიც წინ მიუძლოდა ქმართან ერთად. ყარსამდის ერთის დღის სავალი რომ დარჩა, თამარმა გააჩერა ჯარი და ნუქარდინთან გაისტუმრა მისი მოციქული, რომელსაც თავისიც თან გააყოლა წერილითურთ. თამარი ამ წერილით ატყობინებდა ნუქარდინს, რომ ის გზანის მასთან თავის მხედრობას არა მის თაყვანის საცემლად, არამედ საბრძოლელად. შემდეგ გამოეთხოვა ჯარს, დაბრუნდა სამცხეს და დადგა ოძრხეს, საღაც მას ახლდენ თევდორე კათოლიკოზი, ეპისკოპოზები და ივანე შავთელი.

ქართველები მივიდენ ბასიანს, საღაც ნუქარდინი თავის ჯარით დაბანაკებული იყო. მტრის ბანაკს ეჭირა უშველებელი ალაგი. დამყარებულს თავის მრავალის ჯარის ძალაზე ნუქარდინს არც-კი ჰყავდა დაყენებული ყარაულები, რომ ქართველების

მისვლისთვის ედევნებინა თვალ-ყური. ამიტომ ქართველები ისე მივიღენ ბანაკთან, რომ თურქებმა ვერა გაიგეს-რა. დავით სოსლანშა გააწყო ჯარი თავს დასასხმელად. წინამშრძოლებად, ჩვეულებისამებრ, დააყენა მესხები, რომელთაც წინამძღვრობდენ ამირ-სპასალარი ზაქარია მხარგძელი და ძმანი ახალ-ციხელნი შალვა და ივანე; მარჯვენა მხრით იმერნი, მარცხენა მხრივ ამერნი. ქართველებმა ააჩქარეს ცხენები და ისე გაემართენ ბანაკისაკენ. თურქებმა რომ დაინახეს ქართველების ასეთი გულდაგული თავდასხმა, შეეშინდათ და სიმაგრეებისაკენ გაეშურენ. ქართველები უმეტესის სისწრაფით მიეტიენ და გარს შემოერტყენ თურქებს. თურქები იძულებულები შეიქნენ ეომნათ. ომის დროს ივანე მხარგძელს, ზაქარია ვარამის ძეს მხარგძელს, გრიგოლ ასათიძეს, შალვა და ივანე ახალციხელებს და ბევრს სხვა დიდებულებს ცხენები დაეხოცათ და ქვეითად იბრძოდენ. მაშინ სხვა მათი ამხანაგებიც ჩამოხტენ და ქვეითად დაიწყეს ბრძოლა. მხოლოდ დავით სოსლანი და ზაქარია მხარგძელი ამირსპასალარი თავიანთ ცხენოსანს ჩაზმებით მოშორდენ მათ და მოუარეს მტერს,—დავით სოსლანშა მარცხენა მხრით, მხარგძელმა მარჯვენა მხრით,—მიეტიენ უცებ და დაუშინეს მედგრად. მტრის ჯარი შეირყა, იძლია ქართველთაგან და ზურგი შემოაჭცია მათ. ქართველები გაედევნენ გაქცეულებს, ხოცავდენ და ტყვედ

იჰერდენ. ქართველებს დარჩათ მთელი ბანაკი, სა-
დაც აუარებელი სიმდიდრე იყო: ოქრო, ვერცხლი,
თვალ-მარგალიტი და პირუტყვი საქონელი. თამარ
მეფე და დავით სოსლანი დიდის ამბით დაბრუნდენ
ტფილისს. მოქალაქეებმა ძლევა-მოსილის მეფისა და
ლაშქრის მისაღებად მშვენიერად მოკაზმეს ქალაქი.
ტფილისშივე ჩაასხეს დიდებული ტყველები და დიდის
ამბით გაატარეს ტფილისის ქუჩებზე ნუქარდინის
დროშა (1202 წ.).

1204 წელს ევროპიელმა ჯვაროსნებმა აიღეს
კონსტანტინოპოლი და დააარსეს ვიზანტიის ადგილს
ლათინთა იპერია. ამ ცვლილებით და არეულობით
ისარგებლა ვიზანტიის იმპერატორის ანდრონიკეს
შეილმა ალექსი კომნენოსმა, რომელიც, როგორც
თამარის ნათესავი, ცხოვრობდა საქართველოში.
იმან სოხოვა თამარს შემწეობა და ქართველის ჯა-
რის დახმადებით აიღო შავის ზღვის პირად მდებარე
ქალაქები და ქვეყნები: ლაზია (ჭანეთი), ტრაპიზო-
ნი, სამსონი, სინოპი, კერასუნდი, კიტორა, ამას-
ტია და ირაკლია, რომლებიც დამოუკიდებელ ტრა-
პიზონის იმპერიად გამოაცხადა, ხოლო თავის-თავი
იმპერატორად (1204 წ.).

დროთა გამავლობაში ქართველებს ხელითგან წა-
უვიდათ ყარსის ციხე, რომელიც ხლათის მფლობელს
ეკირა. ქართველები ბევრს ეცადენ მის დაბრუნებას,
რავდენჯერმე გაიღაშქრეს ხლათის ქვეყანაში, აიღეს

ბევრი ქალაქი და დაიჭირეს ყარსის ყველა მიდა-
მოები, მაგრამ თვით ყარსი-კი მისის მაგარის მდე-
ბარეობის გამო ვერ აიღეს ⁹). ბოლოს 1206 წ.
თამარმა კიდევ გაგზანა მის დასაცერად ჯარი და-
ვით სოსლანის წინამძღოლობით, თითონ ჯავახეთში
დადგა და იქითგან ელოდა ამბავს. ქართველებმა
ციხეს შეუკრეს წყალი და მით აიძულეს მცხოვრებ-
ლები დამორჩილებულიყვენ. შეწუხებულმა ყარსე-
ლებმა შემოუთვალეს თამარ მეფეს, რომ ისინი და-
მორჩილდებოდენ იმ პირობით, რომ ციხე სხვისთვის
კი არ მიეცა, არამედ თავისთვის სამეფოდ დაეტო-
ვებინა. თამარი დაპირდა ამ თხოვნის შესრულებას.
როდესაც ყარსელებმა ციხის კლიტე მიართვეს თა-
მარს, მან უბძანა თავის შვილს გიორგი ლაშას,
რომ თვითონ შესულიყო ციხეში და ჩაებარებინა ¹⁰).

VII.

დავით სოსლანის სიკედრლი.—ანის აღება და აკლება
არდებილის სულთნის მიერ.—არდებილის აღება და
აკლება ქართველების მიერ.

გამარჯვებათაგან გამოწვეული სიხარული და
ბედნიერება თამარისა ბოლოს დაარღვია მის ქმრის

⁹) არაბელთ და სპარსელთ მწერალია ცნობანი (მოამბე 1898 წ. № I, გვ. 21).

¹⁰) იბნალათირი შოუთხრობს, რომ შეწუხებულმა ციხის უფროსმა ყარსი დაუთმო ქართველებს მორიგებით და ქართ-

დავით სოსლანის სიკედილმა (1207) წ. *) თამარს დარჩა მისგან ორი შვილი — ქალ-ვაჟი: გიორგი ლაშა თხუთმეტის წლისა და რუსულან თოთხმეტის წლისა. ამავე წელს თამარმა, თავის მამის მაგალითით, გიორგი ლაშა აკურთხებინა მეუედ და თანაზიარი გაიხადა მეფობაში.

1208 წ. არდებილის სულთანი მოულოდნელად დაეცა ანის ქალაქს და გააოხრა. ამ დროს თამარ მეუე გეგუთში იყო. არდებილის სულთანმა ანის აოხრებისთვის აირჩია აღდგომა დღე. დიდის სიფრთხილით წამოვიდა, გზაში არავის დაუშავა-რა და მიადგა ანს დიდს შაბათს, აღდგომის ძალზე. ანელები სრულებით არ ელოდენ მტრებს და გართულნი იყვენ მზადებაში აღდგომის დღესასწაულის შესახვედრიდ. მთაწია ცისკრის დრომაც და ზარების რევა ასტყდა. ხალხშა იწყო დენა საყდრებში. ამ დროს გააღეს ქალაქის კარებიც. სპარსელები დაუბრკოლებლად შეესიენ ქალაქს და იწყეს მცხოვრებლების ელეტა. უცებ მოედო მთელს ქალაქს

ველთაგან საშაგიეროდ დიდი უული მიიღოვო (იხ. არაბელთ და სპარსელთ მწერალთა ცნობანი ექვე გვ. 25).

*) სომებთა და მუსულმანთა ზოგიერთი მწერლები და ზოგიერთი ქართული წყაროებიც თამარ მეფის სიკედილს ამ წელს უჩვენებენ. ეს შეცდე მა წარმოსდგება იქითგან, რომ თამარ-ც და დავითიც მეუედ იწოდებოდენ და ერთის სიკედილი მეორის სიკედილად მიულიათ.

მტრების შემოსევის ამბავი. ხალხი მეტის-მეტად შე-
შინდა. ზარ-დაცემულები იმაღლებოდენ, საცა-კი შეე-
ძლოთ: საყდრებში, სახლებში და მღვიმეებში. მტრე-
ბი შეუბრალებლად დაერიენ და უწყალოდ ამოხო-
ცეს, ვინც-კი ნახეს. მარტო საყდრებში 12,000
კაცი დახოცეს. ალაფით დატვირთული მტერი წა-
ვიდა უკანვე.

ეს საზარელი ამბავი თამარმა გაიგო გეგუთში
კვირაცხოვლობა დღეს. გამოუთქმელი იყო მწუხა-
რება თამარისა და დიდებულებისა. თამარმა მაშინვე
გამართა რჩევა იმის შესახებ, თუ რა ექნათ. ყველა
დიდებულები იმ აზრისა იყვენ, რომ ამხედრებუ-
ლიყვენ არდებილის სულთანზე შურის საძიებლად.
ამირსპასალარის ზაქარია მხარგდელის რჩევით შურის-
ძიების დროდ არჩეულ იქნა ისეთივე დღე, როგო-
რიც სულთანმა შეარჩია ანის ასაოხრებლად—მუ-
სულმანთა მომავალი მარხვა. თამარმა გასცა ბძანე-
ბა, რომ დანიშნულის დროსთვის შეკრებილიყო
ლაშქარი ანში; ხოლო ამირ-სპასალარი მაშინვე წა-
ვიდა ანს მცირეოდენის ჯარით, ვითომ და სპარსთა
გასაძევად, რომელნიც დარჩენილიყვენ. დანიშნულის
ვაღისათვის თავი მოიყარა ანში მესხეთის, თორის,
ჯახეთის და სომხეთის ლაშქარმა. ამირ-სპასალარის
ზაქარია მხარგდელის წინამძღოლობით ამ ჯარმა გა-
დაიარა გელაქუნი, ჩინარა ისპიანი, გავიდა არაქსზე
და მიმართა არდებილს. ქართველები მიადგენ არ-

დებილს იმ დროს, როდესაც თენდებოდა მუსულ-მანთა დღესასწაული—აიდი, ე. ი., მთვარის აღვარება. არდებილელებმა სრულებით ვერ შეიტყვეს ქართველების მისვლა. როდესაც დილით მუყრებმა *) იწყეს ყივილი, ქართველები მიესიენ ყოველის მხრით და აიღეს ქალაქი. ქართველებმა ახლა ისე-თივე დღე დააყენეს არდებილელებს, რაც არდებილის სულთანმა ანის ქალაქს: დახოცეს მრავალი ხალხი მეჩეთებში, მათ შორის თვით სულთანიც, დაატყვევეს აგრეთვე მრავალნი, მათ შორის თვით სულთანის ცოლ-შვილიც, აიღეს უთვალავი ალაფი: ოქრო, ვერცხლი, თვალ-მარგალიტი და საქონელი და გამარჯვებულნი დაბრუნდენ. ზაქარია და ივანე მხარგძელები ნაშოვნის ალაფით მივიდენ თა-მართან, რომელიც იმ დროს კოლაში იყო (1209 წელს).

VIII.

ქართველების გალაშქრება სპარსეთში.

არდებილზე გალაშქრების დროს დაინახეს ქართველმა მხედართ-მთავრებმა, თუ რა სუსტი იყო სპარსეთი. ამიტომ იმათ აეძრათ სურვილი ამ ქვეყანაზე ამხედრებისა. მატიანის თქმით, ამირ-სპასა-

*) მუყრი — მოლა, რომელიც მინარეთითგან იწვევს ხალხს სალოცავად.

ლარმა ზაქარია მხარგძელმა, მისმა ძმამ ივანემ და ბიძაშვილმა მათმა ვარამ გაგელმა მოახსენეს თამარს: „ძლიერო ხელმწიფეო და შარვანდედთა შორის უმეტეს აღმობრწყინვებულო, იხილე და განიცადე სამეფო ოქვენი და სცან სიმხნე და სიქველე სპათა შენთა. გულისხმა ჰყავ, რამეთუ მრავალნი ახოვანნი, მხნენი და ქველნი იპოვებიან სპათა შენთა შორის და არავინ არის წინაამდგომი მათი. აწ ბძანოს მეფობამან თქვენმან, რათა არა ცუდად ვაუქმოთ სპანი თქვენნი და დავიწყებასა მიეცეს სიმხნე მათი, არამედ აღვამხედროთ ერაყს რომევარსა ზედა, რომელ არს ხვარასანი, რათა სცნან ყოველთა სპათა აღმოსავლისათა ძალი და სიმხნე ჩვენი“. ამ წინადადების განსახილველად თამარმა შეკრიბა დიდებულები, იმათაც მოიწონეს მხარგძელების რჩევა და გადაწყვიტეს გაელაშქრათ ხვარასანზედ (1210 წ.). ღვინობისთვეში ტფილისში შეიყარო ლაშქარი, რომელიც თამარმა დაათვალიერა, დალოცა და გაისტუმრა სპარსეთისკენ. ქართველებმა გაიარეს ნახიჩევანზე, გადავიდენ არაქსზე და შევიდენ დარდარუზის ვიწრო ხეობაში. პირველი ქალაქი, რომელიც აიღეს, იყო მარანდი. მცხოვრებლებმა ქართველების მოახლოებაზედ დასტოვეს ქალაქი და გაიქცენ მთებში. ქართველებს ეგონათ, რომ ადარბადაგანის ჯარი მარანდის მთაზედ იქნებოდა. ამის გასაგებად ზაქარია მხარგძელმა — ამირ-სპასალარმა გაგზანა ხუ-

თასი რჩეული მხედარი, დიდებული და აზნაური, თაყიადინ თმოგველის წინამძლოლობით და დააბარა, რომ არ შებმოდენ მტერს, ვიდრე მას არ აკნობებდენ გარემოებას და შესაფერს ბძანებას არ მიიღებდენ. ქართველთა რაზმი ავიდა მარანდის მთაწედ და გადავიდა ვაკეზედ. გაქცეულმა მარანდელებმა რომ შენიშვნეს ქართველების ისე მცირე რიცხვი, გამოვიდენ კლდეებითგან და შეებრძოლენ მათ. ქართველები მედგრად დაუხვდენ მარანდელებს, დაამარცხს და გააქციეს. გაქცეულებს თან დაედევნენ. როდესაც ქართველთა უმთავრესი ლაშქარი ავიდა მარანდის მთა-ვაკეზედ, გაოცებულნი დარჩენ ქართველთ მხედართ-მთავრები. იმათ იქ დაინახეს ნაომარი, სადაც ეყარენ მარანდელები და მათი ცხენები, ხოლო ქართველები აღარსად ჩანდენ. მატიანის თქმით, „ხუთასი შუბი ხუთასსა კაცსა და ცხენსა ზედა ესვა“. ქართველების უპოვნელობამ შეაწუხა ამირ-სპასალარი ზაქარია მხარგძელი, რომელსაც ვერ წამოედგინა, თუ რა დაემართა მათ. მაგრამ პატარა ხანს უკან გამოჩნდენ ის ხუთასი ქართველიც და შეატყობინეს, როგორც იყო საქმე. ზაქარია მხარგძელისათვის სასიხარულო იყო ქართველების გამარჯვება და უცნებლად გადარჩენა მათი, რადგან, მატიანის თქმით. „არცა ერთი კაცი ქართველი მომკვდარიყო“, მაგრამ საყვედლური მაინც უთხრა თაყიადინ თმოგველს ბძანების შეუსრულებლობისთვის.

მარანდითგან ქართველები გაემართენ თავრიზისკენ. თავრიზელებმა ამირ-სპასალარს გამოუგზანეს მოციქულები, გამოუცხადეს მორჩილება და დაპირდენ დიდს ძლვენს და ხარაჯას. ზაქარია მხარეგძელმა ამ პირობით დაიჭირა ქალაქი, შიგ დააყენა ქართველი მცველები, მიიღო დიდი ძლვენი და განაგრძო ლაშქრობა. როდესაც ქართველი ჯარი მიუახლოვდა მანას ქალაქს, აქაურმა მელიქმაც თავრიზელების მაგალითით მორჩილება გამოუცხადა ამირ-სპასალარს და უძლვნა დიდი ძლვენი. ამირ-სპასალარმა იქაც დასტოვა მცველი ჯარი და განაგრძო გზა. პირველი ქალაქი, რომელმაც ქართველებს ურჩობა გაუწია, იყო ზანგანი. ქართველები შემოადგენ გარს ამ მცირე ქალაქს და იწყეს თხრა მის ალიზის ზღუდეებისა. ამ ქალაქის ალებისა და აკლების შემდეგ ქართველები გაემართენ ხვარასნისკენ. ყაზმინის მცხოვრებლებმა ვერ გაბედეს გამაგრება, გაიპარენ და გაიქცენ. ქალაქი დარჩათ ქართველებს. მას უკან ქართველებმა დაიპყრეს ხორასნის ქალაქი რომვარი და შემდეგ გურგანი. აქეთგან აპირებდენ კიდევ ლაშქრობის გაფრძობას, მაგრამ ნაშოვნი ალაფი და სიმდიდრე ლაშქრისა ისე დიდი იყო, რომ მათი თან ტარება გაძნელდა. ამიტომ ქართველებმა იკმარეს ლაშქრობა და გამობრუნდენ უკან.

როდესაც ქართველები ძლევა-შემოსილნი დაირებოდენ ხორასანში, მანას ქალაქში ვილამაც გაა-

ვრცელა ხმა, რომ ქართველები ამოუწყვეტიათ ხორასანში ისე, რომ ერთი კაციც არ გადარჩენილია. ქალაქის მელიქმა დაიჯერა ეს ჭორი და შემდევი მხეცობა ჩაიდინა დატოვებულს ქალაქის მცველებზე: დაახოცინა ისინი და ძელზე ჩამოაკიდებინა. მაგრამ მანელებმა მალე შეიტყეს, რომ ტყუილი იყო ხმა ქართველების გაწყვეტის შესახებ, რაღაც ცოტა ხნის შემდევ ქართველთა ძლევა-მოსილი ჯარი მივიდა ისევ მანას. მელიქი წინ მიეგება ქართველებს დიდის ძლივნით. როდესაც ზაქარია ამირ-სპასალარმა იკითხა თუ სად იყვენ მისგან დატოვებული ქართველი მცველები, მელიქმა იცრუვა და უთხრა, რომ ისინი თავრიზს წავიდენო. მაგრამ ამ დროს საითგანლაც გაჩნდა ერთი იმ მცველთაგანი, რომელიც კლდეში დამალული გადარჩენილიყო მუსერას და ყველაფერი მოახსენა ამირ-სპასალარს. გაბრაზებულმა ზაქარია მხარგძელმა საშინელი ჯავრი იყარა მოლალატეებზე. მელიქი, მისი ცოლ-შვილი და ნათესავები იქვე დაახოცინა. თვით მელიქს და მის შვილებს ტყავები დააძრობინა და ძელზედ (ბოძზედ) ჩამოაკიდებინა, ქალაქი მოაოხრა, მოწვა და ტყვე ჰყო. მანითგან ქართველები წამოვიდენ იმავე გზით, რომლითაც გამოიარეს. ყველგან წინ უხვდებოდენ მორჩილებით და ოუარებელის ძლენით. ამნაირის გამარჯვებით მოვიდენ ტფილისს, სადაც თამარ მეფე მიეგება გამარჯვებულს ლაშქარს. ქალაქმაც დიდის

ამბით იდლესასწაულა გამარჯვებულის ლაშქრის დაბრუნება. იყო განუწყვეტელი ხმა ბუკთა და დუმბულთა. თამარ მეფე შევიდა თავის სასახლეში და დაჯდა ტახტზედ. პირველად შევიდა მასთან ამირ-სპასალარი, მას მიჰყვენ სხვა წარჩინებულნი და დასხდენ რიგზე წესისამებრ. მერმე შემოიტანეს და დააწყეს მეფის წინაშე ის აუარებელი განძნი, რომელიც იშვევს ქართველებმა ლაშქრობის დროს. გაუკვირდა ისეთი სიმრავლე განძთა თვით თამარსაც, რომელსაც თავის სიცოცხლეში ბევრი სხვა მდიდარი და მრავალი ნაალაფევი ენახა.

IX.

სიკედილი ამირ-სპასალარის ზაქარია მხარგძელისა.—

მხარგძელების გვარი—იგანე მხარგძელის გაათაბაგება.—

დოდოების და ფხოველე ის დამშვიდება:

ბოლოს გადაიცვალა (1212^{*)}) თვით უმთავრესი გმირი როგორც ამ უკანასკნელის ლაშქრობისა, ისე ბევრის სხვისა—ამირ-სპასალარი ზაქარია მხარგძელი. შესანიშნავია თამარის დროს მხარგძელების გვარი. ზაქარიას გარდა თამარის მეფობაში ბრწყინვავდენ კიდევ თავიანთ მხედართ-მთავრულის ნიჭით, ვაჟკაცობით და სამსახურის ერთგულობით პირვე-

^{*)} ვარდანი (Additions, pp. 275, 288); სტეფანოზ ორბელიანი (Histoire de la Siounie, p. 225).

ლად მამა მისი სარგისი, მერმე ძმა ივანე, შემდეგ
 ბიძაშვილები მისი ზაქარია და სარგის ვარამის ძენი
 და შვილნი უკანასკნელებისა: ვარამ გაგელი ზაქა-
 რიას ძე და თაყიადინ თმოგველი სარგისის ძე. თი-
 თქმის ყოველს ლაშქრობაში მხარგძელები იღებდენ
 მონაწილეობას და თავსაც იჩენდენ. ამის გამო თა-
 თამარ მეფე აჯილდოვებდა და აწინაურებდა მათ.
 ჯერ სარგისსა და მერე მის შვილს ზაქარიას მისცა
 უდიდესი თანამდებობა მთელს სამეფოში—ამირ-სპა-
 სალარობა და ლორის სამთავრო; ივანეს—მსახურთ-
 უხუცესობა და ქვეყნები კაენისა და კაიშონისა ქა-
 ლაქებითურთ; ზაქარია ვარამის ძეს გაგის ქვეყანა
 და მის ძმის სარგისს თმოგვი. ეს უკანასკნელი შე-
 სანიშნავი იყო აგრეთვე როგორც მწერალი, რო-
 მელსაც აკუთნებენ „ვისრამიანის“ გადმოქართულე-
 ბას. მხარგძელები მომდინარეობდენ ერთის ქურთი-
 საგან, რომელმაც, სასომხეთის მეფის სამსახურში
 შესულმა, მიიღო გრიგორიანთა სარწმუნოება და
 დაიკავა შესამჩნევი აღგილი სამეფოში. *) მეთორ-
 მეტე საუკუნეში მხარგძელები შევიდენ საქართვე-
 ლოს მეფის სამსახურში და თავის ერთგულობით და
 ვაჟკაცობით შესამჩნევი აღგილი დაიჭირეს, ასე რომ
 თამარის მეფობაში უკელახე წარჩინებული და გაფ-
 ლენიანი გვარი იყო მხარგძელების გვარი. ზაქარია

*) ვარდანი (Additions, pp. 267, 268).

და ივანე სარგისისის ძენი თავიანთ პირადის სამსახურის გარდა შესანიშნავნი არიან აგრეთვე მეცადინეობით ქართველებისა და სომხების მოსარიგებლად და დასაახლოვებლად სარწმუნოებრივ. ივანემ პირდაპირ მიიღო მართლ-მადიდებლობა, ხოლო ზაქარიაკი ცდილობდა, რომ მთელს სომხის ერს შეეცვალა ზოგირთი საეკლესიო წესი და რიგი, რომლებიც ერთმანერთს აშორებდენ ამ ორს ერს. ამ აზრით იმან მიმართა სასომხეთის პატრიარქს და მეფე ლეონს, რომელთაც მოახდინეს კრება ამ საგნის გადასაწყვეტად (1205 წ.). კრებამ, თანახმად ზაქარიას სურვილისა, გადაწყვიტა, რომ სომხებს მიეღოთ სენებული ცვლილებანი, მაგრამ ამ კრების გადაწყვეტილებას წინაამდევგობა გაუწიეს ზოგიერთმა საქართველოს სამფლობელოში მცხოვრებმა ეპისკოპოზებმა. ბევრს ეცადა ზაქარია, რომ ისინი დაეთანხმებინა, მაგრამ მისი მეცადინეობა უნაყოფოდ დარჩა^{*)}. მხარგდელების სურვილი სომხებისა და ქართველების შეერთებისა წამოსდგებოდა ნამდვილის სიყვარულისა და ერთგულობისაგან ორისავე ერისა. ისინი ხედავდენ, რომ ამ ორის ერის სარწმუნოებრივი გასხვავება არ იყო სასარგებლო არც ერთისთვის, ხოლო ერთობა-კი ძლიერ სასარგებლო იქნებოდა საზოგადო მტრების მოსაგერებლად.

^{*)} Additions, pp. 283—287.

ზაქარია ამირ-სპასალარის სიკვდილის შემდეგ თამარ მეფემ მისი თანამდებობა უბოძა მის ძმის ივანეს, მაგრამ მან სთხოვა მეფეს, რომ მისთვის არ ეწოდებინა ამირ-სპასალარი, რაღაც ლირსად არ სთვლიდა თავის თავს ძმის მოადგილედ. ამირ-სპასალარობის მაგიერ ივანემ სთხოვა თამარს, რომ მისთვის მიენიჭებინა ათაბაგის სახელი. ათაბაგობა არ იყო საქართველოში მიღებული და მხოლოდ თურქების სულთნებს ჰქონდათ ჩვეულებად, რომ მათ შვილების ამზრდელებს ათაბაგად იხსენიებდენ. რაღაც ივანე იყო ამზრდელი გიორგი ლაშასი, ამირობ სთხოვა ათაბაგად წოდება. თამარმა შეიწყნარა მისი თხოვნა და უწოდა ათაბაგი. მისი უწინდელი თანამდებობა-კი — მსახურთ-უხუცესობა უბოძა მის ბიძაშვილს ვარამ გაგელს.

თუ რაოდენად დიდი ადგილი ექირა საქართველოში და დიდი გავლენა ჰქონდა ივანე მხარეგელს იქითგან ჩანს, რომ მუსულმანი მწერლები მას უწიდებენ მეფეს. ისინი მოიხსენებენ ბევრს ისეთს მის ლაშქრობას მუსულმანთა სამფლობელოში, რომელთა შესახებ ჩვენი მატიანე არას ამბობს. ერთის ამის-თანა ლაშქრობის დროს 1211 წ. ხლათის ქვეყანაში, ივანე შემთხვევით ტყვედ ჩაუვარდა მტრებს და გაათავისუფლეს მხოლოდ მაშინ, როცა ის დაპირდა ტყვეების გათავისუფლებას, დიდის სასყიდლის

მიცემას და თავის ქალის თამთას მითხოვებას ხლა-
თის მფლობელის ობიექტის თვის *).

იმ დროს, როდესაც ქართველები ლაშქრობდენ
სპარსეთში და თრგუნავდენ გარეშე მტრებს, თვით
თამარის ქვეშევრდომმა დიდოებმა და ფხოველებმა
ხელი მიჰყეს რბევას, ხოცვას და ტყვევნას მახლო-
ბელის მაზრებისას. ფხოველები და დიდოები მეტის
მეტად გაუვითარებელი და მოუხეშავი ხალხი იყვენ,
მეტადრე დიდოელები. ფხოველები სახელით მაინც
იყვენ ქრისტიანები, დიდოები-კი მისდევდენ წარ-
მართობას და უმსგავსს ჩვეულებას: თაყვანს სკემ-
დენ უჩინარს ავს სულს და ცხოველებს, მაგ., უნი-
შნო შავს ძალლს. ძმებს იმათში ერთი დედაკაცი
ჰყავდათ ცოლად. სპამდენ უხარშავს ხორცს და დამ-
ხრჩვალს საქონელსა. ამ ხალხების დაწყნარება თა-
მარმა ათაბაგს მიანდო. ათაბაგმაც შეჰყარა ისევ
მთის ხალხი: დვალები, ცხრაძმელები, მოხევეები,
ხადელები, ცხავადელები, ჭართალელები და ერწო-
თიანელები. ამ ლაშქრით ავიდა ხადის მთაზე, გა-
დაიარა მთა-მთა და მივიდა დიდოეთისა და ფხოვ-
თის მთაზედ. მთის მეორე მხარეს მცხოვრებმა დურ-
ძუკებმა რომ გაიგეს ათაბაგის მისვლა, მივიდენ მას-
თან და დაპირდენ შეელას. ათაბაგმა იწყო ფხოვ-

*) არაბელთ და სპარსელთ მწერალთა ცნობანი („მოამ-
ბე“ 1898 წ. № I. გვ. 28 და 29); Additions, p. 271.

თის და დიდოეთის რბევა. იქ დარჩა სამს თვეს: ივნისს, ივლისს და აგვისტოს. ფხოელები და დიდოელები იძულებულნი იყვენ დამორჩილებოდენ ათაბაგს და დაწყნარებულიყვენ (1212 წ.).


X.

თამარ მეფის სიკვდილი.—მის მეფობის ვითარება.

1213 წელს თამარ მეფეს, ნაჭარმაგევში ყოფნის დროს, მატიანის თქმით, რაღაც სნეულება გამოაჩინდა. ბევრს ეცადენ მკურნალები მის მორჩენას, დაუძლეურებული სნეულებისგან პაერის გამოსაცვლელად რავდენჯერმე გადაიყვანეს ერთის საზაფხულო ადგილითგან მეორეზედ, მაგრამ ვერას გახდენ და რავდენისამე ხნის ავადმყოფობის შემდეგ თამარ მეფე გადაიცვალა. დიდად სამწუხაროდ დარჩა მოელს ერს თავის საყვარელის მეფის სიკვდილი. მისი გვამი რავდენსამე დღეს დაასვენეს მცხეთის ტაძარში. და შემდეგ წაასვენეს გელათში და დამარხეს სამეფო სამარხში, სადაც განისვენებდენ მისნი მამა-პაპანი.

არც ერთი მეფე ქართველს ერს ისე არ ახსოვს როგორც თამარი. ხალხს ის მიაჩინია მეტის-მეტად ჰქვიანს, მშვენიერს და გულკეთილს აღამიანად. ერთის სიტყვით, ხალხის თვალში თამარი მოჩანს სანატრელს მეფედ. არ არის არც ერთი კუთხე საქართვე:

ლოსი, სადაც თამარ მეფე არ ახსოვდეთ და არ მოუთხობდენ მაზე სხვა-და-სხვა ამბებს. ბევრგან ელიან მის მეორედ აღდგენას და გამეტებას. ცხა-დია, ასეთი ხსოვნა რომ დაეტოვებინა, თამარი უნ-




კაბენის ეკლესია.

და ნამდვილად შესამჩნევი ყოფილობა. თამარი რომ ძლიერ ლამაზი და მშვენიერი იყო, ამას მოწმობენ მემატიანენი და მის დროის პოეტები. სილამაზეს-

თან ის იყო მეტად კეთილის გულის ადამიანი. მას უყვარდა ბედისაგან დაჩაგრულები — გლახები და ობლები, რომელთაც უხვად აძლევდა მოწყალებას; ებრალებოდა ყოველი ადამიანი, რის გამოც მას თავის მეფობაში ერთხელაც არავინ დაუსჯია სიკვდილით და მუდამ მზად იყო მიეტევებინა დანაშაული. როგორც მხურვალე ქრისტიანი, აქცევდა უმთავრესს ყურადღებას საყდარ-მონასტრების შენებას, *) შეკეთებას და სამღვდელოების მფარველობას. სწირავდა არა მარტო საქართველოს საყდრებს, არა-მედ უცხო ქვეყნებისასაც. ბლომად მიღიოდა მისი შესაწირავი იერუსალიმს, სინაზე, ათონზე, შეს მთაზე, სირიაში და სხვაგან, სადაც-კი შესანიშნავი მონასტრები იყო. მატიანის თქმით, თამარის შეწირულობათა სიუხვით ისე მოიხიბლა საბერძნეთის იმპერატორი ალექსი III ანგელოზი, რომ ერთხელ კიდეც გაძარცვა კოსტანტინოპოლიში ბერები, რომელთაც თამარისაგან შენაწირევი განძი მიჰქონდათ. ხარბის იმპერატორის შესარცხვენად თამარმა იმავე ბერებს უფრო მეტი განძი აჩუქა ამის შემდეგ. თამარის საყდრების მფარველობის ბრალია, რომ ახლა ხალხი, საცა-კი ძველი ნაშენი საყდარია, მის აუ-ნებას თამარს მიაწერს.

*) სხვათა შორის თამარის აშენებულია ბეთანიის და კაბენის ეკლესიები და გათავებულია გიორგი მეფისგან დაწყებული ვარძიის მონასტერი.

სამეცნის მართვაში თამარმა ოშკარად გამოიჩინა სიბრძნე მით, რომ ხელისუფლებად და მხედართ-მთავრებად ირჩევდა ღირსეულს პირებს. ამ სიბრძნე-სთან გამოიჩინა აგრეთვე ვაჟკაცური სიმხნე გაჭირ-



ბერინის ეკლესია.

ვებულს მდგომარეობაში მტრებთან ბრძოლის დროს. ის არას დროს არა ჰყარგვდა სასოფტას და მოიმედე ლცონისა და თავის ხალხის ვაჟკაცურბისა, ცუილებდა



შოთა რუსთაველი.

ლაშქარს მტერთან საბრძოლელად. ქართველებიც,
ალტაცებულნი თამარის მხნეობით და თავმომწონენი
ნიჭიერის წინამძღვრებით, იბრძოდენ თავდადებით

და იმარჯვებდენ მტრებზე. ამ გარემოებათა შემცირებით საქართველომ თამარის მეფობაში მიაწია მძღავრობის უმაღლესს ხარისხამდე. პოლიტიკურს სიძლიერესთან საქართველო თამარის დროს ნივთიერადაც მეტის-მეტად გაღონიერდა და გონიებრივადაც დაწინაურდა. მთელის მეთორმეტე საუკუნის გამავლობაში მონაგროვებს სიმდიდრეს იმდენივე დაემატა თამარის დროს. მაშინ ამობრწყინდენ ქართულის მწერლობის უკეთესნი წამომადგენელნი შოთა რუსთაველი და ჩახრუხაძე, რომელნიც გატაცებით აქებენ მის ადამიანობას, გონივრობას და სილამაზეს. თამარმა თავის ბრწყინვალე მეფობით დაავიწყა ერს მისი მართლაც რომ შესანიშნავი წინაშედელი მეფეები და, რადგან, საუბედუროდ, თამარის შემდეგ საქართველო აღარ შესწრებია ამისთანა დროს, ამიტომ დარჩა მარტოდ-მარტო მოკაშვაშე მეფედ ქართველის ერის მეხსიერებაში.

საქართველოს ეკულესიამ, რომელსაც თამარმა დიდი ღვაწლი დასდო თავის მფარველობით, იგი ჩარიცხა წმინდათა შორის არა მარტო ამ მფარველობისათვის, არამედ მის წმინდა ცხოვრებისათვისაც და დღესასწაულობს მის ხსოვნას 1 მაისს. თამარის თანამედროვე ქართველთათვის არ იყო საქმიანისი მისი წმიდათა შორის ჩარიცხვა. იგინი უფრო მაღალი დოკუმენტია.

ლა აყენებენ თამარს და სთვლიდენ ღვთისა სწორად, როგორც ეს მოხსენებულია ზოგიერთს დოკუმენტებში და წარწერებში *).



*) იხ. ქრონიკები თ. ეროვნულიასი, ტ. II, გვ. 81, და ბაქრაძის შენიშვნა ვახუშტის საქართველოს ისტორიაში, გვ. 217, სადაც მოყვანილია გუჯრები, რომლებშიც „თამარი წოდებულია „ღვთისა სწორად“. ბ-ნ ექ. თაყაიშვილს და არ. ქუთათელაძეს თავიანთ არქეოლოგიურის მოგზაურობის დროს უნახავთ გომარეთის ახლოს ერთს პატარა ეკლესიაზე წარწერა: „თამარ ღვთისა სწორის სამლოცველო“.

ს ა რ ჩ ე ვ ი.

ზ ე ს ა ვ ა ლ ი.

83.

I. საქართველოს პოლიტიკური მდგომარეობა.—მისი საზღვრები.—ქართველები და მათი მეზობ- ლები	8
II. საქართველოს სოციალი წესწყობილება	6
III. სამოქალაქო და სამხედრო წესწყობილება	11
IV. სამღვდელოება, საეკლესიო წესწყობილება, საეკ- ლესიო კრებანი	16
V. გონიების გავითარება.—მწერლობა.—მონასტრების ლვაწლი საქართველოში და უცხოეთში.—არა- ბების და სპარსელების გავლენა	18
VII. ეკონომიკური მდგომარეობა.	21

დავით აღმაშენებელი.

I. საქართველოს მდგომარეობა დავით აღმაშენებელის გამეფების წინ.	24
II. საქართველო დავითის გამეფების წამს.—ზრუნვა მის მოშენებისათვის.—შეპყრობა და გადევნა ლიპარიტ თრბელიანისა. — პოლიტიკური ცვლილება აზიაში და მისი შედეგი	30
III. კახეთის შემოერთება დავითის მიერ.—რატი თრ- ბელიანის სიკვდილი და მისი მამულის დაპე- რა მეფისგან	34
IV. საეკლესიო კრება და მისგან დაწერილი ძეგლი .	36
V. სამშენებლის აღება.—თრიალეთშე თურქების დამარ- ცება.—გიორგი მეფის სიკვდილი.—რუსთავის	

ალება.—ტაოში თურქების დამარცხება.—გი- შის დაჭრა და გრიგოლიძეების შეპყრობა.— დიმიტრის გალაშქრება შირვანში.—მეფის გა- ლაშქრება არაქსის ნაპირებზე.—ლორის და აფარანის ალება	42
VI. ყივჩაყების გადმოყვანა.	47
VII. ლაშქრობანი 1120 და 1121 წლებისა	50
VIII. ალება ტფილისისა.—გალაშქრება შირვანში ორ- ჯერ.—ალება დამანისისა.—გალაშქრება დარუ- ბანდზე,—ალება სასომხეთის ციხეებისა.— ალება ანისა.—გალაშქრება შირვანში.—ყივ- ჩაყების მოწყობა	56
IX. დავით მეფის მოღვაწეობა.	63
X. დავით მეფის ოჯახი.—დიმიტრის მეფედ გამოცხა- დება.—დავითის ანდერძი	71
დიმიტრი I და დავით III.	
I. ბრძოლა მტრებთან.	74
II. შინაური არეულობა	79
III. დავითი III-ის მეფობა.	82
მეურ გიორგი III.	
I. ლაშქრობანი და ბრძოლანი.	84
II. შინაური არეულობა	93
III. საეკლესიო კრება.—თამარის სამეფოდ დანიშვნა.— ყაჩალობის გავრცელება და მისი მოსპობა.— ბუდუხან დედოფლის და გიორგი მეფის სიკვ- დილი.	98
თ ა მ ა რ მ ე ც მ.	
I. დიდებულთა ამბოხება და მათი დაწყნარება.—საეკ- ლესიო კრება.—შემოსევა და გადევნა მტრე- ბისა თამარის მეფობის პირველს წლებში . .	102

III

- | | |
|-------|--|
| II. | თამარის დაქორწინება გიორგი რუსზე.—ყივჩაყების საშსასური საქართველოში.—გიორგი რუსის ლაშქრობანი.—გიორგის ცუდის ქცევის გამოჩენა და მისი გადევნა საქართველოთვან 106 |
| III. | თამარის ახალი საქმროები.—მისი მეორედ დაქორწინება დავით სოსლანზე. 112 |
| IV. | გიორგი რუსის პირველი შემოსევა საქართველოში და ერისთავების ლალატი.—მათი დამარცხება და გიორგის ხელმეორედ გადევნა . . 115 |
| V. | დავით სოსლანის პირველი ლაშქრობანი.—გიორგი რუსის ხელმეორედ შემოსევა და გადევნა.—შანქორის ომი და განჯის აღება.—ამ ქალაქის ხელახლად დაჭრა ამირ-ბუბაქრისაგან და ხელმეორედ აღება მისი ქართველთაგან.—თურქების შემოსევა არტანში 119 |
| VI. | ყარსის დაჭრა.—ომი იყონის სულთან ნუქარიდინთან და მისი დამარცხება.—ტრაპიშონის იმპერიის დაარსება.—ყარსის დაკარგვა და ხელმეორედ აღება 130 |
| VII. | დავით სოსლანის სიკვდილი.—ანის აღება და აკლება არდებილის სულთნის მიერ.—არდებილის აღება და აკლება ქართველების მიერ . 136 |
| VIII. | ქართველების გალაშქრება სპარსეთში. 139 |
| IX. | სიკვდილი ამირ-სპასალარის ზაქარია მხარგელისა.—მხარგელების გვარი.—ივანე მხარგელის გაათაბაგება.—დიდოების და ფხოველების დამშვიდება. 144 |
| X. | თამარ მეფის სიკვდილი.—მის მეფობის ეითარება 149 |

7 197/1

କ୍ରମିକ	ଶ୍ରୀମତୀ	ଅର୍ଥ	ଖାଲି
୨୯	୫ ଶ୍ରୀ.	ତୁରନ୍ତକ୍ଷେତ୍ରରେ	ତୁରନ୍ତକ୍ଷେତ୍ରରେ
୩୧	୨ ଶ୍ରୀମତୀ	ଶ୍ରୀମତୀରୁଲ୍ଲା	ଶ୍ରୀମତୀରୁଲ୍ଲା
୬୮	୮ ଶ୍ରୀ	ବୈଦ୍ୟତିକ	ବୈଦ୍ୟତିକ
୮୧	୨ ଶ୍ରୀମତୀ	ଚାଲିଲା	ଚାଲିଲା,
୯୦	୧୦	ଅଭିନ୍ନ	ଅଭିନ୍ନ
୧୦୫	୧୧	ପ୍ରଶର୍ଣ୍ଣ	ପ୍ରଶର୍ଣ୍ଣ
୧୧୨	୧୦ ଶ୍ରୀମତୀ	ପାଦାଶ୍ରୀପାଦି	ପାଦାଶ୍ରୀପାଦି,
୧୨୬	୧୧	ଅନ୍ତର୍ଭୂତ	ଅନ୍ତର୍ଭୂତ
୧୨୮	୮ ଶ୍ରୀମତୀ	ଶ୍ରୀଗର୍ଭପାଦ	ଶ୍ରୀଗର୍ଭପାଦ
୧୨୯	୧ ଶ୍ରୀ	ଚାଲୁଛନ୍ତି	ଚାଲୁଛନ୍ତି
"	୨ ଶ୍ରୀମତୀ	ତୁରନ୍ତକ୍ଷେତ୍ର	ତୁରନ୍ତକ୍ଷେତ୍ର
୧୩୩	୧ ଶ୍ରୀ	ଶ୍ରୀରାମ	ଶ୍ରୀରାମ
୧୩୪	୬ ଶ୍ରୀମତୀ	ପ୍ରେକ୍ଷିତ	ପ୍ରେକ୍ଷିତ
୧୩୫	୧୨ ଶ୍ରୀମତୀ	ପରେରିବ	ପରେରିବ
"	୧୦ ଶ୍ରୀମତୀ	ଦୂରକାନ୍ତରେ	ଦୂରକାନ୍ତରେ

ამ წიგნის სურათებისათვის ექვემდებარებული კლიმატური გარეობრივი კ-შ. წერა-კითხვის გამაცემულებელის საზოგადოების გამგეობამ, ხოლო ერთი—ბერძნის ეკლესიისა—ბ-ნმა არ. ქუთათელაძე, რისთვისაც მათ ვუძღვნით დიდს მადლობას.

K 64. 440
2

ଓଡ଼ିଆ ୪୦ ମାତ୍ର.